

ВАТАН
СОВЕТИМУ

ВАТАН СОВЕТИМУ

ДАГЕСТАНСКОЕ КНИЖНОЕ ИЗДАТЕЛЬСТВО
МАХАЧКАЛА 1987

С 56 **Ватан Советиму: Альманах тати.—Махачкала:** Даг. кн. изд-во,
1987.—80 с.
Советская Родина: Альманах.

Имисал эдее томом бире 70 сал эзу вэхdevоз, кейки 7 ноябрь 1917 сал пролетаргий Петроград э рэхъбери В. И. Лениневоз венгесдүйт огъюти капиталистъю ве мулькедоргъоре, норе омо власть Совети. Альманах иму вокурде оморени э статьевоз э товун 70 сали Буъзурге Октябрь.

Имисал гъемчун бегьем бирени 110 сал эз деде хъэсүл омореи еки эз биненорегоргий литературай совети Догъистуре, шогъир хэлгъи Догъисту Гамзат Цадаса. Э и альманах дешенде омори е ченд стихигъой эни келе мэглүмлүүше шошьир.

Э и альманах дофус зере оморетгъо, ихдилотгъо, очеркгъой эн авторгъойму нуувьусде оморет э товун 70 сали эн Буъзурге Октябрь, дуруусде жофой эн пушолууе одомигъой хэлгъ иму, зиндегуни советиму, мубгъбет одомигъой вилеет иму э кин Ватан советишүү, гъовхо э гъэршүй эн кемсүгигъо, илгъюм диндоғлоти ведиеш.

Э альманах дешенде омори гъемчун е ченд овосунегъой хэлгъиш.

ББК 84 Тат

С 4702520000—106
М 123—87 99—87

© Дагкнигоиздат, 1987 г.

70 САЛИ БУЬЗУҮРГЕ ОКТЯБРЬ

Имисал эдее томом бире 70 сал эн буьзуүрге революцией Октябрь, гиорунде оморигьо э вилеет иму э рэхъбери буьзуүрге сервэр жофокешгьой эн гъемей гъульомевоз Владимир Ильич Ленинөвөз э мэгье Октябрь 1917 сал. Бесгъууни революцией Октябрь бисдо келе миглид неки эн хэлгъгьой вилеет иму, оммо гъемчун эн жофокешгьой гъемей дуьньёгь. Э десдин революцией Октябрьревоз сүйфдөи гапле э торих инсонет э зир муурс дебирүтгьо фэхъялгьо ве ранжбергьо дануьсдүүт венгесде огъюети эн капиталистгьо ве муылкедоргьоре, норе власть ишуре, овурде хилоси, азади ве тенихдиёри эри хэлгъгьой эн вилеет иму, хилоси ээ эксплуатация.

25-муын Октябрь В. И. Ленин нүүвүүсдебу мэглүүмлүүе Оголномий хуышдере «Э кин граждангьой Урсцет», э комики нүүвүүсдебу э товун венгесде омореи Временное правительство ве гирошидэи власть э дес Советгьо. Э речь хуышдээ заседанией Петроградский Совет у гүфдиребу: «Революцией эн фэхъялгьо ве ранжбергьо, э товун ёгъинлүүи комики гъемши гүфдиренбирүүт большевикгьо, гиорунде омори... Эн сүйфдэ мэглэнэй эни келе дегиши уни, ки э иму мибу хъулькуймет Совети, орган эн хуышдени власть иму, э комики эслэгэй бэхш нивегириу буржуазия».

Революцией Октябрь бирмунди гъемчун нишон эри гъемей жофокешгьой гъульом, э зир муурс дебире миллэтгьо эри азади ве бендсузы миллитиши.

Венгесдэй власть падшогьетире, огъюети эн капиталистгьо ве муылкедоргьоре э вилеет иму ээ дуьли эн эксплататоргьой вилеет небисдэ. Э гъэрший тозе власть Совети вэхийшдүүт гъувотгьой эн контрреволюция. Э кумеки энүгьо оморут те бинебүгъоз ерэгълемиш бире гъушунгьой эн империалистически государствогьой Германия, Англия, Франция, Япония, Америка, Турция ве угъониге.

Неденишире э келе четинигьо, гиснеигьо, тонголигьо жофокешгьой эн омбаремиллэтлүүе вилеет иму э зир рэхъбери партией большевикгьоревоз дануьсдүүт э гурунде салгьой граждански довгло бесгъундоре, дербодогьун сохде гъушунгьо ве десдегьой эн контрреволюция ве интервентгьоре.

И келе бесгъунире эжиге овурде бисдо чуынки келен бирор э гъэд эн гъеме бирорие хэлгъгьой вилеет иму—буьзуүрге хэлгэ эн урус бирмунд неки келе нишон интернационалисти, революционни эшгээ э гъзовхо э гъэрший зулумкорие падшогьети, эн власть капиталистгьо ве

муылкедоргъо э йүрснэт. У гъемчун келе кумеки сохд э пушоте э зир муырс дебирүүтгэв хэлгэхэвээ эри азади ве ихдиёригьошуу. Жофокешгэй вилеет иму дануусдүүт гирюнде революцияре, бесгүүн доре контрреволюцияре ве интервентгээрэе, чүнки угворе рэхьбери сохдебу буюургэ партий Коммунисти, хьюхмолуу сервер жофокешигьо В. И. Ленин.

Иму э келе хосдэи ве хуурымтевоз э ёр овурденим күйгэне большевикгээрэе, доретгээрэе гъеме данани, гъувот ве зиндегунишуре эри хилоси ве мозол эн жофокешгэй вилеет иму. Иму э келе хосдэи ве хуурымтевоз гъемчун э ёр овурденим жобордлуу революционергэй Догъистуре, гъинорменде гъовхо бердэгээ эри азади эн хэлгэхгэй омбаремилетгүйгээ улжай Догъисту: У. Буйнакскире, М. Даҳадаеве, К. Агасиеве, Г. Саидове, С. Казбекове, С. Дударове ве узгэ жоборде революционергэйгэймуре.

Э большевикгэй Догъистуревоз эеки э гъинормендиревоз гъовхо бердэгээ эри азади эн жофокешгэй Догъисту э вэхд граждански довгло ижирс игиде күкгэй эн хэлгэх урус ве де хэлгэхгэйгэй вилеет иму, чүн Б. Шеболдаев, И. Котов, О. Лешинский, И. Кобяков, Н. Ерошикин, Г. Канделаки, А. Эрлих, Таги-Заде ве угъониге.

Омбаре гъувот, фегъым ве хъэректишуре дөрөт эри бесгүүни кор эн революция э Кавказ ижире ведилуу корсохгэй эн партией большевики С. М. Киров, Г. К. Орджоникидзе, С. Г. Шаумян, А. Джапаридзе, В. Нонейшилии.

Э гээрэй партизангэй Догъисту, эн Кавказ э гъинормендиревоз гъовхо бердэг омбаре одомигэй эн хэлгэх иму. Э эрклүүрревоз э ёр овурденим иму гъемватанишуре Ехъшил Мататве, член партией коммунистире ээ 1918 сал, бэхшвэгир эн срэгълемиши гъолхшире э Петроград э 25-муйн Октябрь 1917 сал, венгесдгээ власть Временное правительство. Ехъшил Мататов бу ээ партийни организаций Догъисту делегат эн Х съезд РКП(б), комиреки рэхьбери сохдебу В. И. Ленин. У бу гемчун эки ээ сүүфдэи шогынгэйму, яратмиши сохдэгээр литературай татире. Эри игидие коргэй хувьшдээ э фронтгэй граждански довгло э гээршүй белогвардейски гъушунгэй Исаи Беньяминове доре оморебу Орден Гүймизине гээлем.

Э гээд эни 70 сал вилеет иму гироши келе ве гүүзетгүйгээ рэхээ. Ээ пушоте лап экономически нас бүгээ вилеет иму чаруусдий имбурууз э лап гужлуу мемлекет, комиреки гыисди фирегэй парамендуу экономика сэг культура. Э гээд эни салгээ хэлгэхгэй вилеет иму дүй э кумеки ёкирээз вокурдэг гужлуу индустрия, яратмиши сохдёт пуштолуу хөгжлийн дэгши э эжиге овурдиревоз политикий партиере э товуун колективизация. Зурбо параменд бирет э вэхдгэй салгэй эн власть Совети культуры эн миллети хэлгэхгэй СССР, мульхкем бири дусдээ энүнгээ. Энэжээг э республикайму э 10 зугыунгэй, гъемчун э зугыун татиш, ведироморени литература, э 11 зугыунгэй доре оморенүйт радиопередачагьо. Э республика кор сохдени 7 государственни театртгээ, омбаре театртгэй хэлгэц, гъемчун театр татиш.

Келе синемиши эри мульхкеми общественни строй иму, дусдээ эн хэлгэхгэй СССР бисдо Келе довглои Ватани. Вэхьшие Германией фашисти кура сохде пенж миллион зиёдтэ талавурчие гъушунгэй хувьши-

дэрс, ченд гъозор танкгъо, самолетгъо, тупгъо ве де ерэгтгъойгере, эз некуми шишире оморебу э сер вилеет иму эри нисд сохде барасигий Октябрьре, власть Советире, венгесде азаде хэлгтгъой вилеет имуре э сүүльсти эн капиталистгъо ве юнкергъой эн Германия, гъирмиш сохде одомиггий советире.

Одомиггий эн гъеме миллетгъой эн вилеет иму чүн сүгжүдэ бироргъо, душ э душ поисде, ерэгтэ э дес вегирде, э гъувот, жун ишу гъимии, инсоф несохде, э гъинормендиревоз женг бердүйт э гъушунгъой фашистиревоз. Омбар гурунд ве секонелуву бу и довгло. 20 миллион одомиггий хэлгт иму туч бисдоруут э келе довглой Ватани. Оммо гъурбуниггий эн хэлгт иму нэгвогт небисдо. Лешгер совети неки гъирмиш сохде дүйшмэнэ, пиш сохд уре эз хориму. У гъемчун мундебиругтгъо гъушунгъой Германий фашистире дербедогтун сохд э хоришу, вено гэлэлм бесгүннире э келлэй эн Рейхстаг. Гъинорменде Лешгер совети гъемчун овурд азади эри хэлгтгъой эн Европа эз мульс ве секонеи фашисти.

Э гъеме одомиггий советиревоз эеки э Келе довглой Ватани бэхж вегирдэл ве келе иgidижьо бирмундэл одомиггий эн жуурбажууре хэлгтгъой эн республикайму: урусгъо, аваргъо, даргингъо, гъумугтгъо, лезгигъо, лакецгъо, табасаранигъо, татгъо, азербайджанигъо, ногайгъо ведиеш. Эри сохде иgidижьошу э довгло э гъэрший фашистгъо гъобул сохдет гъузетлүү нум эн Игид Союз Совети Магомед Гаджиев, Валентин Эмиров, Михаил Осипов, Ханпаша Нурадилов, Ахмед Абдулмежидов, Шамсулла Алиев, Шетиель Абрамов ве угъониге. Дуль гиле гъузетлүү нум Игид Союз Совети гъобул сохди Амет-Хан Султан.

Чувь сал зиёдэ хэлгт иму эдее зигынисде э овхьолет шолуми. Э гъэд эни салгъо жоффокешгъой вилеет иму расирют э келе барасигьо э гъеме тарафгъой экономически ве культурни зиндегуни вилеет. Салб-сал эдее зевер бире материальни ве культурни хүшхьоли эн одомиггий совети. Э барасиревоз эжиге овурдэ торихлүү гъэрорггий ХХVII съезд КПСС-е хэлгт иму диеш эдее гүжлүү сохде экономически гъувот ве девлэл эн вилеете.

Чүйтам мэглүүмиге, еки эз сүүфдеи декретгъой эн власть совети бу «Декрет э товун шолуми». Власть Совети норе оморенгэ э·октябрь 1917 сал э фронтгъо эдембируут гирошиде сүүфдеи довглой гъульоми, э комики э тараф эн Антанте бэхж вегирденбу гъемчун Урсийт падшогьети. Мэглэнэй эни ленински декрет бу эри поюонде довглоре, хун тигы сохдеире, гирошиде э рэхь шолуми ве саламати зигынисдэй государствоггий гъульом дуль эекиревоз. Гъейсэглэт вилеет иму поисди э авангард эн шолумихогын хэлгтгъо, эн гъемэй прогрессивни инсонет эри мульхькем сохде шолуми ве секонесүзире, нисд сохде ядерни ерэгтгъоре ве гъер жире ерэгтгъой довглоре, тоймини сохде гъемишелүүг довглоре эз зиндегуни инсонет.

Империализмий гъульоми э серберэхьи монополистгъой США-ревоз гъэржире хъэрекети сохденуут эри диеш гүжлүү сохде ве омбар веденде ядерни ве уззге ерэгтгъойгере. Эри эни метлеб угъо хэржи сохденуут э сад миллиардгъоревоз долларгъо. Метлеб энү гынисди эри зиёд сохде гъувотгъой довглори, дешенде э зир секонеи гъемэй гъульоме, мульдэ сохде э хүышде хэлгтгъой эн уззге вилеетгъойгере, хъозур бире

эри ядерни довгло э гъэршүй шолумихогье вилеет иму не бирорие ви-
леетгъой социалисти.

Хэлгъёй эн гъеме вилеетгъо э келе разимендиревоз ве войгер-
воз гъобул сохдэти текелифигъой эн хъулькумт советире, эн Генеральни
секретарь ЦК КПСС хөвир Горбачеве э товун негировундэи синеми-
ши сохдэти тозе ядерни ерэгжгъоре, кем сохдэти ве оморе-оморе селт
нисд сохдэти угъоре э хори, э сер глов ве э зир хори. Ерэгжлемиши не-
сохдэти космосе, эри музхькем сохде шолуми ве секонесузыре э гъуль-
лом.

Иму э бовориниревоз дениширеним э биёвгъой эн вилеет советиму,
гэмел оморигъо э арт эн буьзургэ революцией Октябрь, 70 сали ко-
миреки иму гировунденим имисал чүн лап келе мигийде э зинdegүнү
хэлгъёй вилеет иму, чүн товушлуу мигийд эн гъемей прогрессивни
инсонет.

ПОЭЗИЯ

Имисал 110 сали эз деде хъэсүл омореи ведилуье шогыир хэлгүй Догъисту, еки эз биненорегоргьой литературай совети Догъистуре, имогийнне литературни зугъун аварире, корсох жэгэмиетире Гамзат Цадаса. Тэгэрифлууе нум ве талантлууе творчествой эну фирегь мэглүмүйт э хундегоргьой совети.

Гамзат Цадаса, комики хъэсүл омори э 1877 сал э косибе кифлет дөгъльу э дигь Цада Хунзахский район келе четине ве гүүзелтуу рэхь гирошди. У сер гирдик эри нувуусде шогыригьой хүшдерэ эз 1891 салевоз.

Гьетте власть Совети норе оморе Гамзат Цадаса э келе войге ве эш-гъэвээз гъуллугъ сохдени уре. Э талантлууе произведениягьой хүшдэ у тэгэрифлуу сохдени тозе зиндегуни советире, идеегьой ленинире, э сэгьм-сүзыревоз гъовхо бердени э гъэршуй кульяне гээдэгтэй, илгъом диндо-гъоти, эн гъеме жире кемсүгигьо, хыиллеигьо, шефдигьо, мешет бирен-нүтгээ э зиндегуниму.

Гамзат Цадаса гысди гъемчун биненорегор сатирай совети Догъистуре. Сүйфдеи сборник стихигьой эну «Жаруй гээдэгтэй» ведироморебү э 1934 сал. Фирегь мэглүмүй поэмагьой эну «Зиндегуним», «Ихдилот э товун чупон». У нувуусди сүйфдеи баснигьо э зугъун авари, овосуне-гьо эри гээилгьо. Творчествой эну сэхд ологъолууны э фольклор аварире-воз. У тержүүмэ сохди э зугъун авари произведениягьой Пушкине, Кры-лове. У гысди гъемчун сүйфдеи драматург авари.

Хэйли стихигьо ве мэглэгийгээ эну нувуусде оморет э гъэршуй дов-гю, эри мульхкем дошдэи шолумире. Дуль келей кукгьой эн шогыир жун ишуре дорет э Келе довглой Ватани э гъэршуй фашизме.

Талантлууе творчествой эн Гамзат Цадаса гысди келе бэхш э хэ-зиней литература ве культурай хэлгэгьой республика ве вилеет иму.

Гамзат Цадаса

ЛЕНИН

Ки гуфдири Ленин мурди?
Дуз нигуюм у хэбере.
Хьюхмой эну эйму мунди,
Э гъер жиге уьшувгъ доре.

Ленин зинде э кимуни,
Коргоймуре хъэвес доре,

Чуын сүймургъ у пар зерени,
Товуш сохде рэхь имуре.

У хьюхмолууе сер эну,
Эгъуылменде тиже чумгьо,
Эловлууе гоффгьой эну
Зэхм зеренуут э дульшмегьо.

~~Цүн~~ түндэ нүйкерей догъи,
Лап бежиди, у эшгъульни,
Дес кешире эри гъэгъи,
Э иму рэхь бирмундени.

Э лэгIэй гьеме тэгIрифи
Э зугъунгъой гьеме хэлгъгъо,
Дузэ рэхь ю хуби, софи
Эри гьеме жофокешгъо.

ШОЛУМИ ЭЗ ДОВГЮ ГУЖЛУННИ

Хьофдод сале ме зиёдүм,
Дуль гиле эз деде бирэм,
Кульгыне вэхдеш дануьсденум,
Тозе дуныёгье ме дирэм.

Зиндегунире дануьсденум,
Серме негъогъ нисди сипи,
Зобу эз хуб сеч сохденум,
Герек нисди гьич кумеки.

Омбар шинирэм ме гоффю,
Оммо зиёд лап эзугъю
Гыисди гоф «эй Шолуми!»
Эй бэхд ве мозол гүльоми.

Шолуми, азади, бирори,
Еклүье дусди хьовири,
Эймуни девлет, сокити,
Эзи хубте де гоф нисди.

Лап беде гоф гыисди «довгю»,
Беди овурде у эй хэлгъгъо,
Етим, бие зиёд сохде,
Хэлгъ довгюре нэгIлет сохде.

Довгю кукгъю нисе зенде,
Энжэгъ кукгюре сувперде,

У сирои гьич нис бире,
Хэлгъ гьеме гьечи гуфдире.

Гыисди Гэдот догъистони,
У наргов ки суврг зерени,
Бурра гереки сурггьюре,
Гыисди сурггю душмаймуре.

Бигъил параменд бу э иму,
Гыилм ве жофо э хунейму.
Рач дуль хуне гэлемевоз,
Э нишон чин, кечукевоз.

Эгер гуфдиге душмэ:
«Эз корники поит гьеме!»
Чув биё сохим увэхд иму?
Чув биё сохут кифлэтгийму?

Э гоф душмэ гуш нивеним,
Э у кор иму рази нисдим.
Мульд бире? Гьич е вэхдих!
Э у коргю нисдим вердиш.

Дусдгъю, чүн бору мипоим,
Ватане гъэлхэнд мидорим.
Одомигъойму—советини,
Шолуми эз довгю гужлунни.

ДУҮЗД—БОРИШМИШ СОХДЕГОР

Хэбер лов бири эз зуревоз:
Се мэгьи изму эзу вэхд
Гоф нис сохде э Гэлиревоз,
Гюсие зен ю Шахрузет.

Е шев Гэли хисиренки,
Шэхрузет эзу гьеле гъэгъри,
Кемере чарунде енбоки,
Э товуш менг денишири.

Бирден зен эну шинире:
Эз буру еки асде-асде
Сэхде пенжерей хунере
Эдее киниге вокурде.

«Дузыд!»—Зен терсире, лерзире,
Шенд хувшдере э кин шуввер,
Сэхд гъэл гирде мерд хувшдере,
«Жунме, шинов! Зу бош хэбер!»

«Вой Шахру, жон мульбетме!
Хови небуге эвреини?
Тувэн мени гене, дусдмэй—
Мерд шор бире, гуфдирени.

«Омон Гээли, тувэн сес месох,
Дүйзэд эдее дироморе,
Вэхиз э пой туве, хъэрой сох,
Хэлгэг гьеме эй оморе!»

«Ме лап мульдүүмгеш гьеисэгтэй,
Нисохум бэгье буйргутыре
Моч сох мере, жон Шахрузет,
Ги ебийгеш гъэл туве мере!

Эй! Дени, Гээзи, э туморе
Чувь дультууре воисде.
Энжэг туве дануусди зөнмөрө
Э мөрөвээ дусд сохде!»

БЭХШ

Ебо гуург, тульки не аслан
Угью гьеэрсээ э ов рафдүйт.
Хэрэгүүш, хэр не жайрон
Э ов энүгээ оффорут.

Гуург э буйргүү асланевоз
Сер гирд чире эй бэхш сохде.
Ижире коре ээз зуревоз
Гуург ээз худо эдэй хосде.

Аслан ээз гьеме гысд келе,
Хэрээ эй эну но сүйфдэ,
Хэрэгүүш до тулькире,
Жайроне гыишд эри хувьшде.

Аслан бисдо хъуршлув-делув,
У ээз сер гуург бирден додо.
Тупе хуну гулу-гулу
Эхори сер эн гуург оффдо.

Аслан мугу: «И гуург, фэгъир
Недануусд дуз бэхш сохде,

Туве тульки изму сох фикир
Е фөгьмиге эй бирмунде!»

«О, туве падшагь эн хъэйвүгь,
Гээбэжери гуург, гыслетте,
У бу ээз небеледгүү,
Инжо чуьни эй бэхш сохде!

Хуш-хъэлол, э нашдовишму
Хэрэгүүш хурит гыони,
Хэр бугу эй пишнейшму,
Эй шохьонгум—гушд жайрони.

Дуз бэхш сохдем, эдэй дире,
Сохдэй э мэ ихьднэбоги...»
«Эде! Гу, ки тувре ижире
Лап келе эгъуль дори?»

Э пенжэй аслан денишире,
Гуфди Гээмэлдан-тульки:
«Ужире эгъуль дори мере,
Туве сер гуургэ бурранки!».

Тержууме сохи
Хынзгыил Авшалумов

Яков Ильягуев

ШЭГИМЕЛЕЙ АЗАДИ

(Э гуурзэт 70 сали Октябрь)

Аврора! Туве сес дори эй тозе девр,
Планетаре сохи туве хэбер.
Залпгүйтүү венгесдүүт келе шивиши
Э жун капитал, у бисдо пойшиш.

ШэгIмелейтуу, Октябрь, дегеси
Э күнжгъой шар хори пар зе раси,
Хэлгъго гуфдиренүйт: «Тув хош омори!
Чувшмей азади эйму бисдори!»

Сервэр революция Ленин гуфди:
Урсiet эз изму азади!
Тик гирит сере фэхъле не ранжбер,
Э планета гешдени шоре хэбер.

О! Октябрь, тув товуше чувшме,
Эз хори те асму желд эдэй гешде.
Эз нумтуу гъэймгъо оффдет расдире.
«Зигъош Октябрь!»—Угъо гуфдире.

Эритуу имбурууз хьофдод сали,
Гъемише жовон, раге жогъили,
Гүльмурттуу э гүльлом гъэдерсузы,
Эри жофокеш у дусд-гээзизи.

Э Конго, э Лаос, Афганистан...
Жофокеш бири сэхъиб эй Ватан,
Тозе дор бесгъууни у кошде,
Түре, Октябрь, сэхд гээзиз дошде.

Ченд бесгъунигъо дульшмере дори,
Союз Советгъо деш мульхъкем бири!
Эз Восток те Запад и хьофдод сали
Нумтуу э лэгIэй эн хэлгъго дери.

Гээлем Ленини э дестүү дери.
Октябрь гешдени э руй хори.
Боворин бире, гъеми тэгIрифлуу
Э гээрэй хэлгъго гъюими нумтуу.

Хэлгъгъой Ватанме гоф дори түре
Гъер сал пушово эдете рафде.
Э гъемей гүльлом мэгIульми шовгIо:
«Хилос мисохим эле эз довгIо!..»

Ватанме хосде вокурде куьрпи
Восток не Запад дес дутт эеки,
Гердүү шолуми эз асму те хори
Хэлгъгъо эеки сохут рафдори.

СОЛДАТ ЭН РЕВОЛЮЦИЯ

Э гүүзэгт бэхшвегир революцией Октябрь,
жоборде кук хэлгэх иму Ехьиил Мататов.

Гээл бири, гээлире недири,
Лугъэй нуниш те сурои небири.
Бебесузы чор салеле дануьсди,
Эз яздегы э гээтрой нун дебири.

Эри падшогъ солдат бири дуль гиле,
Окоп довгло, гурундигъ эз сер сохи,
Э Петроград тараф Ленине гирде,
Ерэгъ юре э сер контра чарунди.

Гүймур инсон дураз нисди, ширини,
Гүурбу сохи жогъилире эз дуль
Эри вихде келе имид—Бесгүуни,
Түүфенге дес эй Октябрь женг берди.

Э Ростов-Дон, э Дербендиш ченд гиле
Бэхш вегирди э гъовхогъой Ватани,
Телеф сохи ерэгъльье душмене
Эри гъоим бире коргьой Совети.

Бэхш вегирди э лап келе Гуурдлеме *
Коммунистгъой эн жогъиле виleet.
Ленин унжо рэхъбер бири эй гъеме
Гоф ю, сес ю э дуль гъеме домундет.

Эзу мэхъэл те гүймурлугъ Ехьиил,
Хүрметлууье кук эн Рувин Мататов,
Келе коргьо дузов сохи те эхир,
Душменгъйому эз гъэгър бирет сиетов.

Ведилууье, желде корсох партия,
Бульнууд сохи э гъэриш хэлгъ нум юре.
Шогъир, тержуумесох, сигъде дусд фэхъле,
Бине нори десхэтигъой татире.

Бисдхъэшд чигърет жуур-бежууре миллетгъо
Э сер сенгъгъо—едигоргъо вединут.
Бисдхъэшд бирор—гъинорменде жобордгъо
Эй Советгъо э Догъисту женг бердет.

* Е. Р. Мататов бу делегат эн Х съезд РКП(б).

Куынъе богъчай шегъер Дербенд рач бири,
Товуш дуылгъой единоргъо тов доре.
Гүзэгтлүүни э гэрешу кук тати,
Унжо гэтош шевиш-рузиш су доре.

Тозе гэдот гъоим бири Дербенде:
Гирошдегор э сер сенгъгъо гуыл норе,
Пионергъо э гъэрэул поисде,
Гэрэульс-домор эй сер зере оморе.

ТЕШНЕЮМ ЭЙТУЬ

Ширин-ширин гоф сохдейтуь
Гьемишелуыг э ёрме де.
Раче-раче возигъийтуь
Гье поисдет э пушойме.

Сервори:

Биё, биё гэсэлмэ туй,
Деше гъэле э герденме,
Ме тешнеюм эри сестуль
Чумерэхъуым, дуылхшиме.

Мере гъэнэт гъуш вебуге,
Пар мизенуым миём унжо.
Е пертовуш винуым түрье,
Хъэрэот бирэм эйтую инжо.

Сервори:

Эз дор бегъер ширин бире...
Эз шив тегъенг богъи—онгур.
Невелегъо келе бире
Зиёд сохо хуьрмет, обур.

Гьери, летчик! Хъэрекет сох
Зүте дарам э гъэл неве.
Зиёд гердо дашенде тох
Эри мозол вилеетме.

Сервори:

Расд биёво ниетгъой дуыл:
Чувклелегъой жемигээтъо.
Э рап еки мибошут гуыл,
Мундуут тозе бесгъунигъо!

Сервори:

Э гъэриш хов, э эвреи
Фикиргъо нисди мере:
Инсон Хори! Вир сох беди,
Эй ферзендгъо артмиш бире.

Сервори:

Биё, биё, гэсэлмэ туй,
Деше гъэле э герденме,
Ме тешнеюм эри сестуль
Чумерэхъуым дуылхшиме!

Беньямин Сафанов

ПОЙСУҮЗЕ СЭГІЭТЧИ

(Ла . ада)

Е дес сэгээт эн гъулиме
Хэрб бире поисдебу,
Ченде бо уре жумундум ме,
Ухгъо нисе жумусденбу.

Небу мере де чорейге
Экин уудо ме рафденуым,
Ченде будкегъо жергэ-жергэ
Э унжиге ме дирируым.

Еки будкей чекмечини,
Эн доллокчи скигей,
Унигэ эн сэгІэтчини,
Е пенжере э у дери.
Вокурде бу пенжереле
Дениширум сер гъуз гирде,
Дириум унжо ме усдоре
Э сер куэрси дуьрусьд нувшде,
Мерд жонлуу бу, фирегье душ,
Муйгъой сер ю сип-сипини,
Обурлуу бу сифет энуш,
Э с чум ю булул вери.
«Руз эхэйрбу»,—дорум мерде,
Дорум э ю сэгІэт мере,
Мугум: «У кор нисе сохде,
Белки офди чорей юре».
Мерд сэгІэте э дес вегирд,
Э ён гуш ю жумунд аста,
Карасдире э кор овурд,
Гъоб сэгІэте зу векенде.
Гъунгъ, дерзе ве келбети
Жигъригъюре мивекендуyt,
Дананменди, усдоети,
Десгъой эн мерд заргеринуvt.
Зу лов сохде у сэгІэте,
Жайле норе гъер бэхш юре,
Тигъэтлув темиз сохде,
Песде сер гирд руыгъэ зере.
Песде вечи жигъригъюре,
СэгІэте гуырд сохд у гене,
Э кор овурд ухлегъюре.
Вэхдеш но э сэгІэт ме,
Э сэгІэт ю денишире.
Боворинлув гуфди эз ме,
СэгІэте у э ме доре:
«Дузе коре сохдейт ишму,
Экин усдо омореи,
СэгІэт эз кор нис пою,
У пеймуней вэхд имуни,
У бирмунде гешдэй вэхде,
Нис овурде у гъувзете,
Оммо э ёр у овурде
Гъер одоми эй дануьсде,
Э товун ю сохде коргъо
Вэхд гъульмурье эй винире,
Чуу сохдигэ эй овлодгъо,
Нум ю эри нисд небире...»
Пуырсирум ме гъимет коре.
Гъэгъ энтуре бегъем дорум,

Э сифет ю денишире,
«Согъбоширеш», гуфдирум.
«Бэхшлемиш сох,—мугу эз ме,
— Келбетиме чемуьсд оффо,
Уре э ме ди тув, дусд ме».
Дульме инжо эрклув бисдо.
Мугум э дуyl: «Эйчү эхи
Ме гъуллугъчи биё бошум,
Гъэгъ эн коре ме доренки,
Келбетиреш эйчү ме дуyl?
У ю эйчү нис вегирде?»
Талаб эйчү сохде эз ме?»
«Веровун тув метлеб мерде,
— Гуфди генеш эз ме дульме,
— У кор нисди е гурунди,
Келентү чуккле нибу,
Келбетире э усдо ди,
Белки уре мутьялет небу...»
Дер будкере ме вокурдум,
Жендекме сэхд тутым лерзи,
О, дусдгъо, ме чуу дирашуим?
Нувши гъундогъ э сер куэрси,
Чуун симовор, десгъо вери,
Э куэрси у вогосири
Жонлуу мерд, пой невери.
Инжо мере номус омо
Эй сохдемгъо ме фикиргъо,
Гъип-гъирмизи сифет бисдо,
Лой-лум хурдудт эн ме чумгъо.
Дениширум э лой эну,
Э синей ю ве лентлегъо,
У шогъоди игиди бу,
Бирмундигъо у э довгъо.
Довгъо берди пойгъой юре,
Гъеммишелуыг шуьkest сохде,
Генеш офди фенд жофоре
Нишоне эз ю эй гъишде
Пойсуыг гъисдиш у гъегене,
Э вэхд гуыре эдэй гешдэ
Э кор доре эшгъ эн дульме,
Эз эл песо нисе мунде.
Гъуз бисдоруум, ме вегирде,
Дорум э у келбетире,
Расди дес энтуре гирде,
Гуфдирум согъбошире.
Эдем рафде ме фикирлув,
Гоффой усдо де э дульме,
Генеш дульме гъисди шорлув
Веровундем метлебе ме,

Доре э мерд карасди,
Карасдисуъз бугъо усдо,

Ниданув бегъем сохде коре,
Хэйр овурде эй инсонгъо.

МЕНГ НЕ ЧУШМЕ

(Легендаай хэлгъи тати)

Белки и кор гынч небири,
Гье белкинне биреш-бири,
Шинрем уре ээз келегъо,
Дананмендгъой хэлгъи бугъо,
Белки ишмуш шинирейтгэ
Ве фурмуш зу сохдайтгэ.
Лап зу, э у кульгынне девргъо,
Кейки бирүйт ковре вэхдгъо,
Кей мибисдо мульгужуъзгъо,
Менг ве чушме дуль хэгъергъо,
Дудунгъо бирүйт угъо:
Гъердүшүш рач, чуын гульзелгъо,
Духдергъо зу вероморуът,
Инчебеллүү биребири,
Дуль-екире хосденбира,
Эри еки дусдгъо бира,
Оммо е руз гъечи бисдо,
Угъо бисдоруът дульшмегъо.
Чушме увэхд хосдехундбу,
Одохлуре сэхд хосденбу.
Одохлуй ю э хуне де,
Ю эдее хэми сохде,
Э лой гузги денишире,
Бини унжо хэгъер юре,
Бовор несохд жумунд сере,
Менг одохлуй эн чушмере,
Сэхд ширилну гъэл гирдебу,

Э уревоз сине-сов бу,
Гене тижлув миденишув,
Э чумгъой ю у мивинув
Куке эдей гье моч сохде,
Эй э хульше вогосунде.
Чушме вэхишд зури-зури,
Десгъой эну бу хэмии,
Э сифет менг хэми совусд,
Песде зури у видовусд,
Гирошде у ээз булатгъо,
Парзе варафд зу э гьово,
Гъэгър эн дуль ю бире гужлуу,
Товуши до диеш эшгълув.
Эз увэхди непоисде,
Чушме эдей унжо гешде
Герми юре эй инсонгъо
Фуэрсорени э гъер логъо.
Менгиш варафд зу э асму,
Воисдени э у расуу,
Ведешену гъэгър дуль юре,
Тор сохдай рачиюре.
Уш гье эдей видовусде,
Непоисде рэхъэ рафде,
Кими вэхд уре Гээб оморе,
Бирени у лап чуклеле.
Кими вэхдигэ лап торлуни,
Эз номуу селт пэхънини.

Зоя Семендуева

ЭРИ ХОЛИБОФГЬО

Назуышменде духлер догъи
Э ловгъой ю хэнде вери,
Э жохо ю лап эшгълувни,
Эдей бофде раче холи.

Э товуше цех фабрики
Кор сохденуът э бэхъс еки,

Риз эн русму у гешдени
Э раге гуль чаруусдени.

Жофогъошу гульзетлувни,
Эркэуынгъой эн Ватани,
Энтигъэгъой эн Догъисту
Э согъ гульлом гынсд вегирлув.

ТэгИрифменде духдер догъи
Чуын хоненде холи бофди,
Ленин-бебе унжо вери,
Э иловле гульгью пури.

Десде-десде у гульгьоре,
Гуйге эдэй гье фирмсore,

Э гье күнж келе хори,
Бу гуфдире гульшишони.

Тегъер богъгьой эн васали
Гъечу рачи вэхд жовони.
У гысд васал зиндегуни
Ве биёвгьой эн инсони.

ВЭХД ЖОВОНИ

Бош тув жовон хосдей эн дуыл,
Рачи ди тув тегъер эн гуль.
Ватан эз тув шори соху,
Имид э тув ёгъин бесдүү.

Рэхгьой Гульмуур лап омбари,
Угъю эйтүү очмиш бири.

Хубе рэхъэ дан тув вихде,
Э дузэ рэхъ ёгъин рафде.

Увэхд мофи мозол ве бэхд,
Рузгьош мибу эйтүү хушбэхд.
Мидан тув оффде софо
Ве тэгИрифи э гъэд жофо.

Борис Гаврилов

ГЪОЗИЕЙ ГЕВГИД ГҮҮНШИМЕ

Сер ебо оморе мигИид нисону
Э болог демуиде эз сербот эну
У дингьо-догтгьоре гирдегоргьо,
Э дургунигьой дйни боворсохгьо
Дуль мэгь мунде сер гирде оморе
Хъозури мигИиде эй зуте дире.
Сер сүйфде бирени фикир гирд гъогъоли,
Песдэгьош фикиргьо гъэдерсууз омбари:
Гъэлэй гъоб мусын, хъэк не гъогъоле,
Сери-тенире гереки восдоре.
Гушди, дунеи, ченгъэде хоеи,
Шоробе нисд гъэдер, чуынки чор пейле
Томом небире «едиховоре»
Вегирде, гъелбетте, «нисе бире».

* * *

Дуль мэгь пушоте гье сал эй мигИид,
Хувшдере кувшде гүүншиме ГевгИид.
Хъэкчиши сохдени оффдоре вэгИдо,
Полхолиш шушдени эй хэлгь э дерьёгь.
Гене гүүншире чоре небире,
Эй хэржи «мигИид» вегирд мэгИмелэ,
Эз гүүнши-мэхъэлэ гэйби гуфдире.

Гъечи фикир сохде ГевгИид эй хувьшде:
— Ебо мигИиде э рэхь декинуьм,
Худо келен мэгИмелере мидуьм.
Гъер чи хъозури эри мигИди,
Гъобгьюш «гъогъоле» сохде омори.
Пире мерд гъунши шову оморе,
Тикегъой хъэмисе вечи эз хуне.

*

Шев нисону дечире омо
Гъер жире чи э сер сифро:
Тэхъле хрен нэ жуьрмуьсдек,
Чандиге хое, бушгъоб кобоб,
Пур те лэгIэ, чорекей шороб.
Нульшет гъеме э гыирогъ сифро,
«Офигъумош» «дуьздире» омо.
Песде мердгъо дес веноре,
Хундүйт гъеме: «писэхь, моцо, морур...»
Э нуботевоз сер гирде омо
Эри хунде: «гъо-лэхь-мо...»

Э елойге зену нульшде,
Рази бируйт эз бэхш хувьшде.
Чуьники зене у «келе худо»
Бэхш нэдори эй хунде туро.
Дуль шев мигИиде гировунд гъечи
Гъуншиме ГевгИид э хуней гъунши.
Хэйли эз мигИид гирошде бэгъдо,
Песде сер ГевгИид ўёгъ бисдо.
Сэхд оффо у э дэрд-дульесди,
Пул мэгимеле гъониш не раси.
Гъоми, поиз, зимисдущ омо,
Шэхдее мегъгъо ве хиники.
Е руз шохъонгум дере вокурде,
Серье-мэгИмелечи омо э хуне.

Десе зере э кемер мугу:
— Элле, э духдер!..
Шохъонгум э хэйр!..
Тув эжей? Гъич веди нисди,
И хъашд мегъи мигИид варасди.
Эхи эз тув гъич е хэбер нисди.

—Эгъубеттүү э хэйр,
Жон духдергIэмле,
Гье чуын мени хэгъер
Миро тууре!..

— Гысчу мегуо, э етим мунде...
Тулькире хуно бире бедгІэмел.
Эз зир чум хунере гешдени
Э у хунейге Серъё дирени
Э зевер кровать холинче вери,
Э хубе гъимет верзирени.

— Бегем, жон ГевгІид, гъечи кор бире?..
Эй зури гене эдей мигІид бире.
Туль берде пуле нисе овурде
Екиш э меревоз некешири жофо,
Те у пулгъоре кура сохде ебо,
Чук-чукчи сохде, бирем оворе
Те бердегор овурде пулмере...

— Весси духдер, весси дие!
Хижолети эйчучу доре?
Пултууре ме бердере хуно
Мирасунум э игъролево.
Е дуль мегъигеш мунди гъони
Тейте отчет колхоз бирени...

— Бошгу, энжэгъ эй дуль герми
Вэхиз эзу хуне е чи ди!

— Туль гъич гІэйб ниёв беге
Эз хунейме чи эй берде?

Серъё десе зере э кемер,
Тим-тик поисд э лэгІэй дер.
— Гъеле мере гІэйб миё биёв?
Сенгъ биёво э сер дульшме.
И хъэшд мегьи пуле берде,

Не пули, не мэгІмелеме...
Гуйге Серъё вози гъоволенг,
Вешенд хульшдере э тегъер пеленг.
Кеши холинчере эз бел гирде,
Пучунде доно э гъултугъ хульшде.

— Гъоргой тууре пул-чи бире
Биёр пуле—бер молтууре!
Рафд! Дуль ГевгІид бисдо гурунд,
Гуйге э ю корде вогъунд,
Тик гирде сере хуб дениши
Гуйге хунере торики шиши.

Веромо сэхде хиники-шэхде,
Песде сер гирд эй гирисле.
Э ёр ю омо рузгъой гІэили,

Песде чуьтам бирор ю Хыиз,
Холинче доребуге э сер жигъиз.
Шовгло овурд у ээ лэглэй хувьшде
Ижире гъэлетире эй несохде.

* * *

Хэйли вэхд гирошде бэгъдо
Э колхозиш отчет бисдо,
Гевгид гъэтте пуле вегирде
Э лой Серьё видовусде
Доре пуле, мэгимелере,
Вегирдени холинчере.

— Эле, э духдер, чуь тэгиди бу?
Невирихдейки, гъеле мунденгу,—
Сохде Серьё мигъровуни,—
Гъеме туьре хуно мибисдо токи.
Бер мигид туьре э рэхь деки!..

Гевгид ээз гъэгър деш хуришлув бире
Гуфди э дуыл ю деригъоре:
— Не мунди дие гъич у мигид,
Ужире гъэлетире соху Гевгид...

Яшар Машияхов

ДУХДЕР УРСИЕТИ

Эри космонавтка Светлана Савицкая

Ме духдер Урсиети,
Дульме чешмей мутьгьбети,
Муйгъойме э ранг сүмбуыл,
Ловгъойме—ранг гъульзургүйл.
Чумгъойме кипковуни,
Сифетме тов-товини.
Дульме гъисд дуыл пеленги.
Э асмугъо пой норем,

Э кишму вероморем,
Хинике хоригъо!
Одомисузы тэхъноит,
Гуйге э гъэмгъо дерит.
Э дульме е войге де:
Эз дуыли духдериме
Хинике хокгъошмуре
Воисде герми доре.

Борис Ханукаев

ЭРИ ХЭЛГЪМЕ

Гъэлем шогъирире гуьрдем ме э дес.
— О, хэлгъме, тув гуш дор э эшгъулуве сес.

Хэлгээт эн гоффьойме селт нисдгеш гюшир,
Темизи э гъенг эн деде доре шир.

Эз дульме, чешмейме оморе гоффьо
Хосденуыт эритув, гээзизме, софо.

Фикиртуу шев-руз гье э дульме дери,
Эзу гүнжунде оморе шогьири.

Рафденге у гъер дес хъозур э китув,
Сохденуым фикир: хъээз биёв эз тув.

Бисдо ми е бенд ю, е риз семе тек
Эри овлодгъойтуу шори ве кумек.

ҚАЛАМБУРГЬО

Назу

Гушд хурдэй эй назу изму нэгъде кор,
Сес мушгъю э у дие нисе сохде кор.

Хэр

Ченд нолегьюш кеширенуын,—шувкеет сохд
хэр,—
Гене ме гье нэхьисобум э тегъер эн хэр.

Хэрегуш не Гуш

—Нум хъэйвуре лап негьогъ нори Хэрегуш.
—Мереш у нум дорд доре,—шувкеет сохд Гуш

Хуре

Чуьтам хунчай холинчере хурдеге хуре,
Берекет кифлетеш гъечу хурдени хуре.

Зимингез

«Номус, дузи, дусди»,—мугуфди омбар,
Ю оммо мигези э тегъер эн мар.

«Бирор»

Десс мизе э бирори—
Эй ю чөм-чи биёри.

Гэжгъу

Хьол гъэжгъу лап хуши, дери у э кеф,
Ненге э ловгъою нивебисдо кеф.

Биразие кинле

Инсоне эй герм сохде сохденуын чуьш ме,
Оммо гене зиёди хъуьрмет эн чуьшме.

СҮЙФДЕИ РУЗ АПРЕЛЬ

Е мүгІульжуз имбуруз бегъем бири:
Гюшир бире, текебур сергъуз бири,
Зимингезки гъич марьети несоходи,
Зугъун шириң, Гэмел ю бед небири.

Гье имбуруз жуыгъ эн хэр зиёд бири,
Хэр гириге дин-дина невешенди,
Екиш уре э сер куърпи незери,
Чувники дерму э гоф эн хэр дебири.

Е игидиш эз дес гюжиз немуърди.
Эз гъэд хое женгесур муй негешди
Не хэбербер, не хунки женг несоходи,
Дуъзд вэхуьшде хонохоре негуърди.

Тозе гофи, хьовиргъойме гуш венит:
Э и руз апрель недан-овом мебоши!

Шимшуң Сафанов

Э КИН МЕТЛЕБ

Ме, гемире хуно, эдем симов зере,
Э сер шаргъой зиндегуни э метлеб,
Вэхдиш э мөревоз элее пар зере,
Вомухде-вомухде э ме тозе эдеб.

Ме гъеммере хуб сохденуым сечмиш,
Чуътам гүймур бирсниге охмиш,
Ме сур юре офтрем, дерафдем э дуъл вэхд,
Бигъил э хувшдеревоз берүү у э бэхд.

Мөре воисдени бэхд эз ме пушо недарав,
Бигъил э руихъме, э беден ме дарав.
Бигъил буылбуылиш э мөревоз хунугу,
Гүйүзүлгүйлгүш хувшдере десде гирыгүй.

Эз вэхд зу пар зе, пар зе түү, фикирме.
Пар зе э эвир, пушово э Чуышме,
Э метлеб! Э биёвгъо гүзели!
Э биёвгъо деврон—Коммунизм севгили!

ЭРИ ИШМУ

Бире мидануу түү хундей омбаре книгъю,
Эгъуль түү пури, чуън деръегъ эз гүйлгъю,

Гуюмки э гьеме туть хъохмо вомухде,
Ширин-ширин гешде, мэгИнигъо хунде.
Ве э гъинор шогъиритуь екиш нибу боребор
Вегирлувни туть келе, тэгИрифлувни омбар.
Ве гуюмки омбаре жофогъош кеширей,
Э гъэмгъоревоз торихгъош нувувьсдей,
Дан, эгенер нисе хундеге туть
Эй мозол хэлгъ советиму,
Охмури мишенуым ме э хъохмойтуть,
Э у жофогъойтуть, мэгИнигъойтуть!

Михаил Гаврилов

Э РАЧИ ИМИД БИРЕ

Сур дулье вокурдуьм,
Ме э туть бовор сохде.
Тульки, э ме хэндульсде
Гуфдири: «Эн тульнуьм».

Ме туьре дусд данульсде,
Сохдуьм э туть бовор.
Тульки, зарифет сохде,
Дусдире дори вор.

Ме, э туть имид бесде,
Эшгъ дулье вокурдуьм.
Туль, эйгъомлув наз сохде,
Гъувот дори сухум.

Э пушойтуь гиридсуьм
Мульбете бирмунде.
Оммо, тульки,—«Дульрусьдсуьм»,—
Гуфдири, фурмунде.

Огол зеруьм ме туьре
Эри эни дерд чоре.
Тульки деш нешдер зере,
Венгесди э чоле.

Имид бирей э рачи,
Уки е деврони.
Ульткем мегерд лап гъечи,
Пуч небу жовони.

И М И Д

«Дульнёгъ э имидевоз хурде оморе»
(Метелей хэлгъи).

Инсон имидсуьз мибисдоге
Гъич низигъисд э руй хори.
Имид инсон нибисдоге,
У нивини бэхдевери.

Инсон имидсуьз мибисдоге,
У гъич вэхд никеши жофо.
Имид инсон нибисдоге,
У нивегирд эзу софо.

Инсон имидсуьз мибисдоге,
«Авроре» у тупе низе.
Имид инсон нибисдоге
Власть Совете бине мизе?

Инсон имидсуьз мибисдоге,
Гъовхо ниберд эй шолуми.
Имид инсон нибисдоге,
Фашизм нибисдо бесгъуни.

Инсон имидсуз мибисдоге,
Нивокурд буругътой нефти.
Имид инсон нибисдоге,
Плов ничаруьсд э электри.

Инсон имидсуз мибисдоге,
Бегъер нидо гъуромитгъо.
Имид инсон нибисдоге'
Пар низеруьт космонавтъо.

* * *

Гъер гоф эри зугъун нисд ярашувъгъ,
Гъисди гоф зугъуне тежундени.
Вихде гофтъоре гүнжунде ошугъ,
Песде сазе э кор овурдени.

Лазарь Амиров

ИНСОН ГЪЭНЕТЛУЬНИ...

Инсон гъэнетлувни, у нисдигеш гъуш,
У шэгІм нисдигеш, дорени товуш.
Хъэрекет инсони эй гъишде нишон,
Эзу товун у гъемин э деврон
Дерафдени э сур догъгъо, деръёгъо.
Э жофо, гъувот гъимиш несохде,
Земоней хувшдере тэгІрифлув сохде,
Гъемчун охмурн шохъонгумире,
Ушувъгъ рузи ве тори шевире,
Чувники и дэгъдэгъэ э руй хори
Гэилле эй бэхд зенде омори.

МЭГІНИ ЭН ДОГЪГЬО

Эри Расул Гамзатов

Э зевер догъгъо жесдени
МэгІни эн догъгъо,
Верфе хуно хъэл бирени
МэгІни эн догъгъо.

Э гъер гофлей эн гІэилле—
МэгІни эн догъгъо,
Э ён чой хунде духделе—
МэгІни эн догъгъо.

Э сесгъой эн шэхшэхэгъо—
МэгІни эн догъгъо,

Э зерде хушай онгургъо—
МэгІни эн догъгъо.

Э сес сүмбульгъ эн гъово—
МэгІни эн догъгъо,
Э жуьмусдей эн сүмбульгъо—
МэгІни эн догъгъо.

Хунд жуьржуьре э савзеге—
МэгІни эн догъгъо,
Рафденим иму э е жерге—
МэгІни эн догъгъо.

ДУЙ ҚАСҚАГЬОЙ СОЛДАТИ

Дуы каскагьо бу э хори
И ченд салгъо э ён эн рэхь,
Еки дие лап тор бири,
Униге гъисд чуын бур себэхь.

Еки э зир куле дерি,
Парс гирдени э зир гъово,
Гъэрстикон э сер вери,
Чуын едигор беде коргъо.

Асдара ве э униге,
Э гъирогъ эн рэхь гъисдигъо,
Гъуш луле гирди инжиге,
Э ёнлеюш —раче гульъо.

Гъечи унжо у дегешди,
Хэлгъго дануыт гъемише,
Ки эй энугъо овурди
И хуьроме товуше.

ПАР ЗЕРЕНУҮМ МЕ Э КИТУҮ

Пар зеренуүм ме э китуү,
Мозол,
Чуын э ки эн чуышме Икар.
Видовусденуүм э китуү,
Мозол,
Чуын хэлгъ э хъэрой эн пожар.
Оморенуүм ме э китуү,
Мозол,
МэгИниревоз рузгъо, шевгъо.
Оморенуүм сүртме э китуү,
Мозол,
Чуын солдат э зир гїэтошгъо.

Хъэрой сохденуүм э лойтуү,
Мозол:
— Огол зе бер э дуригъо!
Омбар хосденуүм ээз түү,
Мозол:
— Ди эй мульбет зу гъэнетгъо!
Асда гуфдиренуүм ээз түү,
Мозол:
— Кумек бош түү э и рэхъме,
Минет сохденуүм ме ээз түү,
Мозол,
— Зу биё рас түү э киме!

Тержууме сохди ээз уруси
Хыизгъил Авшалумов

Писэхь Мишиев

КЕЙКИ ТУҮРЕ ДИРЕНУҮМ

Эшгъ мульбети э дуыл дери гешденуүм,
Шор биренуүм, кейки туыре диренуүм,
Шевиш, гүйге, эйме э руз чаруысде,
Гъэтте ээз дур э чумме түү вохурде.
Мебош эйме тегъер кулок зимисду,
Мегынл мере эй түү бошум хъэротлув,
Тегъер эн гъуш пардушлув ме биренуүм,
Кейки чигърет туыре э чум диренуүм.
Нидануүм ме түсьуз ебош зигъисде,
Эшгъ эн дуыле чытам мибу поюнде?
Шевиш-рузиши мэ э рэхь гузетуүм,
Мозоллууным, кейки туыре диренуүм.

Д Е Р Б Е Н Д М Е

Тегъер богъгъой васали
Вараюсдей, Дербендме,
Куыгъне дердъю нисд бири,
Жовон бирей, Дербендме.
Тегъер хунчей гъульзульгуъл
Гъер кучей туть геймиши,
Овлодгъой туть шоре дувъл
Ве гъемиге жоборди.

Угъо гъовхо берденуыт,
Боши диеш гъузетлув,
Хъэрекети сохденуыт
Гъер кифлет бу мозоллув.
Меш, Дербендме, гуыл тульнуым,
Веровундей туть мере
Гъеммишегъо михунум
Эй туть мэггни, Дербендме.

ИХДИЛОТГ: О, ОЧЕРКЬО, СТАТЬЕГО

Феликс Бахшиев

РЭХЬ СОХДЕИ

У рузгъо э гъемме гуд-мегуд дебу. Э кими хъэйтгъо оморембу гум-гумми сохдеи евош гиридеи. Кими вэхдгъо эз хъэйтгъо ве пенжерегъой хунгъо миведиромо келе сесгъой гиридеи, комигъоки э дердименд-лууриевоз кори сохдембируйт э дульгъой одомигъо. Эз майдугъо ве кучгъой шегъер ве эн сүйфэ эз центральни кучей шегъер ве э пушой вок-зол буғъо майду гъер руз оморембу сес музик зереи духовой оркестр, комики зерембу походни маршгъоре.

Дульгъой гъемме одомигъой шегъер могъбул бу, чувники бируйт эз еки жайле биреигъо, дерд кеширеигъо эз чумерэхьи. Келе довгъой Ватани, комиреки эз некуми сер гирдебируйт талавурчигъой фашисти, неки буррабу шолумие динже жофо кеширеи гъэдимие шегъере, эн гъеммей вилеете хуно, овурдебу гъемчуын могъбулигъо ве дердименд-гъоре эри гъемме одомигъо гье эз сүйфдеи рузгъой довгъо сер гирдеи.

Гъизгъин герми гъеминони товундебу неки сенгъгъой кучгъоре, гъемчуын жендекгъой одомигъореш. Эз еки кучгъой шегъер, комики товусдебу эз гъизгъин гъеминони, Юсупов, э иловлей комики бируйт хэгъер-бироргъо, тухумгъо ве дусд-хъэрмэх, эдембу фураморе зоффруво э лой вокзол. Э уревоз, эз ю гъич песо немунде, гье эз ён ю, эдембу фураморе бебей энугъо. Жовангъо, гье гоф сохде-сохде, ишуре хэбер-сүз, дарафдуть э гээрэй бебе-писер ве евош-евош жайле сохдуть Юсуф-Джамале эз кук. Ве келе мерд, десдечуре гирде, сергъуз, ве, гүйге фирмуш сохдере хуно, десдечуре нисе норембу э хори, эдембу кешумоле кешире, у эдембу рафде э песой эни келе десде.

Сип-сипи буғъо сифет Юсуф-Джамал, э кутэхь чире оморебируйтгъо рушгъоревоз, бу олхонилуу ве савзе чумгъой эну, комигъоки гъеле вир несохдебируйт шевгъ метлеблуурие экин зиндегуни, эдембируйт э тигъэтевоз томоше сохде гъер одомире, денишире эз сер те пойгъой энугъо.

Эз ён эну гирошд е десде мердгъо, комигъоки эдембируйт э довгъо рафде. Э песой десде эдембируйт рафде гириде-гириде ве гум-гумми сохде-сохде зенгъо ве гээлгъо. Десде э лой расд рафде, эз центральни кучей шегъер зоффруво фураморенге, дие у уре невини. Юсуф-Джамал денишире э эз ён ю гирошденбуғъо одомигъо ве сес пой норей энугъоре шинире, мугу э дуль хувьшде: «Дуразе гүймүрье гирошдем, ченд жире девргъоре дирэм, гъем бедигъо, гъем хубигъореш. Одоми чуьреш вето-вусдени...»

Екем песо поисде эз юре рэхь сохденбируйтгьо одомигъо, Юсупов э дульдоренигъо сесевоз мугу:

— Дульпесо мебош, бебе, гъемме хуб мибу. Нисд мисохим дульш-мегъоре, э бесгъуниревоз мивогошдим э хуне.

— Ме дульпесо нисе биренум, хэлэфме, — мугу Юсуф-Джамал.

— Э невэгъо дениш. Туве тэхъяно мерд демундей э хуне. Э гээрүс түү кумеки сох, гээлгьоре дору.

— Эз ме чуь кумеки биренини, хэлэфме, ме келе мердүйм, эн мэдэвшири — бири, е пой мэ инжои, хэлэф мэ, е поиге э гъур, — мугу Юсуф-Джамал, эз кон дуль лугъонде ох вокошире. — Оммо түү дульпесо мебош, эз гээлгьо олхойн бош...

Уе дэгъдэгъэ томоше сохд куке эз сер тэй пойгъо, песде ён чарунд сифете, уре эз назушмэндигъо хъээс нисе оморембу. Парталгъой солдати, э тэн кук вебирүйтгьо, э у гүнжкусьдембируйт, э дуль хувьшде у шори сохд эз кук, эрклүү бисдо, десдечуре дено э гъултугъ эз хори эри некешире, сер тик гирде рафд эе жергэ э кукевоз.

— Тэрс мэёвгу э дуль түү, уре пиш сох эз хувьшде, уре гыч э ёр мээр, — мугу евашлай Юсуф-Джамал. — Түү мивогошди согъ-саламет, мере имиди.

— Тэрс гыч э фикирмеш нисе оморе, — гээжоиб бире эз гофгъой бебе, жүгъоб до Юсупов.

— Инжо нисе оморе, оммо унжо у мидануу дироморе э дуль гыер одоми, небу э товун эну гыч фикириш сохи.

— НэгI, бебе, олхойн бош. Эзуш бэгъэй иму эри мурдэ нисе рафденим, иму зиндегунире эри эз вэхьшигъ дошде эдее рафденим. Иму мурдимге, ки мидору зиндегунире?

— Дузи! Түү мивогорди согъ-саламет ме дануусденум. Унегүрье дульлме герми, эз түү олхойни.

Угъо поисдуут э ён Глов гирде оморембугъо э гъульандури вебугъо чен Глови, комики бу э эхир станци. Одоми пур бу э вокзал, эри пой норе жигеш небу. Э дуумын рэхь гъовуни поисдебу лап дураз бугъо эшелон. Э у рэхъгъойгэ эдембүрүүт гешде поездгъоре гуурд сохденуутгъо паровозгъо, пух зере-зере ведешенденбируйтгьо думонлуу бугъоре ве гээрэ недоре гудок зеренбируйтгьо.

Юсуф-Джамал нувшд э сер киуге сэхьибсуз гыишдебугъо ящик тэхдэй, вено килэхъэ э сер зани хувьшде, ведешенд эз күүф тесбихъгьоре ве сер гирд эри э угъоревоз ебонжэгъ бире.

— Э солдати эри рафде хъозур бире? — дарафд э гуш эну зарифете ве шинохэ сес.

У сере тик гирденгэ, вини чуьтам э пушой эну поисдебуге кемер дульгъэди бире Зохраббек. Юсуф-Джамал кеши расди десе э лой эну лов сохд энгүвшдгьоре, песде э мувшд гирде, пурси:

— Лерзирени?

— НэгI, — гээжоибиревоз жүгъоб до Зохраббек.

— Оммо түү... эдее гуфдире «э солдати эй рафде хъозур бире»...

Э ижире десевоз гъеле туфенг шенде мибу, олхойн бош.

— Э хоффодсесали гүльмуревоз? — мугу Зохраббек, хэндүүсдэхэндүүсде, песде э ю сүгъире вепичире, гоф сохде недануусд.

— Кориш э у вери дие, — ох кешире, гуфди Юсуф-Джамал. — Мэ

не түни дие гээмели нисдим. Э жигейму гээлгэй оюму мидуут тембихьи вэхьшигьоре.

- Мэ герьдүү куке эдее рэхь сохденүүм, мугу Зохраббек.
- Келei кукме ээ сүүфдеи рузевоз эдее женг берде,—гуфди Юсуф-Джамал,—э коминжоигеш нисе дануусденүүм.
- Эзже ведиромо и гүрзое мар?—мугу Зохраббек.
- Гене коми мари?—пуурси Юсуф-Джамал.
- Вэхьшие Гитлер дие.

Юсуф-Джамал тиж дениши э Зохраббек ве сер гирд эри хэндүүсде. Хэндэй энүу поисденгэ, э ейлугъэвээ покурде э чумгий ю кура биребиуртугъо Гэрэгчөре, гуфди:

- Эгъуль туй энжэгтэй коре лап хуб ваасире...
- Коми коре, гу меш дануум гьери.
- Шоробе. Гэлэгч, туй гьеле фурмуш несохдей, Зохраббек, лезет хубе шоробе?

Изму хэндүүсд Зохраббек.

Герьдүү келе мердгьо э сер ящик нувшде сер гирдүүт эри э ёр овурдэж жовоне вэхдгэшүүре. Оммо ивэхд э солдати рафденбиуртугъо жовонгьо сер гирдүүт эри венувшде э вагонгьой эшелон. Юсупов евошлий куунд оморе, нувшд э гыирогъяа ящик э ён бебешу ве сер гирд эри гуш дошде ихдилот энугьоре, комиреки келе мердгьо гуфдиренбиуртугъо э зарифетгьо ве метелегьой хэлгэриевоз. Дуул энүу герм бире ээжире ихдилотгьо, лов энүу омо э хэндэ.

— Зохраббек, э ёр ту мунди иму э песой духодергьо гешденбииримгьо?—пуурси гьеебо э хэндеревоз Юсуф-Джамал,— чуьтам иму пиён бире, э зир тутдор хисиребиримгьо? Оммо духодергьо эри э иму руухшенд сохде, парталгэймуре э гъугъдор вешендебиуртугъо? Песде туй, маймуре хуно тенбирэхьне э дор варафде, жендек туй гъэрмэгъ-гъэрмэгъ биребугьо?..

— Эгъ, гъеммэрэ э ёр овурдимге, омбар нувшде гереки, бирор...

— Пой ебо, ээ расдекиш эйччу ние нувшим имбуруз ме не туй.

Гээлгэйрэе рэхь мисохим мирайм э лоймүү.

— Э ёр мени, чуьтам кук туй, э ён туй нувшдигьо, э ме руухшенд сохде, э серме лэгъэм веноребугьош,—мугу Зохраббек.

— Чуьтам? У кор нидануу бире.

— Э ёр туй нисди гуфдиребугьо: «У мерд, шуьгъэм ю гъобон гынсдигьо, пушдун гове хунон?»

Келе мердгьо гене хэндүүсдүүт.

Юсупов эдембу гуш дошде ихдилот энугьоре, денишире э лой э вокзол кура биребугьо могълугъ ве, гьелбет уре гьеле хэбер небу. ки ю чор дуразе салгьо мигешдүү гуфдире э рэхгэй довгло, э зир воруш гунилегьо ве гээтошгэй тупгьо, ки ю согъ-саламет мивогошдүү гуфдире э хуне. Оммо э хуне вогошденгэ, довгло ваасденгеш, э ховгьош норет эри хилос сохде хори Ватане ээ дес нэгжлэлтүү талавурчигьой фашисти.

Юсуф-Джамал, вомунде, эдембу 'вогошдээ э хуне, сере гъуз гирдэ э фикирлууриевоз, ёвош-евош пой норе. У, лове э хэндэ веберде, мидениши э лой одомигьо тек-тук э куче гешдембиуртугъо, ве сере жумунде, жуугьоб мидо юре «шохьонгум эхэйрбүү» дорөгөргьо.

ГЬЕММЕЙМУРЕ Е ДЕРДИ

Неденишире э лап огыли хувьшде, Юсуф-Джамал, комики хъоф-додсале зиёдте бу, эденбу зиёд сохде жохо кеширеире. Жовоне мердгъо гъемме рафдебирут э довгъо, Гээлгъо школеи ве зенгъо кор сохденбирут э жигей энугъо э колхозгъо ве де корхонегъойге. Эзини мэхъэл эри Юсуф-Джамал номус оморенбу э хуне нувьшдеи.

Е руз шохъонгум вомунде эз кор э хуне рафдеки, э ён кинотеатр «Ватан» расиренге, эз пилокон эну тузе пух додоре, нувьшд э сер пилокон, ведешенд эз кульф тесбихъюре ве сер гирд эри ебонжэгъ бире э угъоревоз. Инжо шохъонгумъо кура биренбирут одомигъо. Оммо гъеле екиш эз шинохгъой Юсуф-Джамал не оморебу. Тэгиди несохде энжэгъ эденбу бирут гешде тек-туке яралу гъо, э тенгъой комигъоки ве-бирут халатгъой госпитали.

— Дасдаргъой эни довгъо гъелемиш эдете черх хурденуть, — мугу Юсуф-Джамал евашлай эри хувьшде. — Вэхдиш эдее гирошде, имуш эдее пир биреним. Кей мибу эхир эни довгъо...

Гьеебо омо сес пойгъо. Эз күнж куче ведиромо колонней солдатгъо. Угъо эдембирут фураморе зоффруво, гофф несохде, эз миглей куче. Эз жуургээтлуюе пой нореи солдатгъо веди бу гужлути ве боворинлувьшиу.

— Лелей Юсуф, согъ бошит, — мугу комини буге эз солдатгъо.

Юсуф-Джамал тиж дениши э лой солдатгъо, оммо екиреш нешинохд.

— Тув кук кини, хэлефме? — пульсий у.

— Кук Симон зерегорчи.

— Рэхь ник, шор вогордошит!

— Мивогошдим, ёгъин мивогошдим, — жугъоб до уре е ченд сесгъо.

Эз екемиге куче гене сессузыз бисдо, энжэгъ миомо сес зенгъо Гээлгъюре дэгдэно зереи ве э дури равуцденбирутгъо тек-туке сэггъо.

Э ён кинотеатр омо гъульндурье лэгъэрэ Дадаш, комики хъисоб бирембү лап хубе дерзи шегъер. Э ён Юсуф-Джамал нувьшде мугу:

— Шохъонгум эхэйрубу.

— Эгъульбеттү эхэйрубу, — жугъоб до у ёново денишире э сифет эну. — Мере эз гъвойтуй хъээс неомо, тув ежирие...

— Небуге Гэжеле дирей э сифетме? Вэхд имуш бири эри рафде...

— Суке гоффо мегу. Тув гъеле эри Гээлгъому биё парталгъо духи.

— Нэгд, суке гоффо нисди. Гъечи жогыилгъому мульденжон, иму мимульдимгъо хубте бу.

— Ки мульди гене? — пульсий Юсуф-Джамал.

— Эз кук Гууршуум хэбер омори кувьшде омори гуфдире.

— Кук Гууршуум?! — мугу, ох кешире, э гурундревоз Юсуф-Джамал ве вэхишд эз жигей хувьшде, десгъоре э кемер зере варафф зеверо.

Э хъёт Гууршуумгъо одоми пур бу. Юсуф-Джамал нувьшде э сер скамейке ве гешд э чумево. Гууршууме. Оммо у омо ю нувьшд э ён Юсуф-Джамал ве э гъиркелуюе сесевоз гуфди:

— Тэхьноле мундем, де гъовре сохдегориш нисди мере... — у дие

гоф сохде недануьсд, эз чумгъой эну эдембируйт тигъле-тигъле гээрсгьюрихде.

— Чуьтам дуыл дуым туьре?!—мугу Юсуф-Джамал, —эй гуфдире гофиш нисди. Келе беде кори э сертуу оморигьо, уре те согъ гъисдигьо туть фурмуш сохде нидани. Тоб доре ве зигъисде воисде. Ижирие гъисмет одоми.

— Гурунди, дуыл эдее лов бире, эйме жиге нисе оффенуым, —мугу Гуьршуым гирисде-гириске.

— Хувьшдере дуыл доре воисде. Фурмуш месох, энжэгъ мердьети кумеки сохди э иму эри бедигьоре ветовусде ве борж берде.

— Туль дуз гуфдире, Юсуф-Джамал, оммо дердгъойме унгъэдер омбар ве гурунд гъисдүйт «Гловгъой дерьёгь—э мерекем, доргъой више э гъэлемиш чаруьсдүйтгэ» гене вес нисоху эри нувьульсде...

— Генеш дуыл ди хувьшдере, бирор, зигъисде воисде, туьре невэгъо, угъоре туль биё келе сохи веровуни...

Хээсле, дердлув-фикирлүү вогошд Юсуф-Джамал э хуне. Гьетте у дере вокурде, мэхътэл бире поисд э ён дер. Эз доруни утогъ эденбу оморе сес гирисдей гээилгъю. Гээрүүс э хуне недерире у дануьсденбу. Оммо гээилгъю эйчүү гирисденбируйтгэ гээжоуб бисдо. У дениши э иловлей буруни утогъ ве мивину э сер кровать ю киниге дегешди. У куынд омо эз кровать мивину нешинохэ зени.

— Гэй, вэхи, киниге туль...

Зен сере тик гирд, тиж дениши э Юсуф-Джамал, ноле кеширере хуно, уль зере гене сере вено э сер ламболуш руй зофруво.

Юсуф-Джамале э зен езугъ омо. У дие гоф несохде дарафд э доруни утогъ э ён гээилгъю эри угъоре хоши гирде. У гээилгъоре хоши гирде, эз хьээт дировунд е ченд луыгэ беш гээтош вено. чой душунд, вегирд эз шкоф ловошлэгъой сүймергъэндилире, пенире кесег-кесег бурра угъоре, бэхш сохд эри невэгъо. Кукле не духодерле, гынке сохдесохде, терс-терс денишире э лой э сер кровать дегешдебугъю нешинохэ зен, оморуут нувьшдүйт э ён стол. Юсуф-Джамал чой норе эри гээилгъю, гъеркишуре е кесегле шекериш доре, мугу:

— Метерсит эзу, хэлефме. У езугъэ жиге нисди, мескенсүзи, винири дер хьэрзои, чоресуьз диромори. Вегирит хурит. У гисне-тешне биреи, хэлефме, э руй эну вери. Эз гисней суюсд-гъолоки. Эй зен, вэхи биё э имуревоз чой ху.

Зен жуьмусд, оммо невэхишд.

— Биё, метерс, пиш нисохим, имуреш дуыл одомии дери.

Зен вэхишд, дениши э иловлей утогъ, э Юсуф-Джамал, э гээилгъю ве, гээйб оморе юре, евошлэй нувьшд э ён стол э сер Юсуф-Джамал бирмундгъю куьрси. Юсуф-Джамал но э пушой эну е келе кесег ловош, пени не пейлэй чое.

— Веги ху, гээйб мэёвгу.

Зен вегирд ловош ве сер гирд эри хурде, гиснемуурде хуно, гээре-гээрэ пениш гээнж зере ве чоиш хулын зере. Ловош эну зу варасд, Юсуф-Джамал но э пушой эну мундебугъю кесег ловошеш. Зен тутын фуберд у кесегеш. Чое хурде варасденгэ, зен сере гъуз гирде э тэхьлиревоз зар доно гирисд.

— Ини, чуьтам гуж сохде довгло э одомигьо,—мугу Юсуф-Джа-

мал, э лой зен денишире. У деберд гІэилгъоре, дегердунд э доруни ху-
не, ведиромо нувшд э жигей хувьше.

— Мереш бў гІэилгъо,—мугу зен, гириске-гириске,—хунеш, шув-
вериш бу. Изму ме тэхъноле мундем. Кире герекуым ме, эйчүни и
Гульмуурме...

— Эз чувжон тув, хэгъерме,—пурси евошлай Юсуф-Джамал.

— Эз Крым, гулье хуно, раче гІэилгъо бирут мере, шуввермеш
жонлууе, жофокеше мерд бу. Дие гъичиш нисди. Эйчүни мере и Гуль-
муур?!

— Гирис, гирис, хэгъерме, тигын сох дерд дуyl тувре.

Юсуф-Джамал эденбу гуш дошде дердлуюе гоффгой зене, оммо
эз елойге эз фикир нисе вадарафденбу думит э товун дув кукгъой ю,
комигъоки бирут э довгло. Хэйли мэхъэли эзугъо когъоз нисе оморе,
эжеют угъо? Чубь бири угъоре? Э песини когъоз чукклем кук нуввусди,
ки довгло э екиш езугъ нисе оморе. Десдэй разведчикгъошу э развед-
ка рафдеки, е солдат э гъэд више вадарафд э майдузи ве нувшд э офт-
тои. Гьеебо э ужиге раси мина. Э жигей солдат унжо энжэгъ мунд чу-
хуреки...

Юсуф-Джамал сере жумунд, эз лугъонди дуyl ох кешире, мугу;

— Гирис, хэгъерме, гирис дуyl сук мибу. Гъеммеймуре е дерди.
Одомигъо нигыилут тувре езугъ боши, эй зигъисде жигеш мидуут, ко-
риш мидуут, унжо веди мибу чуятын гигъиге. Оммо гъеймогъой гирис
те дуyl тув хомуш бире...

Юсуф-Джамал сер столе вечи, пейле-бишгъобе шушд. Песде э
гъейву десгъоре шушде диромо.

— Дегешд хис э кровать, себэхь мирайм гъердуйму э исполком,
—мугу у э зен, десгъоре э десмолевоз э покурдеки.

Юсуф-Джамал дарафд э доруни хуне, э ён кровать невегъо, ним-
дере дешенде, дегешд э сер эну, э кул хувьше дегирд кульне шинеле.
У гене сер гирд эри фикир сохде чубь бедигъоре овурдиге довгло эри
одомигъо. Ижира фикиргъо э дуyl ю дери, чумгъой эну э хов варафд.
Сульфделе чумгъой эну э хов варафдебу, э пушой эну оморут поисдүйт
солдаттю. Угъо эз више ведироморе, дегешдүйт э майдузи сифтгъорс
э лой чувжме чарунде. Еки эз солдаттю эри эну шинохэ хуно омо.

— Гъей, солдат, тув кини?—пурси у.

— Ме кук түнүм, бебе.

— Руе чарунденге дирируым. Дие инжо эйчү дегешдэй. Гъеммэ
эдете жэнг берденүйт э душмеревоз, оммо тув инжо дегешдэй эхи?!

— Иму эдее форигъэти вегирденим ве хъозур биреним эри э дов-
гло дарафде.

— Эриме оморенигъо тув фурмуш сохдей гоффгой мере. Ме э тув
гуфдиребурум, ки э довгло гъеммише уёгъ биё бу гуфдире. Данусл-
денүм ишму хъэротит эри чувжме, эри васал, эри савзе-гиёвгъо ве
раче гульгъо. Оммо данусладе бошит эз песой доргъо э ишму денишире
вэхьши чумгъой душмегъо...

— Бебе, угъо солдаттоймунуут, — мугу солдат, хэндүйсде-хэн-
дүйсде.

— Гъелеш гІэил мундай,—мугу Юсуф-Джамал.—Данусладе бош,

дұышме гъеле куынди, у э хүмней гъилогъ нен гунилен. Вәхизит мугум дарайт э више...

Солдатға вәхишдұyt, гъерки е гиёвле чире, куынд бердұyt эз ловгъошу, ве тәгіде не сохде, дарафдұyt э више. Э мейдузи мунд энжэгъ е солдат, комики сифет хұышдере руе чұышме гирде, эденбу шори сохде. Гъебо веромо келе суй ГІтош ве солдат лұып зере, сер гирд эри сухде.

Юсуф-Джамал хұышдере вешенде, хәбер бисдо эз хов. У шенд шинеле эз кул хұышде, дениши э иловле. Утогъ торик ве сокит, сессуыз бу. «НэгІлетлүье довғІо,—мугу Юсуф-Джамал э дұyl хұышде,—пире мердгъореш динжи нисе доре.

Вәхьшие, нэгІетлүье довғІо...»

У шинеле дегирде, э чепи пәхъли чаруысде, воисд юре хисуль, оммо уре дие хов неомо. Ю дире хов ве де бедигъойгей довғІои эденбирауыт черх зере, гирошде э пушой эну. Энжэгъ пушой себәх чумгъой эну э хов варафдұyt.

ДҮҮЗДИРЕ ГІЭРУЬС

Биребу ужире гъозие, ки э ю ухшеши э гъэдимие Дербенд эз зуревоз екиш нешиновусде, не диреш—не диребу. Сульфде гъемме э и кор ГІэжоиб бисдорауыт. Оммо песде э лэгІэй гъемме хәйли вәхд дебисдо и гъозие. Гъерки ежире гоф мигуфди: екигъо михэндұysd, рұыхшенд сохде, екигъойге мигуфди биномусе кори гуфдире. Екем вәхд гирошде, и кор э ёр миомоге, гъеммие хәндүсденбирауыт.

Пушой шохынгум бу, оффои эденбу дарафде э песой догъью, жуыр-бежуыре ранглууье риғазгъой хұышдере лов сохде э сер шегъер не пире деръёгү Каспий. Эз тенге мәхъэле, комики бу э ён богъчай форигъети шегъер, эденбу оморе сесгъой раче гъовогъой гъовол-зурнов, тар не комонче. Э сес гъовогъо кура биребирауыт гъеммей ГІэилгъой мәхъэле. Екигъо поисдебирауыт э ён гъопу, екигъойге варафде нұышдебирауыт э сер лұыгегъой тутдоргъо, э хъэёт вебирауытгъо, кими нұышдебирауыт э сер бору.

Раче сесгъой музыкеи эденбу кура сохде евош-евош э ГІэрүсси оморенбирауытгъо одомигъоре, комигъоқи рач геймиш бире, омборекбу сохде сәхыб хунере, мигуфдируыт: «Омборекбу, мозоллұу гердо» ве мишиновусдуыт жұғыбө: «Согъышит, худо шор соҳо ишмуреш, эри ГІэилгъошмуш гердо». Песде угъо мирафдұыт минұышдуыт э ён дуразе столгъо, э хъэёт норе оморебирауытгъо.

Илюша э ён гъопу хъэёт оморенгеге, мишинуу бирордоморгъо ве де хәгъер-бироригей домор, тәбәгъет гъо э сер ишу вебирауытгъо ГІэрүс-духдере эдете вежегъунденуыт. Песде зерегоргъо э пушо дарафде, зерезере вадарафдұыт эз хъэёт, э песой энүгъо вадарафдұыт бирордоморгъо, э доморевоз гъуле-гъул доноре ве гъемме одомигъой домор, рафдұыт э лой хуней ГІэрүс.

Илюша нұышд э ён жовонгъо ве бәхш вегирд э сүзгьбет энүгъо. Сер шев биребу, товушгъо дегесунде оморебирауыт, сес зерегоргъо эз куче омогъо. Зерегоргъо э пушо, э песошу домор э бирордоморгъоревоз, песде ГІэрүс ве э уревоз гъуле-гъул доноребирауытгъо хәгъергилигъоревоз,

Э песошу бергулугъо ве шэгімгиргъо дироморуыт э хъэёт. Э сифет Гэ-
рүс дегирде бу сипре дуьгуыр эврушшуми. Песде зерегорчигъо сер
гирдуыт эри зере гээрүс вежегысденигъо гъово. Дуль э песой-еки сер
гирдуыт эри вежегынсле э гээрүсевоз бирордоморгъо ве хэгье-бирор-
гъой гээрүс нен домор. Эз екемиге Илюша дарафф эри вежегынсле э
гээрүсевоз. У, гъулгъоре лов сохде, вежегынсле-вежегынсле куынд бис-
до эз гээрүс. Угъо эз еки лап куынд биренге, Илюша пурсы эз гэ-
рүс:

- Туль уре омбар хосде?
- Э туль чуль кори? — жукугъоб до гээрүс.
- Мере данусле воисде, туль уре хосденигэ енебуге нэг?!?
- Весси, дес веги эз ме, хэлгъ мишинову.
- Эхи ме туль хосденум.
- Туль лап дир хэбер бирей, — мугу гээрүс ве угъо дур бисдоруыт
эз еки.
- Ме туль хосденум, — мугу Илюша, гене угъо вежегынсле-веже-
гынсле куынд биренге.
- Эзуш омбарте?
- Ме мульбет энуре не паймундем, оммо мульбетме гъэдерсузын.
- Дири, лап дир хэбер бирей.
- Мульбетме нэхисиребу, у хушай онгуре хуно евош-евош расири
ве изму лап ширини, шелбете хуно.
- Дири, гуфдирум...
- Дирил э сарай диро, ме миденишуум э туль.
- Эйчуу эхи?
- Мере э туль гофи гуфдирени.
- Туль э гъерчуб-бисдош гъеле имидий!

Ивэхд диромо эри вежегынсле э гээрүсевоз бирор домор ве Илю-
ша межбур бисдо эри вадарафде э гъирогъ.

Хэйли вэхд гирошде бэгъдо зерегоргъо норут э гъирогъ карасди-
гъошуре, угъоре воисдебу екем форигъэти вегириу ве э гээрүси нувьш-
дегоргъо сер гируктуулж хурд.

Э сер столгъо пур бируктуулж савзигъо, дуруп-зерде, емушгъо, тозе
буржуунде нунгъой тонуй ве де хурекгъойгэ. Гээре недоре серпоигъо
эдембируктуулж норе э пушой гъуногъо дуль э песой еки жуць-бежууре
герме хурекгъореш. Илюша гъенжи е пейле сипре шорб, хурд е дулме.
Дие хурд недануслд. У эз зир чум дениширебу э гээрүс ве эдембу э
дуюл хувьшде гофф сохде.

Чуьтам бисдо эхи и кор? Е ченд салгъо дусди гировундейм-эеки,
оммо и э екигэ э шуьвер эдее рафде. Ченд шевгъо те сэбэхгъо эеки
гешдэйм э гъэд богъгъо, э зир доргъо нувьшдэйм, эз богъгъо э пееде
оморейм шевгъо, энжэгъ э шегъер расиренгэ жайле бирейм эз еки, екиш
невинуу гуфдире. Беге гъечиш бирени? Э екиревоз гешде, э дуул эну
элов мульбете венгесде, оммо э екигэ э шуьвер рафде?! Меш тэхсир-
лүүнум белки, э вэхд ю сер негирдем коре?! Белки, у э мөрөвөзиш, э
уревозиши... Нэг!, нэг!. У кор бире нидануу, кей мидануу у э уревоз
гешде, кейки эз себэх тэ шохьонгум, эз сер шев тэ себэх иму гье
эеки биренбирим. Оммо, песини мегъгъо ежире бу, могъбул бу, гье во-

исденбу чуынгэ гую э ме, генеш гычиш негуфди. Белки уре воисди э товун одохлуй ю гую...

У тиж дениши э лой гээрүс, чумгьой энугъо вохурдуть эеки, у э чумгьоревоз пурсы ээз гээрүс: чуытам бисдо эхи и кор? Гээрүс серэ гъуз гирд е дэгдэгъэ, пэсде сере тик гирде тиж дениши э Илюша, гүйгэ гүфдирере хуно: «Тув хувьшденитув тэхсиркори...» Илюша тиж денишире э гээрүс бирмунд э чумгьоревоз: «Ведиро» гүфдире. Пэсде у дениши э лой домор, комики бу куынде хъэрмэхь эну. Уре гъэгър не омо ээз домор, энжэгъ бэхили соход э у. Илюша вэхишд дарафд э хүрек сохденигъо утогъ, э комики дув дер дебу, ээз у дериге дарафд э лой сарай. Хэйли мэхъэл дениши у, пэсде евощлай э сарай диромо гээрүс.

— Тувре чуь бири? Тув делув бирей?—мугу гээрүс э гэжкошибиревоз, евощлай.

— Бий инжо,—у ээз гъул гээрүс гирде деберд э дору, — тув эйчүү гуж сохде э хувьшде. Тув уре нэхосдеки чуытам э шуввэр рафде э у. Гьем гүймуур эну пучи, гьемнгэ гүймуур эн тув. —Илюша вэгирид гьердүү десгъой энуре э десгъой хувьшде. Угью хинник бирукт ве эденбируйт лерзири гээрбечдоре хуно.

— Дие тув эки дениширебири, эгъульсук... Ме э руй бебейму поисде недануьсьдум. Бебэгьойму, гьееле иму гэилле гысдники гоф доре-бирукт екире мере эри эну хосдени. Ве ини доре гоф хувьшдере бэгъем сохдёт. Оммо тув... —дие духдер гоф сохде недануьсд, бугъоз ю гирде ээз гъэгър дувьл ю.

— Тув э гоф бебешму дениширий дие, веровундей и вечэхэрэ гэдоте, мууди бирей э пэс мунде вэхьшие гэдотгь. Тув е эгъульменде духдерики, оммо...—Илюша екем мэхъэл поисд гоф несохдэ, хомууш бисдо, пэсде э олхониревоз пурсы:

— Дузире гу, ме ээз тув дие гычиш нипуурсум, токи дузире гу, тувре хъээз оморени эзу, тув уре хосдени?

— Нэг!,—мугу духдер, хэйли фикир сохде бэгъдо.

— Лап хуб, согьбиши. Гьечу биренге гушдор гоф мере. Ээз е сэгээтгэгэе ме э ён гъопу дениширем э тув.

— Чуь? Чуытам денишире, гээрүснин эхи?

— Тувре ээзу хъээз нисе оморе, э нэгъогъ пуч месох не гүймуур түүреш, не энуреш. Ээз е сэгээтгэгэе ме э тув гузетум, гьеочу-бисдо сүке партал воку э тен тув ведиро.

— Хэлгъ чуь мигую? Тув делув бирей? Хуней хэлгъэ ээзир номус дэгьишдэ?

— Гүфдирүм э тув! Сох гүфдирей мере. Гьеимогъой бугъо хуби, пэсде диеш зобуте биренжон. —И гоффьоре гүфдире Илюша евощлай гъуыл додо уре вадарав гүфдире.

— Ээз екемнгэ юш ведиромо эзунжо ве екиш юре недиреки вадарафд ээз хъээст.

— Ээз е сэгээтгэгэе угью вохурдуть эеки. Илюша поисдебу э гузет ведоре хувьшдере э серин бугъо гээдимие дивор сэнгъи. Гьетте духдере дире, у гирд ээз гъул эну ве э теретэгдиди ведеберд ээз шегъер. Угью сүйфдэлэе ээз шегъер вадарафдебирукт, ээз песой кемер энугъо омо сес гээрбебе э рагчай энугъо расиренгэ, гээрбечи пурсы:

— Эже рафденит гъечи нимешев?

— Э Белиджи,—мугу Илюша.

— Лап хуб, эймеш ебонжэгъи мибу, венушит э гІэребе.

Угъо венушдудт э сер лембе э гІэребе вебугъо ве гІэребечи гІэсбе гъей сохде, пурсы:

— Эй гешде оморебирит э Дербенд.

— Эри,—мугу Илюша,—согъ руз гешдэйм, вомундэйм.

— Жовоне вэхд ишмуни, гешдит,—мугу ГІэребечи, —поизи, вэхд гІэрүсигъои, гІэрүсигъо омбар дери э шегъер. Коргьоре варасдет, имогъой эдете гІэрүсигъо сохдендунт. Э хунаймуш оринейге гІэрүсини, биёйт э гІэрүси. Эри, ишму эз Белиджинит дие. Ме белиджийгъоре омбар шинохдендуньм...

— Гъери гуит, леле,—пурсы Илюша,— ишму гІэилгъошмуре э вой-гешуревоз эвлениши сохдэйт, э ишуре воисде одомиревоз?

— Гъелбетте! Беге э девр иму гІэмэл миёв э гІэрэй жогылгъо разимendi ве дүйекирехогы недери эвлениши сохде?!

Илюша дениши э тараф рач товуш дорембугъо менг ве, эз базуй духдер гирде, күнд овурд эз хувьшдэ...

Эз е сэгІэтигэ поезд «Баку-Москва» берд гъердуй энугъоре э та-раф Москв.

Угъо э Дербенд оморуыт е ченд салгъо гирошде бэгъдо. Поиз бу, вэхд гІэрүсигъо бу. Сульфдэле сер гирдебу шев эри э руз гъэриш бире. Эз кучгъой шегъер эденбу оморе раге сесгъой вежегъисденигъо гью-вогъо.

Угъо эденбируыт рафде сере гъуз гирде, оммо чүн гІэйбкеше гІэ-илгъо нэгI, чүн мозоллувье боворинлууе одомигъо, э ловгъошу мозоллувье хэнде вери. Э пушой энугъо дебириут дуль куклегъо, комигъоки видов-видов сохде, эдембириут шори-шори вози сохде. Угъо бириут нишрэгъой Юсуф-Джамал.

Эз зугъун уруси тержууме сохи

Ася Изгияева.

Нисон Гилядов

ВЕТЕРАН ЗАВОД

Э шлифовалын станокгъо завод Дербенд келе ве омбаремиллетлууе колективи, комики эдее кор сохде эз сульфдэе рүзгъо и корхонере бине норе эйлоревоз. Диеш дуз гуфдириимгэ, у гысди бэхш вегирдегор э вокурдэе эни сульфдэе шегъер бине норе оморигъо келе мошингъо ведешенденигъо корхоней эн промышленность.

Гъеле мугуиге и пушогъо бу, кейки инжо, эже гъейсэгІэт завод поисдиге, бириут жиге бисдугъо, савзибогъго, эзугъо э улоте—онгурбогъгъой эн Ленински совхоз ве колхоз э нум Жданов.

Те увэхдигъо э гІэрэй эн дуль гъульдууре ве фирегъунс диворгъой гъэле сигъимиш бугъо шегъер, мугуиге э вэхд поиз хууршлув биренуунтгъо шаргъой Қаспияре хуно лепуур зере ведироморе дур эз гъирогъ эн

дерьёгъ, гъечи тозе завод э корпусгъой хувшдеревоз, бине гирде э песой эни боругъо, фирегъ сохд серхъэдгъой шегъере. Э заводевоз эеки сер гирде омо эри вокурде е ченд тозе омбаре тебэгъэй хунгэй, изму ча-рууцдигъо э келе куче Советская. Э у жиге бисдугъо, бүше мулькъо имогъой вокурде оморет: зданий эн шегъерие комитет партии, тозе стадион, дуль тозе чендтэбэгъэй хунгэй ве оводунеэ зал спорти эри зимиудуи. Гъе инжо дешенде омори ве веромори келе раче парк, эжеки ГЭэилгъоре омбар хъээз оморе эри вози сохде ве форигъэти вегирдеи. Инжо сүүфдеибо э шегъер вокурде оморет дуль тозе гэймогъоине атракционгъо—э гъувот электриревоз гашденуутгъо моингъой ГЭэли.

Вес мибу энжэгъ гуфдиримге, ки ээс се бэхш дуль бэхш зигъисдегоргъий эн шегъер имогъой зигъисденуут э дуль тозе келе микрорайонгъо, вокурдэй комигъохи бирүйт ологъолуу э вокурдэй сүүфдэй лап келе корхоней шегъеревоз э сер эн 60-муын салгъо.

Ижире бири мэгГэнолууи завод, томом дегиши сохдигъо чигърет эн гъэдимие шегъере.

Эз вокурдэй и келе ве эри зиндегуун эн согъ шегъер лап вожиблуу бугъо корхонере (станокгъой комики фирмсore оморенуут э жувьрбажууре улкэгъо ве келе промышленни центргъой виleeт иму, гъемчун ээс серхъэдгъой эну эулош), сер гирди рэхъ жофои хувшдере Борис Мишиев. Сүүфдэй сенигIэт эну бу—хувьрметлуу ве тэгГрифлуу сенигIэт —вокурдегор. Песде гъе инжо э вэхд вокурдэй заводе уре норенуут рэхъбер эн бригадай бетонсохгъо. Завод э кор венгесде оморе бэгъдо, жононе пушолуу бригадире фирмсorenуут э Москвэ се мэгъине курсгъо эри хуте бире тозе заводе герек бугъо сенигIэт токарь-росточник. Е ченд сал Борис сохдени сенигIэт токарире ве дарафдени эри хундэ э шевине техникум.

Хундэире варасде бэгъдо, у кор сохдени мастер эн екимуун цех механикаи, песде келен мастер эн корпусни мескен. Дегь салгъо у кор сохде э и мескен ве омбаре салгъо Сири келси мастер эн дуымуун цех те песини салгъо...

И гъуундууре, назуке ве обурлуу пэнжогъ сале мердэ, рафденигъо рэхъэ гогъ бежид, гогъ евош, э фикир хувшде деригъо одомире хуно, омбаре вэхдгъо дире бирени чуьтам э завод, оммо гъемчун э шегъериш, чуьники Борис Янкилович гъемиши активлуу бэхш вегирде э гъеме келе коргъой жэгГмиети. Эз лэгъэрэ сифет ве тухе чумгъой эну кими вэхдгъо гирошдени соёй думит кеширеи ве фикирлуу...

Мескен корпуси гъисди еки ээс келе мескенгъой кори эн завод. Оммо у омбаре салгъо бегъем нисе сохденбу э пушо норе оморе везифэгъоре. Имогъой у гъисди еки ээс пушолуу мескенгъой эну. Э куунди гъер мэгъ коллектив эну вегирдени премиягъой пулире э артгъой бэхъс социалисти гууре. Э гээрий корсохгъой эну дерүйт омбаре зарбчигъой жофо, пушолуу фэхъялгъо, гъер мерд э зиёдиревоз бегъем сохденуутгъо гъэрдхундигъошуре. И одомигъо келе кумеки сохденуут э рэхъбер ишу. Э эрклүүрэвээ гирде Борис Янкилович нумгъой эн слесаре-гуурдсодогоре Данииле Абакумове, эн токарь-росточникго Петр Матвейченкоре, бироргъо Ахмед ве Иса Исаевгъоре, сади чуыл-сади пэнжогъ процентгъо бегъем сохденуутгъо гъэррэзине гъэрдхундигъошуре. Мескен, рэхъбери комиреки эдее сохде Мишиев, омбаремиллетлууны, э гээрий

корсохгьой эну дери келе ве мульхкеме дусди. Белкин гысд еки эз нишонендергьой рэхъбер эну.

Борис Янкилович гъечи гүнжунди коре, ки корсохгьой мескен э кин эхир мегь дануьсденуыт э товун гъэрдхундигьошу, норе оморе ве зифегьой биёвгьо мегь ве жэгІм сохденуыт артгьой гирошигьо мегье. Э гъер корсохэвээ гировунде оморени меслэхьэти, бинелууе мэгІэнай комики гысд очмиш сохдеи барасигьо ве кемсузгигьой кор энугьоре, гешде ве офде тозе минкинигьой эн доруние овгъотигьой корире. Жейлее гъэйгъукешире э кор хувьше Борис Янкилович эри дуз сохдеи пурсыш кадрагьоре. Фегъм сохдени жигей фэхълеи корсохгьоре, э вэхд ю дорени угьоре герекие карасидигьо ве детальгьоре — гъиметлууе вэхд фэхълеи энугьо э негъогъ пуч небу гуфдире, эзу товуне у гъеле эз эхир смена винире хъозурлугъи биёвгьо рузе эри кор.

Ебо э гээрэйму гироши ижире меслэхьэт:

— Чувжиреи бинелууе везифей несигІэтчи ве рэхъбирму э вараси-реишмуревоз? — пурсируум ме эз Борис Янкилович.

— Рэхъбирмугьо омбаре кумеки доренуыт э кор вомухден жовонгьоре, данани дореи угьоре. Угъо, чуьтам гуфдиренуытгэ, доренуыт эстажетай эн бугъолууе синогъи коришуре эз гъеймогъоине вэхд э биёвгьо, — гуфди у.

— Чув хосиетлууни эри чигьрет гъэгъигъэте рэхъбирму?

— Эзвелиминжи, хувьшдени рэхъбирму биё бу хубе, дананменде сенигІэткор ве э гъер кор биё бирмину хубе нишонере. Дуымуњи, рэхъбирму биё гируг хуьрмет жовоне фэхълере, неденишире э у кор, ки вероморенигэ эз дес эну э у тапшувьмиш сохде оморигьо везифе, енебуге гъеле нисе вероморе. Инжо эн сүйфде э назар биё вегирде биёв хъэрекети, войгэй эну эри и коре багъем сохде. Ижире вэхд рэхъбирму гъэрдхунди неки эри андурмиш сохде ве варасунде тэгъер, гум, фендгьой эн е детале сохдеире, оммо гъемчун бирмунде, чуьтам уре сохде герекиге. Инжо гереки келе сабур ве тоблуви. Герек бисдоге усдо биё бирмуну дэгъбош фендгьой эн у коре сохдеире. Жовоне корсохэ гъэйгъусуыз, кумексуыз гъишде гэмел ниёв тэ у мэхъэл, тэ кейки очуцгь веди небу, ки кор эз дес эну миворов гуфдире. Тэ ебо жовоне фэхъле э корхоне оморе эри кор сохде, сенигІэт хуте бире, у э школа гирошид хундеире, тербие вегирдеире. Учительгьо э школа гъэрдхундудут эри тербие доре жовонгьоре э руухь хуьрмет гирдэи жофой фэхълере, хъозур биреи эри кор сохде э ишуре воисденигьо сенигІэт фэхълеи, ориентировать сохде угьоре э еки эз сенигІэтгьой фэхълеи, эз комики угьоре хъээс оморени.

Имуре лап хубе синогълууье десдэй рэхъбирмугьо ве несигІэтдорогрьои. Меселен, вегирим виним нишон ижире келе квалифицированни фэхълере, чуын Ахмед Исаев. Омбар гъэйгъукеши ве фикир доре у э пурсышгьой вомухдеи ве хуте сохдеи жовонгьоре. Виниге, ки эз дес жовоне фэхъле е кор нисе вероморе, у хъозури гъер вэхд кор хувьшдере гъишде э жовоне фэхъле кумеки сохде, чуынки у хуб варасире чувжире хижолетире кеширене жовон э кин эну руй биренигьо вэгІдо эз товун небеледи хувьшде. Борис Мишиев гъемчун хуб варасире, ки жовоне одомире зиёдтеш гэйб оморе эри дуымуњ-сеймуюн гиле э кин келете хъовир эри руй бире ве эз кор ю поюнде уре. Исаев хъозури эри кумеки

доре гъер фэхълере, недснишире э у кор: и жовоне шегуьрд юни, енебуге кесиген. Э и кор эри эну бешгъеи нисди.

— Ини гъечи варасиренуьм ме чигьрет гъэгъигъэте рэхъберире. У бие кешув неки гъэйгъуй эну коре, ки жигей фэхълею гъемише темиз бу гуфдире, плантьо в вэхд ю бегъем бу гуфдире, гъемчун ижире. гъэйгъукеширеи у биё бирмуну э товун жовоне хьовир кори хувьшде.

Гъеминон э ён богъче э нум Киров гирошденге, нефес одоми э хъэвсевоз кешире раче, серине, хушбуильуье эвире. Рэхь Борис Янкилович э завод гирошдени эз богъче, песьде эз гээрелугъ сохде оморигъо э гъэдимие дивор, завод вокурде оморебуго вэгидо. И рэхь дуразиш нисдиге, оммо лап рачи: дуль тараф эну ведабурра оморет э доргъоревоз, комигъореки кошдет корсохгъой завод. Эзуш бэгъэй, эз е тараф эдей хушбуй доре тозе парк, эз елойгэ, э песой дивор келе багъ емишдоргъон, кошде оморигъо э келе хъэёт, э мемзуыл, э комики эз куынне вэхдевоз поисди мэгидуьмлуюе миноре, э куынди сад салгъо товуш сохденигъо гъирогъ дерьёгье. Инжо лап рачи ве серини. Негъогъ нисди, ки эз зуревоз, багъче э нум Киров биригъо лап могълугъ шегьере хъэз оморенинь жигей форигъэти вегирдее.

Хъэз оморе эзи жиге Борис Янкиловичеш. Инжо оморе у э рузгъой форигъэти вегирдее, эзинжо гирошде у гъер руз э кор, е кем зуте ведироморе эз хуне эри е-дуль минут э багъче поисде, енебуге евош, тэгиди несохде эй гирошде. Э багъче ведироморенге ве е сад метргъо эз серине рэхь гирошденге э пушой чум ю вокурде оморе фирегъуне мемзуылгъой завод, э вокурдее комики бисд пенж салгъо пушоте у бэхш вегирди вс э комики эдее жофо кешире согъ кифлет эну, омбаре куынде одомигъо, дусдгъо, хьовиргъой эну, завод, комики бири эри эну дуымуын сувьгъде хуне.

Эз дуьли эдее эрк сохде Борис Мишиев эз гээнизе корхоней хувьшде. Суьфде, кейки жовоне фэхъле, енебуге сенигээткор диromорени эри кор сохде э корхоне, Борис Янкилович хъэрекет сохдени эри шинохунде уре э заводевоз, гировундени э гъемме цехгъо ве мескенгъо. У ихдилот сохдени эри эну кей бине норе омориге и енебуге уъзге цехиге, чуьжире жиге гирденигэ гъер цех э зиндегуни эн завод, чуь жире мэгиденоиге гъер цэхэ э практикей кор эн гъемей завод. У гъемчун хъэрекет сохдени эри варасунде э тозе корсох чуьжире станокгъо ведешенденигэ завод, э чуьжире вилеестгъо и станокгъо фирмсore оморенультгэ. У гъемчун андурумши сохдени э жовоне корсох, ки э у эдее ихьдидор сохде оморе гъиметлуье станокгъо ве оборудование, ки гъер деталь, ведешенде оморенигъо э завод, биё э селигъэи ве фэгъмлуюиревоз гуьрд сохде биёв. Эзижире кор бенди, чуьтам и станокгъо кура сохде э кор дешенде миёвгэ э у вилеестгъо, эжеки иму угъоре фирмсореним. Эзи кор бенди гъемчун хэйр эн хулькумет, хъурмет, боворинлууи эн завод ишу э пушой заказчикгъо.

Борис Янкилович бовор сохдени, ки эгенер э жовоне корсох гъемей эни коргъоре хуб андурмиш сохдиге, герек гъисдигъо жире э у кумеки сохдиге, фэгъм, синогъитууре э сабуьр ве тоблууиревоз уре дориге, у эз дуьли эжиге миёру э у тапшуурмиш сохде коре.

Гуфдире гоффгъой эн Борис Янкилович, гъелбет, лап дузи. У луѓонд варасире вожиблууи кор усдоре, келе жуғъобдорлууи энуре. Ом-

бариш кор усдо бенди э у овхъолетевоз, ченгъэдер у мульбетлууи ве жохохогьи бирмундге э юревоз кор сохденигъю одомигъю.

— Ини, ме себэхьмунде э кор зуте оморумге,—гуфдирени у,—ви-
нируымгэ герекие хъозурлугъигьоре эри э гүнжо овурде кор фэхъле-
гьоре, ижире гъэнежогъимере э товун кор угъо варасиренуыт чуюн хъэ-
рекетч ве гъэйгъуи дореи эз тарафме эришу, эри кор ишу э барасире-
воз эжиге овурде омореи ве гъелбет э хубе кор ишу гъуре хубе музъд
гъобул соходеи. Кими вэгэдо бирени гъечи: гъвой корсох чую кориге
хуб нисди, кор юш э гүнжо нисе оморе. Кими усдо э герексувье гофф-
серкуширевоз, хъэроеевоз енебуге охмури шендеиревоз диеш гурунд сох-
де дуыл корсохэ. Оммо, э гуфдиреймеревоз, гъер усдо эри хуьшде бие
фикир соху, дануу эйчуниге усол гъвой эн корсох, чую дерд, чую гъэй-
гъуниге уре, чую кумеки сохде герекиге э у. Иллогъки омбариш биё
гъэйгъу доре биев э жовоне корсох. Э эхир руз фэхълеи пүурсире-да-
нуысде гереки эзу: чуьтам гирошдгэ руз фэхълеи эну, ченгъэдер ве чую
кор у сохдиге, чую эз дес эну имбуруз неворемориге, э чую кумеки у
михътожиге ведиеш.

Эзи е пенж сал пушоте, ме гьеле э сувфделе э Борис Янкилович-воз шинох биренге, хъэвслүүе сувгьбет гирошд э Гээрэйму нен гьевел секретарь комитет партии эн завод бугъю Анатолий Григорьевич Бородиневоз. Гуюм очугъ: э келе дульхиширевоз шиновусдум мэ гоффгой парторгэ э товун еки ээз коммунистгой корхонешу.

— Борис Янкилович э завод иму шинохденуыт гъсме: эз келе текчукле. Инжо гуфдире воисде, ки сур эн гъечи фирегъ э гъемме мэглум биреи эну унгъэде э ветеран завод биреи невери, ченгъэдер вериге э одомихогыи эну. Омбаре пушолуье корсохгъойму, изму биретгъо орденлууе одомигъо ве мэглум гъисдуу тгъо э согъя республика, жоофо кеширет э у мескен кори, комиреки рэхъбери соходи хувьшдени Мишиев. Омбаргъой энугъо сүйфде бирукт шегуърдгъой эну. Изму угъю э дедете кор соходенуыт э ченд жире цехгъо ве мескенгъой завод. Угъю э хубе тэгірифлууе гофевоз э ёр овурденуыт келете хъовир ве рэхъбирмушуре ве, гъелбет, вомухденуыт хъуърметлуурие э кин эну э шегуърдгъо ве узге хъовиргъойгей коришүү. Ини бинелууе себеб гъечу хуб шинохден ве хъуърмет гирден Борис Янкилович...

Омбаре хубе, герме гоффю гуфди парторг э товун ветеран завод. Мэ гьейсэгтээ э товун эн гьемей эну гоффю нигуюм, угъоре вогорук нисохум. Оммо нидануум э ёр неовурде ижире гоффью энтуре: «Гъисмет Борис Янкиловиче ээз гъисмет завод жайле сохде нибу».—Э и гоффью эн Анатолий Григорьевичевоз нибу рази небире.

И гоффьоре гъемчун мибу гуфдире э товун эн согъ кифлет энуш, чуьники инжо, э завод эдете жофо кеширенуыт зен эну, духдер ю, кук ю ве дүй бироргъю.

— Э хунеш иму гоффью корире сохденим,—мугу ебо э ме Борис Янкилович.—Унегууре мэхьтеле кор нисд, ки ГЭилгьюмеш э завод оморет гуфдире эри жохо кешире. Духдерме—чертежницаи, кук—инженери. Гъердууй энүгъю хунде верасдет шевине техникум механика-ире.

Гъисмет иму гъечу бири, ки зиндегуни гъеммей иму э заводевоз ологъолуьни...

Гъер себэхь муй сипре, лэгъэр, э миёнее салгьюр гъисдигъо одоми эдее гирошде эз кучегъой гъэдимие шегъер рэхь хувьшдере э кор ве гъербо э пушой чумгъо келе цехгъой завод веди биренге эз дуыл эну гирошдени эрклуви ве шори, комигъоки мугуиге зиётеш гъувот ве хъэвэс доренуыт уре, чуники завод гъисмет юни ве у лап разини э гъисмет хувьшде.

Хъэнуых Анисимов

ГЪЕМИШЕ Э ЖЕРГЕЙ ГЬОВХОЧИГЬО

Сер шеви, Зимисдуни, Хэлгъ эз кор вогошде вэгІдои. Келе товушльве зал эн клуб «Рыбников» э Махачкала одоми тури. Инжо оморетгъо одомигъо гъисдуть одомигъой эн жуырбажуыре миллетгъой эн шегъер иму. Оммо омбардеки энугъо—татгъоют.

Эдее гирошде гуырдлемей эн жофокешгъой шегъер эри дивунлув сохде провакацигъой эн сионистгъой израилире э гъэршүй республикай иму, эн вилеет советиму.

Э сэгъне, э трибуна эдее гоф сохде е сэхде, денуышдее одоми, эз гъульмуур гъечи е шасд-шасдпенжсале. Эз сифет эну мэгІлуми, жуыр-гъэтлүү эну. Э зал нуышдегоргъо эдее э келе тигъэтевоз гуш дошде гоффгъой энууре.

— Иму э и зал кура бирейм имбууруз,—эдее гуфдире у,—кейки одомигъой совети, гъеме хэлгъгъо ве миллетгъой эн бузуурге Ватан иму эдес э хъэрекетиревоз жохо кеширенуыт эри эжиге овурде плангъой партиере эри зиётеш зевер сохдеи хушхьоли эн одомигъой советире. Э гъеме хэлгъгъой советиревоз эеки, хэлгъгъой Догъисту: аваргъо, даргингъо, гъумугъгъо, лезигъо, лакцъо, табасараниго, татгъо, ногайгъо, гъеме жофокешгъой республикайму гуфдиренуыт келе разимендишуре э товун плангъой партией Коммунисти ве хъулькумет Совети, хъозуришуре эри э келе войге ве хъэрекетиревоз угъоре томоми жире эжиге овурдсан.

Оратор эз трибуна гъемчун эдембу гуфдире э товун пропагандай империалисти, комики гъер жире хъэрекет сохдени эри дургуне хъэшгъо вешенде э сер вилеет иму, вэхизунде ихъдиборсузы ве нэхогьи э кин вилеет социалистиму. Иллогъки омбариш ижире хъэшгъо, нэхогьи-гъоре э кин вилеет иму, хэлгъ советиму вэгІз доренуыт, лов сохденуыт зирдесигъой империалисти —сионистгъо. Угъо гуфдиренуыт, ки гүйге э вилеет иму жугуургъоре ве татгъоре сиғымши сохденуыт, кор нисе доренуыт, э хундэн нисе вегирденуыт, диндогъот гуырде нисе гъишденуыт.

Оратор фактгъо, шуморигъо э дес дери э данани ве фегъмлуюревоз эдембу гуфдире, ки жугуургъой Союз Совети энжэгъ ним процент эн гъемей могълуугъ совети биреки, эзугъо лап омбаре гъэдер хундегоргъоют, зеверие образование бирегоргъоют, кандидатгъо ве докторгъой гъилминуыт, академикгъоют, Игидгъой Жофой Социалисти ве Игидгъой Союз Советини. Энжэгъ Игидгъой Союз Совети эз жугуургъо 132 одомини.

— Гынч бире мидануь,—эдембу гуфдире оратор,—э вилемт, эжеки гүйге эдее «сигъмиш» сохде жугъургьоре, ингъэде игидгьо, Гилмчигьо, хундегоргьо башут?

Э келе эрклүйревоз эдембу гуфдире у э товун хэлгъ тати, гыисди гьо еки эз бинелуье хэлгъгьой Догъисту. И чукле хэлгъ дори 2 Игнд Союз Советире е ченд Игидгьой Жофой социалистире. Эз гъэд эни чукле хэлгъ иму ведироморет Гилмчигьо, докторгъо ве кандидатгьой Гилми, пушолуье корсохгьой күтури ве искусство. Нум энжирие келе Гилмчи, кук эн тати Гавриил Илизаров мэглүмий э гъсмей гүльом.

У эдембу дивунлув сохде хьэшчингьой сионистире, комигьоки хьэрекети сохденуыт эри дуышмени венгесде э Гээрэй миллетгьо, мешет биренуыт э кор мухъкем сохде шолуми ве секонесузыре э гүльом, э дургуне пропагандашуревоз воисдени зэхъэр зере э гъэнежкогъи одомижьому.

И ме гуфдиренуьмьо гуьрдлемей шегъер гирошдебу эзи ченд сал пушо. Хульдени эн оратор, э товун комики ме гъейсэгІэт гуфдиренуьм, гыисди еки эз ведилуье корсохгьой республикайму, куыгыне коммунист Ханун Азарьевич Абрамов.

Одомижьо э и зал нульдебирүтгьо хуб шинохденбируйт уре, чуйники омбардеки зиндегуни эну гиросхи э и шегъер, эжеки у кор сохди э ченд жире жугъобдорлуье комсомольски, партийни ве хозяйственни гъуллугъгьо.

Ханун Азарьевич эз деде бири э 1913-муын сал э хуней косиб. У гьеле чукле Гэил гыисди мундебу бебесуьз. Оммо хулькуьмет Совети до уре гъеме минкингьо хри хунде, сенигІэт вегирде, офде жигей хульдере э жергэй эн активлуье вокурдегоргьой тозе зиндегунире. Э 1935 сал у верасдени Технологически институте э шегъер Одесса. Эзунбэгъдо кор сохдени инженер э завод консерви эн Махачкала. Вегирдени активлуье бэхш э зиндегуни комсомоли эн шегъер. Чуюн активлуье комсомол, хундегор уре э 1939 сал вихденуыт сүйфдеи секретарь эн Горком комсомоли шегъер Махачкала. Э и салгьо у дарафдени э жергэгьой партией коммунисти.

Хэйли Салгьо коммунист Ханун Азарьевич Абрамов кор сохдени э партийни гъуллугъгьо э аппарат эн горком партией шегъер Махачкала, пэсде сүйфдеи секретарь эн Каспийски горком партия. Ченд сал Ханун Азарьевич Абрамов рэхъбери сохдени промышленно-транспортни отдел Дагобком партиере. Э күнди 14 сал у бири министр эн жигиее промышленность ДАССР.

У э и жугъобдорлуье гъуллугъ дебиреки омбаре фикир ве хьэрекети дори эри параменд ве жуьрбежуьр сохде корхонгьой эн министерство ведешенденуытгьо молгьоре. Эз гъэд эни салгьо у министр гыисдики вокурде оморебу ве э барасиревоз сер гирдуыт эри кор сохде художественни молгьо ведешенденуытгьо комбинатгьо, холи-хлинче боффенуытгьо фабрикагьо э ченд шегъергьо ве дигъгьой республикайму.

Художественни молгьо ве холинчегьой Догъисту э рачи, верзүзши ве яравушигьошу гүрье хубе нум ве тэгрифлууье жиге гъобул сохдет э Гээрэй эни жире молгьо неки э вилемт иму, гъемчун э выставкагьой эн ченд вилемтгьо Европа.

Ханун Азарьевич эз хосиетгьо, вердүшигьой эн жогылие вэхдгьой

хувьшде мунди гэсүүллүүе партийни пропагандист, тербие дорогор. Омбаре салгъо у бири депутат эн Верховни Совет ДАССР ве эн шегье. Эри хубе нишонендергэй энү э партийни ве рэхъберие коргъо, гировундэн активлуюе кор тербие дореире э гээд жофокешгъо уре доре омори дуу орденгэй эн Гырмизине гэлэем жофон, орден «Знак Почета», ченд Грамотагайй гүүзти эн Президиум Верховни Совет ДАССР. Уре гъемчун доре омори нум «Гүүзтлүүе экономист Догъисту».

Ханун Азаревич хунди веровунди гэилгэй хувьшдере чуын хубе граждангъо ве патриотгэй совети, хубе специалистгъо. Духдер энү— Галина Хануновна—духдир, гэйсэггээт эдее хунде э аспирантура, кук ю, Аркади, инженери.

Ханун Абрамов гэйсэггээт персональни пенсионер эн союзни мэгэенои. Неденишире э салгьой хувьшде, у гэйсэггэтиш эдее кор сохде, доре гъеме данани, синогъи хувьшдере чуын кульне коммунист, рэхъ берчие корсох эри гировундэ э гээрэй хэлгъ, могълугъ партийни пропагандаре, кор тербие дореи одомигьоймуре э руыхь патриотизм совети, интернационалисти, шолуми ве дусди бирори эн хэлгъгэй вилеет иму, жуьргээтлүүе гъовхо бердэй э гъэршуй дульшмение пропагандай империалисти, сионисти.

Дабарьё Шаулов,
кандидат гипилгэй философи, доцент.

ХЬЭСҮҮЛ ОМОРЕИ ВЕ КЛАССОВИ МЭГІЭНОЙ ИУДАИЗМ

(Дульмуын бэхш. Суффдеи бэхш дефус зере омори э альманах 1986 сал.)

Де дингогтгэйгере хуно, иудаизм гъеммише бири дульшмен революционни гъовхой жофокешгъо. Дингогт иудаизм гъемме вэхдгэй торих хувьшде бири гъулугъсож эн эксплуататорски классгъо. Э гъеррузине практикей дингогтоти хувьшде сервогжийн иудаизм хъэрекет сохдет ве сохденүнт эри дур сохде эксплуатировать сохде оморенуягээ одомигьоре эз герекине гъэрхундигжийн гъовхо бердэн эри товушлууе биёвгъюш.

«Гъеме ве гъержире мурсыренуягээ классгъо,—гүфдири В. И. Ленин, —михътожуут эри дошдэе огъюети хувьшдере э дүй социальни функциягъо: э функцией жоллоди ве функцией кешүүши. Жоллод биё тасуну протесте ве биразни мурскечгъоре. Кешүүши биё хомуш соху мурскечгъоре, кешүүши эришу шекуул перспективгъо..., сук сохдэн бедигьоре ве заралигьоре э дошдэиревоз огъюети классире, ве э у тэгьеревоз боришмиш сохде угъоре э у огъогжоревоз, дур сохде угъоре эз революционни коргъо, дульхуурд сохде угъоре экин революции, вачарунде революционни жуьргэтире». ¹

¹ В. И. Ленин, Соч. т. 21, вер. 206.

Лап дуьруйже капиталистгъой жугъури рэхъбери сохденбируть ве сохденуыт иудаизмаре. Э Уруснет падшогъети рэхъбергъой иудаизма бирет капиталистгъой жугъури—Гинцбург, Поляков, Бродский ве чендигъойгеш.

Э иму э Догъисту рэхъбергъой иудаизма бируть гоширгъо Ханукаев, Дадашев ве чендигъойгеш. Рабигъо инжо гъеммише дебирет э зир мульди биреи э гошире татъо. Э Дербенд, Порт-Петровск, Темир-Хан-Шуре лап гошире членгъой эн общинагъо гъэрор норенбируть ки биё буге раби.

Э вэхд гъовхо эри норе власть Советире э Догъисту рабигъо эеки э гоширгъой татъо ве жугъургъоревоз активлуве бэхш вегирдебируть э куфденгъо тараф революциере гирденбуурутьгъо татъо ве жугъургъоре ве доренбууруть угъоре э ихдиёри контрреволюционни гъэчэггъо.

«Гошире жугъургъо,—нуувуысди Ленин, — гошире урусьоре хуно, ве гоширгъой гъемме вилетгъоре хуно э дуль-екиревоз союз бесде, сигъмиш сохденуыт, мульс доренуыт, талаш сохденуыт, жайле сохденуыт фэхълегьоре эз еки».¹

Увэхд, кейки хъулькумет падшогъети гировундебу погромгъой жугъурире, рабигъо гировунденбируть пропагандай монархизмаре. Угъо гуфдиренбируть эз могъулгъгъой хэлгъ жугъури гереки мульди бире гуфдире э хъулькумет падшогъети ве дореш доренбируть, ки «падшогъ худо вихде ве нореи гуфдире». Рузгъой шоботгъо э нумазгъо «борухо сохденбууруть падшогъе». Пенжимуын весиет туроре: «Хъуьрмет ги бебере» рабигъо чарундебируть э: «хъуьрмет ги падшогъе», «нимаз хун эри хъулькумет» ве субут сохденбууруть, ки «падшогъе хъуьрмет гирдэг гъисди гуфдире биней иудаизма ве бинелуве раггъой гъеммей системай диндоготи».

Рабигъо, бирмунде э талмуд, мигуфдируть, ки у одоми, ки вэхишденигэ э гъэршуй хъулькумет падшогъети, биё күвшде биёв, ве ки беди сохденигэ э падшогъ, у беди сохдени э хульдени худо.

Э Варшава э съезд рабигъо э 1903-муын сал гъобул сохде оморебу гъэрорноме: «Рабигъо биё хъэрекет сохут эри нисд сохде идеягъой социализмаре эз гээрэй жугъургъо. Гыч э е хунеш бигыил недебу книггъо, гозитгъо, сиротгъо, элогъолув гъисдүүтгъо э и хэтолуве жэгимиетевоз, чульки у кульденигъо огъуни. Гереки гъэдэггэ зере, ки эз ки оффомоге ужирагъо, у хыисоб сохде миёв член эну жэгимиет ве ёгъин тембихь доре миёв».

Падшогъети, венгесде жугъурнэхогъире, имид сохденбу мидешенуы гуфдире чэхире э гээрэй косибе урусьоре ве жугъургъо, гъувотсуы мисоху гуфдире еклүгиг жофокешгъоре. Хъулькумет падшогъети, гировунде погромгъой жугъурире, хъэрекет сохденбу эри дур сохде гъэгър фэхълегьо ве ранжбергъоре, гээзиет кеширенбирутьгъоре эз дес мулькедоргъо ве девлетмендгъо, эз гъэгъигъэте тэхсиркоргъой гээзиетгъой энугъо.

Кейки э 1904-муын сал депутатией буржуазией жугъури оморенгэ экин министр доруннее коргъо Плеве э Кишинёв келе хуризие погром бире бэгъдо, у жугъоб доребу: «Эгенер ишму тоф доритгэ мере, ки

¹ В. И. Ленин, Соч. т. 29, вер. 227—228.

фэхълегьошму бэхш нивегиругт гуфдире э революционни движение, меш гоф мидум ишмуре, ки гыч е погромиш нибу гуфдире».

Э Урусиет революционни движение гужлув биренге, полиция э тозе бирэхъмлүүревоз гировунд погромгъой жугъурире. Э мэгь октябрь 1905-муын сал черносотенцигъо гировундэт шешсад погромгъой жугъурире, э вэхд комигъоки кульше оморет косибе жугъургъо.

Гъэножэгъулье фэхълегьош гьемме миллетгъо вэхишденбиругт э гъэршай черносотени погромщикгъо. Оммо и кор мешет нисе биренбу э буржуазией жугъуру ве рабигъо, омбаре дорошгъо доренбиругт э товун хосдеи хэлгъ хульшдере, эри сотрудничать сохде э погромщикгъоревоз.

Э вэхд революцией 1905-муын сал рабигъо эеки э православнигъоревоз ве де кешушгъойгъеревоз бэхш вегирдебуругт э гъэршай гъольхишигъо. Угъо гүнжууденбуругт десдэгъо эри куфде тараф революциере гирденбиругтгъо жугъургъоре, мэгІлуум сохденбиругт э товун э пэхъники гировунде оморенбуругтгъо гүрдлемегьо фэхълегьо, доренбуругт э дес жоллодгъо революционергъоре. Э 1908-муын сал э Варшава гирошдебуругт съезд рабигъо руй биребу экин Николай-II э согъбоши верие адресевоз, э комики у тэгІриф доре оморенбу эри тасундэй революциере. Э съезд ишу, комики гирошдебу э Вильно э 1910-муын сал, рабигъо огол зеребиругт э кин сelt нисд сохдеи революционни движениере.

Рэхъбергъой иудаизм вэхишдебуругт чуын лап беде душменгъой Революцией Социалисти Бузуурге Октябрь. Э 1918-муын сал гъуллугъо сохгъой дингогто иудаизм эеки э сионистгъоревоз гировундебуругт ЖэгІмиурусиетне съезд общингъой дингогто ири. Э съезд гъобул сохдебуругт резолюциере э гъэршай Октябрьски революции. Гье у сал Гъеммеукраине съезд рабигъо, коми гирошдебу э Одесса, хысаб сохдебу жовоне хулькумет Советире хъэрүум, егІни, э дин недери.

Э сүйфдэй салгъой хулькумет Совети омбардеки бэхш сервортгъой дингогто иудаизм, христиани ве мусульманире хуно, поисдебиругт э гъэршай Советгъо.

Раби Киев Аронсон э 1919-муын сал гүнжуундебу антисоветие «Союз зинде биренире». У дефус зеребу э гозит оголномере э товун кумеки сохдеи э белогвардейски лешгер Деникин. Совет дингогто общинай жугъури Украина э 1919-муын сал мэгІлуум гуфдиребу согъбоши эз министр Колчак Выгодский эри гъовхо берден э гъэршай хулькумет Совети.

Революцией Социалисти Бузуурге Октябрь эжиге овурди программын талаби партий Коммунистире э товун жайле сохдеи дингогто эз хулькумет ве школе. Нисд сохде оморебиругт гьемме вегирлүнгъо ве гъэдэгъэйгъо, элогъолуб биругтгъо э дингогто гирдэй граждангъоревоз.

Хулькумет Совети минкинлув сохи азади эн гъирьете. Э декрет эз 23-муын январь 1918-муын сал, комиреки гъул кеширебу В. И. Ленин, бирмунде оморебу: «Гъер гражданин мидану гирде юре воюгъо дингогто енебуге негирдэг гыч е дингогто иш. Гъемме гъэдэгъэсохигъо ихдиёригъо, элогъолуб гысдуут э гирдэгъоревоз гъеркоми-бисдош дингогто енебуге негирдэгъоревоз гыч е дингогто иш сelt вегирдэг оморенчнүйт ве кори нисе сохденчнүйт». Эз гъемме официальни актгъо пузмиш

сохде оморебу бирмундегьо э товун биреи граждангьо гирдегор динногъоти. Нуувуьсдеигьо актгъой граждански овхъолете доре оморебу энжэгъ э ихдиёри эн граждански власть.

Э нисд сохденревоз эксплуатацией е одоми екигере э Союз Совети селт нисд бирет материальни овхъолетгьо, зэнденбуьрутгьо динногъоте. Э вэхд социализм нисд бирет экономически э гъулььети венгесдеи жофокешгъоре, гъувотсузы энугъо э пушой стихийни гъувотгъой параменди жэгъимиети. Бенд биреи одоми эз гъувотгъой природа, э пушонне девргъо гуьре, чендвайне кем бири. Одоми эдее чаруьсде э гъэгъингъэте сэхьиб ю деригьо овхъолет. Зурье тегъер параменд биреи экономикей социалисти дорени минкини эри ГЭре недоре буьлувнц сохде материальни разилуви жофокешгъоре, хубте сохде овхъолет зиндегуни ве жофой энугъоре, кумеки сохдени эри параменд бирей оптимистически гъульоме варасирен жофокешгъой социалисти.

Зиёд биреи гъэршай динногъотие варасирегьо жугъургъо-жофокешгъо веди бирени эз сэхд сохдеи е бэхш нумагъоре, чуьники нимаз хундегоргьо кем биребирукт, ве могълугъульве э кор вадарафдеи э рузгъой миглайдгъой динногъоти. Э салгъой Келе довглой Ватани омбаре жофокеше жугъургъо доренбирукт герекигьой динногъотире э фонд гъэлхэнди.

Э СССР эз сиимуын салгъо сер гирде ологъолуви духовенствой иудаизм э кин хъулькумет Совети эз бинеден дегиш бирени. Гъеймогъоине нимазгъо, де динногъотгъойгере хуно, лояльно дениширенуыт э хъулькумет Совети. Раввинат Масков ченд гилегьо гоф сохи ве руй бири э кин э динногъот боворсохдегоргьо э огол зереиревоз лово хоют гуфдире эри шолуми, очмиш сохи шефде гуфдиреигъоре э товун, соки, динногъоте негьишде гирдэе э вилеет иму. Оммо эз лояльно дениширеи э СССР гъуллугъосхгъой динногъот э хъулькумет Совети эслогъ герек нисе бире нетиже сохде, ки хувьшдени динногъот дегиш, ежирейге бири гуфдире. Э гъемме жигэгьо, гъемме тарафгъой зиндегуни динногъот иудаизм, гъемме динногъотгъойгере хуно, эдее мешет бире э иму, дошде кульгъяне герексуьзигъоре. Неденишире э беде пес мунде динногъот кульгъ-не гъэдимие девргъо уре гъелеш гирденуыт кими одомигьо.

Одомигъоймуре нисди ве биреш нидану гыч е элогъолуынш э идеягъой динногъотиревоз. Иудаизме э СССР, у динногъотгъойгере хуно э вилеет социализм гирдегоргьо руз-беруз эдете лап кем биренуыт. Э СССР векенде оморет социальни раггьой эн гъеммежире динногъотгъо, э у ГЭре эн иудаизмиш, нисд сохде омори социальни бине, э комики имид биренбирукт нумагъо. Э вилеет иму боворсохигъой динногъоти демунди энжэгъ чуьни кульгъяне дивэгл э гъэножэгъи кими бэхш могълугъ, э у хынсоб э ГЭрей кеме бэхш жугъургъош, татгъош, э Средни Азия ве Грузия зигьисденуытгьо жугъургъош, гъэроимгьо ве де хэлгъгъойгэ, зигьисденуытгьо э Ватан иму.

Бузуьргут барасигъой параменди экономикей ве культуры омбарамиллетлувье Догъисту, э комики зигьисденуыт си зиёдте хэлгъгъо ве этнически десдегьо, гуьрд бирет э еклульгие кифлете бирори.

Жофокеше татгъо э дусде кифлете хэлгъгъой республикейму эдете вокурденуыт уьшувгъменде биёвгъой инсоньетире ве эеки э гъеме хэлгъгъой вилеет имуревоз расирет э келе барасигъой параменди культуры.

Омбардекие бэхш татгьо эслогъ э хыисоб нисе вегирденуыт иудаизмаре. Оммо лап кеме бэхш мөгльугъ гьеle дери э есири гуфдиригъой диндогъоти.

Э овхьолет фирегъуне вокурденгъой коммунизма бинелуье тэхсири дебиреи боворсохигъой диндогъоти э гээрэй хэлгъгъой республикеиму, меселен, э гээрэй татгьо, гыисди гъувот кульне вердишигъо ве традициегъо ве гъемчуын кемсүгигъо, деруутгьо э пропагандей гэллии ве атеисти.

Э диндогъот бовор сохденуутгьо татгьо гирденуыт традиционни иудаизмаре. У диеш зобуни эзу товуне, ки у вомухдени тарафтиргъой хувьшдере э руухь рафдеи эй зигьисде э Палестина —э «худо вихде хори бебегъо». Э мигэид «нисону» гуфдире оморенигъо «имисал инжоим-ге, салиге—э хори бебегъо» омбаре вэхдгьо кумеки сохде э пропагандей сионисти.

Беди иудаизм гьеle дери э у кориш, у вомухдени дениширеире э зен чуюн э нисдие чи, уре одомиш хыисоб нисе сохде. Туро хыисоб сохдени зене ужире чи, комиреки гүнжунд худо эри дуль Одоме веровунде, дорихмиши некешүү гуфдире, чуюн тэхсиркор гысдигъо ве ээз гэнгэдийн пиш сохде оморигъо. Гуфдиреи э товун энү кор, ки Хьово вегирде омори гуфдире ээз дендей Одом, гүнжуундэ омори э товун дэгшиддэ зене э зир мульс шувер ве гъеммишэ э у мульди биреи.

Иудаизм хыисоб сохдени, ки зен гъул шувери гуфдире. Э Телмуд гууре шувер огъой зени: «Мерде чуюн воисдгэ мисоху э зеневоз,—мигуинге гушдэ хуно, ээз гъэсбэл вегирдигъо. Воисдгэ э мульнуукевоз—михуру, вобуржундэ—михуру, душундэ—михуру».

Диндогъот иудаизм руухшендлүү ве хуурд сохде инсоние хувьрмет зене. Гьеर э диндогъот бовор сохденигъо мерд гьеер руз себэхьмундэ, э нимаз хундеки, биё согъбоши гую ээз худо эри юре зен не офири: «Шулькур э ту худойме, огъойму ве сэхьиб гээдэл эри не офири мере хэйиву, гъул ве зен».

Бинелуье гуфдиригъой традиционни иудаизм гүнжо оморет э девр сэхьибгүлгьо, кейки овхьолет зен э кифлет ве жэгэйнiet эслогъ тэфиггээтлүү небу ээз овхьолет гъулгьо. И овхьолет нульвуусде оморет э турогъой иудаизм ве э диндогъот бовор сохденуутгьо татгьо уре биёдоруут.

Иудаизм, вомухдэ дениширеире э зен, чуюн, э мерд гууре, бихуурметлүү чи, вегирдени тэхсирире ээз сер мердгьо, э инсоффсузиревоз гуж сохденбируутгьо э зенгьо ве мульс доренбируутгьо угъоре.

Диндогъот иудаизм буйругъ веноре э сер духдер мульди бу гуфдире э бебе ве зен биренгэ—э шувер, элмуне мундегэ—э кук. Бебере ихдийн эри доре духдер хувьшдере э шувер, ээз духдер непуурсире. Э гъюнгүй иудаизм гууре, эгэ э гъэриш дэгэ салгъо ээки зигьисдэи зене гээдэл небиригэ, шувер гъэрхундэ эри уре тологъ доре.

Э дивэгэдийн диндогъоти тати гууре, гээдэл небугъо мердэ хьомол хыисоб сохденуут, оммо хьомол хыисоб бирени у мердиш, кире духдергъо гысдиге, эгэ уре кук нисдиге. Дэгэ духдергъоши бисдогэ э диндогъот бовор сохуучо тате ве нисдиге уре кук, у генеш хыисоб бирени хьомол, гээдийн, «бедбэхд, гээдэлсүз». Кими э диндогъот бовор сохденбируутгьо татгьо бесденбируут «Кишиди хьомоли» ве гъич руш нисе чиренбируут

худо юре вину ве кук бэхшүү гуфдире. И кульгыне гээдоте, комики дебу э гээрэй татгьо, лап хубе жире критиковать соходи мэглүүмлүүье нувьсдэгэйр тати Х. Авшалумов э е ченд произведенияй охьшдэ, меселен, э мэхсөрөө ихдилот «Эсеф—дуразе рушгьо», дефус зере оморе-оуго э гозит «Дагестанская правда» 31-муйн декабрь 1962-муйн сал.

Мэглүүми, ки э товун эвлениши биреи гъюнунгьой дингоготи иудаизм зене чарундени э мол, комики э войгей хульдеревоз нисе да-нуульдэ гуяанжо овурде гысмет хульдер. У биё мудын бу э талабигьой талмуд ве гээдотгьой дингоготиревоз—чунь доре-восдореи. Бебе-дедей духдер енебуге тухумгьой энү э шульвер нисе доренуулт уре рэхь (пул) невегирде. Эвлениши биреи э татгьо гировунде оморени э кетубо нувьсдэ ве мэгье сохденревоз. Ижире тэгье хульд сохде хульрмет дух-дерэ ве ухшеш серени э доре-восдореи.

Биренуулт гъелениши кими вэхдгьо, кайки э традиции гууре, э дингогот бовор несохдекиши, э паре духдергьо э шульвер рафденуулт э гээдот дингоготевоз, э ЗАГС регистрация не бире. Омбаре вэхдгьо э гээдот дингоготиревоз эвлениши биреи мульхкеми кифлете гуяанжо нисе овурде. Зене, комики э шульвер рафди э гээдот дингоготи гууре, эгээ ЗАГС регистрировать небиригэ, э вэхд тологъ вегирдэн гынч е ихдий-риш нисе бире э кин гъевелине шульвер ю.

Дингогот иудаизм эслог гээдэггээ сохде эри иудейгьо эвлениши биреире э иудей нисдүүтгьо одомижьоревоз.

Сервортгий дингоготи иудаизм ихдиёр дорени духдер енебуге кук татире эри эвлениши бире э одоми де хэлгъигеревоз, де зугьунигеревоз энжэгъ увэхди, эгэ у одоми гысдиге ээз дингогот иудаизмаре гирдени-гьомолет. Меселен, гысдүйт ижире хэлгъгьо —гъэроимгьо ве жу-гъургьой гууржии. Угьоре не э культуре, не э тарафгьой зиндегунишу гууре гынч е жэгээмие кориш нисди э татгьоревоз. Оммо тарафгиргьой дингогот иудаизм гынденуулт татгьоре эвлениши бире э угьоревоз, энжэгъ э товуней энү кор, ки дингогот хэлгъ энүгью гысди иудаизм. Гые э увэхд угьо гээдэггээ сохденуулт эри татгьо-иудейгьо эвлениши биреире э татгьо-мисурмугьоревоз, э гээрэй комигьоки омбаре жэгээмлүүни дери—гыем э зугьун ишу, гыемиге э культуре ве зиндегунишу. Угьо эвлениши бире нисе дануульдэ гээдэггээ эзү товуне, ки хэлгъгьой энүгьо одомижьой жуур-бежууре дингоготгьоют.

Гые э увэхд иудаизм ихдиёр дорени эвлениши бире холуре э хэгъэрзоревоз, кукгээмлере э дүхдергээмлэрэвээ ведиеш. Э дингогот иудаизм гууре эгенер еки ээз бироргьо, комиреки гээл нисди, мульденгэ, бирор энү гъэрхундэ эри эвлениши бире э элмуне мундигьо зенбирор хульдеревоз.

Иудаизм бихуурмет сохде зене, неки э зиндеи, гыемчүн мульдре бэгъдош. Э гээдотгьой дингоготи татгьо гууре, э сер гъоврей зен се лапатке хок зиёдте веноре ээз гъоврей эн мэрд. И кор сохде оморени эзү товуне, ки, соки, зен «сэгъэтэ, гынч сирои нисе биренигьо чини» гуфдире.

Э вилеет социалистиму зенгьоре гысдүйт ежире ихдиёргьо э мэрдгьоревоз э гыемме тарафгьой зиндегуни, жэгээмнэти ве хулькуммети. Угьо вегирденуулт эшгъульье бэхш э гыемме коргьой жэгээмнэти ве политики, э корхонгэц, идорегьо, э коргьой Гилми ве мэглифети. Э гыем-

мс мескенгьой хозяйстввой хэлгүү зэнгьой тати жохо кеширенуут э мердгьоревоз тенбетен.

Э лап дуре вэхдгүй э иудаизмаревоз эеки хэсүүл оморет гээдтгийн диндоглостиш. Демундеи боворсохи э иудаизм э гээножэгэй кими одомигьо веди бирени эн сүүфде эз гирдэг гээдтгийн диндоглостире. Омбариш у гээдтгийн гирдэг нисе оморенуут э сереботи бовор сохдеи э диндоглост. Угьоре омбариш гирденуут э традиции гууре, э куьгыне вердишигьо гууре.

Э гьеймогъоине гээдтгийн диндоглости четин нисди эри винире гээдимие хэсүүл омореи энугьоре. Гээдтгийн сер зереи эн гээдимие девргүй э бируктгийн гьеймогъоиш демундэг э тегье сер зереи э туру гуфдиренуутгүй чигьо. Э гьеймогъоине иудаизм, гьевелинere хуно, демунди тефилим венореи.

Келе зобуни зере гээдот раги мило сохдеи гээиле, комики кими вэхдгүй э кин бедигьо овурде. Меселен, э 1984-муын сал э е кифлет тат э шегье Грозный, раги гээиле мило сохде бэгъдо, э хун гээил локо расире, гээил мурдии.

Диндоглости гирденуутгүй татгүй бовор сохденуут э ховгүй, нишонгэгүй, фолгүй, «беде чумгүй» ведиеш. Э вэхд Келе довглой Ватани одомигьоийн эн омбаре кифлетгүй жугьургүй ве татгүй, эн гьемме де хэлгүй Советире хуно, норет жун хувьшдере эри гээлхэнди Ватан. И овурдли э кин екем зиёд сохдеи э диндоглост бовор сохденире э гээрэй кими бэхш могъулгүй тати. Кими э гээдтгийн бовор сохденуутгүй татгүй руй биренбирүйт э кин фолчигьо, гуют гуфдире э фол вешендеиревоз гъисмет э довглост бируктгийн одомигьошуре. Ини, меселен, е зен тати Ш. омбаре салгүй рафденбу э кин фолчигьо эри дануусдэг гъисмет кук хувьшдере, комики норебу жун хувьшдере э гээвхээ эри Ватан. У руй биренбу э кин фолчигьо, неденишире э у кор, ки эри эну оморебу извещение э товун мурдэи кук ю ве хээрмэхьгүй кук ю ихдилот сохдебу эри эну гъозией мурдэи энуре. Эзини меселегьоре омбар мибу бирмунде.

Гилим не иудаизм эеки гүнжолуу нисдүйт. Гилим рэхьберьети сохде э гээнунгүй природаревоз, оммо дин гуфдирени гьеме коргүй эз худон бире. Худоре невоисдгэ гыч е кориш нибу. Гээзорлуу биреи эн одомигьош, хос биреи энугьош эз худони, эз «садангүй, шэхьитугүй». Унегууре кими э диндоглост бовор сохденуутгүй татгүй зэглийн биренгэ э кин духдиргүй руй нисе биренуут. Угюй руй биренуут э кин жэррэхьгүй — фурмундегоргүй, комигьохи сохденуут питикгүй ве хэйкелгүй.

Э 1984-муын сал э шегье Гэльбээ э Азербайджан э кифлет э диндоглост бовор сохденуутгүй татгүй мурдэи пире зен ве эз екемиге зэглийн бирени духдер эну зен. Эжигийн уре э духдиргүй бирмунде, и пес мунде одомигьо гировунденуут вэхьшиг гээдоте. Хыисоб сохде, ки у терсирин гуфдире дедешу мурдэ бэгъдо, угюй векенденуут гъоврей пире зене ве бирмунденуут э у сифет мурдэре, терс эну вадарав гуфдире.

Э аарт келе дегишутигүй жэглии, экономикин ве культуры, гиршдэгтгүй э республикайму, омбардеки бэхш татгүй ве жугьургүй сэлт шендет боворсохижийн диндоглостире. Оммо э республикайму гьеэлт офф оморе кими татгүй ве жугьургүй, бовор сохденуутгүй э худо гирденуутгүй гээдтгийн диндоглостире. У бирени эзү товуне, ки гьеэлт э гээрэй могъулгүй тати дерүйт культурешу кем гындуйтгүй одомигьо ве

гъемчүн герекне тегъер негировундеи коргъой вомухдеи Гилми ве атеистире.

Еки ээ бинелууье везифегьой вэхд вокурдеи жэгІмиет коммунистире гынди гүнжо овурдеи тозе одомире—гражданин жэгІмиет коммунистире, азад бугъоре ээ гъемме куыгыне дивэгІгъо ве боворсохигъо, э у Гээрे боворсохигъой диндогІотиш. Гереки Гээрे недоре гировунде фирегьуне пропагандей Гилми ве атеистире, гъемметарафлув андурмиш сохде хэйрсузын, дургуни ве беди боворсохигъой диндогІотире, хъэсүль оморетгъоре э куыгыне девргъо э сереботи гъувотсузы бирен одомигъо эри гъовхо берде э гъэршүй стихийни гъувотгъой природа ве социальны мұрсыдореи, э сереботи недануысдеи гъонунгъо ве коргъой природа ве жэгІмиете.

Э хотур прогресс ве э уревоз элогъолуу гъисдигъо бульгууд сохдеи овхъолет зиндегуни мөгүлугъьой хэлгъирие гереки Гээре недоре очмиш сохде дургуни ве реакционни мэгІэной диндогІот иудаизмаре эри хилос сохде пес мунде одомигъоре ээ корисохи эну.

Программей партией Коммунисти эдее талаб сохде жуыргІэтлүс ве тоблууье гъовхо берденирэ э гъэршүй Гэдотгъой диндогІоти э гировундениревоз фирегьуне пропагандей Гилми ве атеистире. Гереки гъовхо берде эри гъер одоми, э дананмендиревоз денишире э гъер одоми, э вэхдю винире чүү гирошдеге э зиндегуни эну хъовир, күмеки сохде э у ве герекие мэхъэл гъувот доре уре.

Гъеймгьой э вилемтгъой девлетмени иудаизм эдее зиёд сохде оморе э миллетпересие оголзереигъоревоз. Сервортгъой диндогІоти жүгъури эн вилемтгъой девлетмени эдете гешденүйт э е жерге э сионистгъоревоз, комигъюки гъисдүйт беде душменгъой интернационализм про-летари.

Гъеймгьоине сервортгъой диндогІоти иудаизм межбур биренуыт эри эгерде вегирде, ки нумаз оффори гуфдире э лугъонде кризис. Келе Гилмчи А. Эйнштейн гуфдиди: «Ме нидануым гуфдире, ки гынди гуфдире худо, комики бэхдлүү сохдени ве тембихь дорени... Ме бовор нисе сохденүүм э немуырдеи биреи жун».

Неденишире э у кор, ки э вилемтгъой девлетмени эдете хъэрекет сохденуыт эри фирегьу сохде боворсохире э диндогІот ве гъемчүн э иудаизмиш, жофокешгъо евош-евош эдете хилос биренуыт ээ думон диндогІоти. Э мэгІлүүм сохигъой дефус буржуазиревоз, энжэгъ 20% зингъисдегоргъой Израиль ээ расдеки гирденуыт Гэдотгъой иудаизмаре.

Рабигъой Америка э еклүгие сес дореиревоз эдете эрэ сохденуыт э кем биреи гъэдер боворсохгъо э диндогІот, э гъэйгүйсузы ве негиро-ревоз дениширеи э нумаз. Э США омбардеки жугъургъо (86%) э нумаз нисе рафденуыт. Э хотур зиёд сохдеиревоз гъэдер э нимаз оморе-горгъоре, омбаре вэхдгъо э нумазгъо эри жовонгъо гировунденуыт хъэ-веслүү сохденигъо коргъо, меселен, вежегъисдэгъо. Э книг «Метлслууье рачи» раби Фридман эдее нүүвүүсде: «Нумазгъо э хъэрекетигъой рабигъоревоз, комигъюреки гынди войгей гъуллугъосхи эри хурекдоре-горгъошу—девлетмендгъой жэгІмиетишүү, чаруысдээт э хунгэйвой вохур-деи суногъо, э ресторангъо, духонхонегъо ве залгъой вежегъисдэи. Эри кура сохде неимидие боворсохгъоре ве эри зиёд сохде гелуыргъоре гиро-вунде оморенуыт межлүүсгъо ве вежегъисдэгъо». Фридман эдее ихди-

лот сохде, ки э е келе нумаз гировунде оморебу концерт, кейки э ён гынхал поисде нимелиттенбирэхьине актриса эденбу хунде мурдале зуное мэглнигьоре.

Э Англия, Франция ве де вилеетгыйгай девлетменди, э США-ре хуно, гъемчүн эдее кем бире э дингогот иудаизм боворсохдегоргьо.

Жофокеше жугъургъо э вилеетгийгай девлетменди варасирет, ки дингогот нидув гуфдире ишуре хилос биреире ээз зир мульс капитал, ки хилоси ве бэхде мибу овурдээ гъовхо бердеиревоз ве гуьрд биреиревоз э гъемме жофокешгъоревоз.

Эз зугъун уруси тержууме сохи
Ася Изгияева

Наида Авшалумова

КОНЦЕПЦИЕЙ ЭН ХОСИЕТГЬОЙ ЗЕНИ Э ОВОСУНЕГЬОЙ ТАТИ

Чигърет эн зенгъо, гъисмет энугъо, овхьолет энугъо э кифлет, э общество, э зиндегуни омбаре жиге гирде э фольклор тати. Э омбаре произведениегъой эн творчествой хэлгъи зен гысади активлуве бэхш вегирдегор.

Чуынки овосуне, гъемчун тилисуумлууе овосунеш, омбарте енебуге кемте гысади бинуьши эн зиндегуни, социальны гэргэйгэ одомигъо, эн торихлууе жэглмуу энугъо, унегууре овхьолет эн зенгъо нушу доре оморени э овосуне э общественни факторгъо, хосиетгъо-дивэгэгъо, фикиргъо гуьре, комигъоки хъэсүүл оморет э десдин эну торихлууе девр, земонеревоз. Гъечи, меселен, э торих параменди инсонет хэйли садсалгыю бу ужире вэхд, кейки бинелуве, рэхъберие жиге э кифлет, э тухум, э общество гирденбу зен. И торихлууе вэхде э параменди сүйфедине общинный строй, эжеки сүйфеди жигере э общественни хозяйстввой тухум гирденбу зен, гуфдирени матриархат. Э вэхд матриархат «зен бу рэхъберчи ве келей эни хъэрмэхье кифлти ве унегууре уре бу келе хъуьрмет чуьтам э хуне, гъемчун э коргъой кифлет ве умогъ»¹.

И бинелуве роль эн зен э тухум бу ологъолуу э у коревоз, ки зен э у вэхдгъо гирденбу э дес хуьшде гъеме хозяйстввой эн тухуме, комики дебу э дес эн гъемей членгъой эн тухум, жэглмуу бу. Мерд мухшул бу энжэгъ э ов зере, оммо зен гъуллугъ сохденбу хорире, хъозур сохденбу запасгъой хурек, мугъоет биренбу э хуне-жиге. Э у социально-торихлууе овхьолетгъо жофой эн зен зиёдте сарфлув, менфигээтлув бу эри ешемиши эн гъемей тухум э жофой эн мерд гуьре.

Дивэгэгъой эн матриархат оффи бинуьши хуьшдере э серлэгээ поэтически творчествой эн жуьрбежууре хэлгъгъой гүйлом, гъемчун эн Догъситууш².

Э кими тилисуумлууе овосунегьой тати э рэхь эн игидгъой овосуне

¹ А. Бебель. Зен ве социализм. М. 1963, в. 64.

² А. Назаревич. Э дуьнъёт эн овосуней догъи. Махачкала, 1962, в. 132.

дебирени омбаре четинигьо эри расире э рэхь-метлеб хувьде. У биё борж берү ченд жире тилисимлүү гъувотгьоре э е тилисимлүү падшогьети, эжеки серрэхьберчиети сохдени зен Гъэрн-Нене. У э овосуне нушу доре оморени чуюн огыиле екелуузе зен, те нимелит бирэхьне, комики е пушдун хувшдере э душ вешенди, е пушдунигере э душ. Э инжо гъеме тилисимлүүни: доргъо, хъэйвонетгъо, гъушгъо. Угъо гъеме э Гъэрн-Нене мудынүүт. Энжэгъ у одоми мидануу дпроморе, гешдэ э тилисимлүү падшогьети, комики ээз пэхъники куынд оморс эзи Гъэрн-Нене, эз пуштуй эну шир хурдге, эзу весиет ве разименди гъобул сохдге.

Оммо омбардеки эн овосунегьо э фольклор тати, гъисдүйт ужире овосунегьо, эжеки иму диреним социальни. тенбетени нэгI, диреним ихдиёрсузы эн зенгьоре, огъюетие овхьолет эн мердгьоре э кифлет. Ижире ихдиёрсузы эн зенгьо сер гирде оморебу эзу лап дуре вэхдгьоревоз, кейки жофой эн мердгьо оморе-оморе бисдо зевер эз жофой эн зенгьо. Мердгьо сер гирдүйт эри молгъэрэ дошде, зиёд сохде, хори гъуллугъ сохденре параметр сохде. Роль эн зенгьо э хозяйство бирепи лап зофру. Имогъой жофой эн зен нэгI, жофой эн мерд бире сарфлув, менфигээтлув эри ешемиши эн тухум. Э и овхьолет мерд вегирде гъеме ихдиёрире э дес хувьде. «Мерд,—нууьсуслебу Энгельс,—вегирдени э дес хувьде вожегьой рэхъберире гъемчун э хунеш, оммо зен вир сохдени пушотеине гүүзетлуве жигей хувшдере, бухову сохде, э гъульети войгэй эну чарунде оморе...»¹

Э арт эн теслих биреи огъюети мерд э кифлет, зен э гъульети ча-рүүсдэй э общество, эжеки бисдо гэмел омореи жайлее сэхьибьети, гүнжо оморут эксплуататорски классгьо э ижире овхьолетевоз эеки гъемчун гүнжо оморут ужире фикиргъо, гэдэгтэй, элчэгъ сохденсүнтгьо зене ве лоигъи инсоньети энуре. Ижире овхьолет фирегь нушу доре омори э товун зен э дин, комики бу огъюети сохденбугьо идеология э эксплуатарски общество ве нушу доренбугьо сарфгьо эн овгъотлуве классгьоре. И овхьолет е гэдээр гъемчун бинууш бисдо э фольклориш. Бузуурге пролетарски писатель ве келе гуманист А. М. Горький нууьсуслебу э товун эни кор: «...беде стихийной эн новой туре э товун зен, легендарной эн гэребгьо, индуистской ве герь жире хэшгьо э сер зенгьо—гъемей энүгьо шогьоди доренүүт э товун еклүүе хэрекети эн серрэхьберчигьо дини эри социально элчэгъ сохдэи зене».¹

Э Догъисту, чүтам э гъемей Восток, овхьолет эн зен иллогык усол бу. Вэхьшигээдээ, пес мунде восточни ешемиши, ченд зен вегирдэй, томом бенд биреи духдер эз бебе, э шузвер рафденгэ—эз шузвер, гэдэгт лап зу дореи духдере э шузвер, э войгэ-воисдэй эну неденишире—гъемей эни коргьо социально ве духовно буховулув сохденбу зене, чарунденбу уре э гээрэвощ.

«Дорошчигьо эн дини мугуфдируйт: «Е худои э гүйлээ, дүймүүн худо—шузвери эри зен». Гэдэгтэй, нууьсуслебу неоморе гёнунгьо мугуфдируйт: «Эгъуль эн зен э бел булшию вери». Феодалгьо несигээт

¹ К. Маркс, Ф. Энгельс. Соч., т. 21, в. 60.

¹ А. М. Горький. Соч., т. 25. М. 1953, в. 154.

мидорут: «Гъимиш месох не зене, не гэсбе»... Дургуне меневиет крепостникъю вэгэл мидо: «Кук эри бебе гънети, духодер—шеле». ¹

Ижире метелегъю, элчэгъ сохденутгъю обур инсоньети эн зене, гэмел оморетгъю э зир илгъом эн идеология ве фикиргъой эн сэхынбгъулгъю, феодалгъо-крепостникъю, дорожчигъой эн диндоготи иму диреним гъемчун э фолклор татиш, э метелегъоймуш. Меселен э ижире метелегъю: «Эгъуль эн зен э пошней пой ю дери». «Муй эн зен дурази, эгъуль ю—кутэхъ». «Э зен рэхъм мебер —зен хьофджунини», «Чолтуке некуфде дуне нибу, зене некуфде —одоми», «Кук—гънети эри бебе, духодер—бухову» ведиеш.

Бешгъэ ээз де хэлгъгъойгей Догъисту, э хэлгъ иму пушоте ижире гэдот бу: эгенер е одомире буге духодергъю, оммо кук небуге, уре «хьомол» гүфдиренбирүйт. Зэнгьо—куйнде гъовумгъой эну эри эну, эри «догъ» эну гирьё сохденбирүйт, гуйге эри муврде сохугъоре хуно, хумне сохде хьомоле э бэгьеरсувзэ доревоз, э хувшг бире чоевоз, э гъэнэт хуурд бире гъушевоз. Э гэдот гүрье мерд-хьомол миёсде бесде э кишд хувшде «гъирмизине кишди—«кишди хьомоли», худо уре ээз хьофдимуын тебэгъэй асму винуу, сеч соху ээз гээрэй эн де мердгъойге, дарав э дерд, э гъэвл эну, кук дуль уре». ² Э кин хьомол э руйбирахи ээз мигуфдирүйт: «Эхиртуу ник гердо», еггани: кук гердо тууре. Лап беде нифри эри энижирие мерд-хьомол бу, эгенер ээз мигуфдиге: «Гым ишидт хьомоли мефураво ээз тентуу!»

Гъесэгээт э гъэд одомигъой хэлгъ иму ужире мердгъо нисдүүтгеш, комигъоки эри кук небиреишу биё кишди хьомоли бесдүйт, оммо ужире мердгъоре гъеимогъонш хьомол гүфдиренүйт пес мунде одомигъю.

Оммо неденишире э меневиет эн эксплуататорски классгъю, хъэшогъой эн дорожчигъой эн дини э сер зэнгьо, хъэрекетигъой энугъю эри хуурд, элчэгъ сохде зене, комики гуйге эгъульбушки, ихьдидорсувзэ, неверзирение чини, у гыч э мердевоз той бире нидануу, оммо э овосуней хэлгъи зен бирмунде оморени омбариш е жирэйгэ. Э овосуне зен гысиди боворинлуу дусд ве хубе кумекчи эн мерд. У бирмунде оморени чуын хубе персонаж эн омбаре овосунегъой хэлгъ тати. Э и овосунегъю, зен неки тои э мердевоз э кор, оммо кимвэгэд зевери ээз. Ээз бэгъэй э кими серлэгээ произведениегъой хэлгъгъой Догъисту, гъемчун эн кими овосунегъой тати, зен бирмундени хувшдере чуын гъовхочи, жуургээтлуюе игид, боворинлуу э мувьбет хувшде э кин эн севгили, эн хосденигъо одоми хувшде.

Э мэгэлдумлуу овосуней тати «Духодергээмле не кукгээмле», духодер, комики пушоте ээз хуней бебе де жигейгере недиребу, э синемишигъю оффдоре, бирмундени хувшдере эгъульменд-сарафменд, жуургээтлую, фендлую. Эз лап четине синемишигъю, секонеигъю у хилос бирени не э хувшдению, не э номус-хьэй эну локо нерасире, не э азадлуы эну. Духодергээмле дануьсдени эзижирие синемишигъю э лоигъиревоз хилос бире, неденишире э келе четинигъю, гилгулигъю, оморенигъю э сер эну, гене расд бирени э гээзизе севгили хувшде —э кукгээмле э хувькум минежибгъю, тилисимчигъоревоз нэгг, э эгъуль, фегъм ве гынор хувш-

¹ А. Назаревич. Метелегъю ве меселегъой эн хэлгъгъой Догъисту. Махачкала, 1958 сал, в. 33.

² Р. Гамзатов. Догъистуйме. Собр. соч., т. III, М. 1969, в. 202—203.

деревоз. Унегулье гъезие-гъэдэр эн духдергІэмле чүн фантазия нушу нисе доре, расде коре хуно оморе эри одоми, уре гъисди реалистически чигърет.

Ини кутэхъэ мэгІеной эни мэгІульмцуе овосуне, комики нувуус-де оморебу те довгло эз гоффьой эн данадее овосунечи ве ошугъ Хъиз-гъией Эмин.

Э е падшогьети е жовоне раче духдер зигъисдени э хуней бебешу. У бу хосдехунд эн кукгїэмлей хувьшде. Оммо пушой гїэрүьси энугъо падшогь эни шегъер, е жогыиле эвлемниш небире одоми егиле нэхэбереки дирени и духдере э хъёт бебешу, ошугъ бирени э рачи эну, э гужевоз гъишдени бебей духдере гїэрүс соху дуль гуфдире э ю. Оммо пушой э хуней падшогь рафде, духдергїэмле оморени э ки одохлуй хувьшде, гоф сохдени э уревоз, у бире-небирей хувьшдере фуруху, чаруну э пул, восдону е хубе юргзее гїэсб, денув пулгъо-чигъоре э гъейбе, шев эн гїэрүьси биёв пою э песой дервозей эн падшогь.

Шев эн гэргүйс, гэвтэе падшогъ э ки гэргүйс дироморе, у э вогьней шуьгъэме дердиревоз, хьофдохо вегирде, верафдени э бун гъэлчэ э парталгъой гэргүйсвori хувьшдеревоз. Инжо у шол хувьшдере бурра, сохдени расе, бесдени уре э лилов эн бун, фураморени эзү расе э хори, э песой гъэлчэ, эжеки кукгээмле э гээсбевоз э гузет энү поисдебу. Шев угъо ведироморенуут ээ шегъер. Э рэхь дуухдергээмле дегиш сохдени парталгъой гэргүйсвori хувьшдере, гэмиш бирени э парталгъой кукине. Угъо оморенуут ведироморенуут э гъирогъ дерьёгъ, эжеки е чульке ветэгъэ бу. Сэхьиб эни ветэгъэрэ гемиш бу. Кукгээмле гоф сохдени э гемичиревоз ишуре э у гъирогъигэй дерьёгъ гировуну гуфдире. Эри эни кор у дорени гемичире гээсб хувьшдере, гъемчун гъейбереш э пулгьюревоз, гъишдени э ветэгъэй энү.

Геми ээз гъирогъ деръёгъ е гъэдер рэхъ рафдеки, бирден э ёр духдер омо ю э гъейбе гуыл дугмей эршэфиире фурмуш соходи, падшогъ доребуучь уре. У гуыл-дугмей эршэфиире гъимет ю нисди. Гуфди э кук-гъэмле. У гуфди э гемичи, вогордууну гуфдире гемирие э ён ветэгъэ, оммо гемичи э герде невегирд. Увэхди у ээз гемичи хосд, елкенгъоре фушенув, денишув э ю те у. те гъирогъ деръёгъ симов зере рафде-вогошде.

КүкГэмле э гуль-дугмей эршэфииревоз э вогошдеки, гье и вэхди кулок вокурд. Килэхь оффо ээз сер духдер, бендгьюй муй ю лов бисдорут. Гемичи вини, дануысдки и кук нисди, е гузеле раче духдери, вешнд гьеусэгIэт елкен гемире, оффо э рэхь.

Э сер геми гемичи сер гирд э духдер эри хъэлово бире. Духдер эзү мугу, эгенер түй э ме дес зериге, ме хувшдере гье усэгІэт э дерьёгь ми- дешенүм. Бер мере э шегъертуу, биёр дедешмуре, е ченд духдере, бе- рутьгу мере э хуне, унжо чытам Гэдот гъисдиге, мегър мибошим, ми- зигьим.

Гемици миёв э ки дедешу, духдере мигъилув э сер геми. Духдер э гъэд эни ченд руз э сер деръёгъ эз зир чум дире, хуте биребу, чуьтам елкенгъой гемири вешенуьге, фушенуьге, гемири беруьге. Гъетте геми-чи рафде, у елкенгъоре вешенде, рафд э деръёгъ. Кулок овурд поюнд ге-мири э гъирогъ эн е шегъер. Гъемин и вэхди кук падшогъ эни шегъер э чуыл духдергъо-инчэгъульзгъоревоз ведиромеребу э сейл. Диренге у э геми и рапче духдерес, уш гье усэгIэт ошугъ бисдо э у, гуфди эз духдер

киниге ю, юре духодере э зени вегирде воисде гуфдире. ДухдергІэмле мугу эз кук падшогъ: у буравгу э ки бебешу, гуюгу э товун войгей хувьше, биёрүт э пушорэхъю одомигъоре, мегър сохугу юре э кук падшо-гъевоз, чуьтам ГЭдот гысдиге.

Те кук падшогъ вогошде, духдергІэмле венуышунде э сер геми и чуыл инчэгъузьгъоре э вогъней сейл зереревоз, берд э дури эн деръёгъ. Э минжи деръёгъ биреки, э сер энугъю шиши омо геми эн чуыл гырхъэрэмбошигъо. Угъю духдергъоре кешируyt дебердүйт э гемишү. Э вэхд хурде, гъенжире, чуыл хъэрэмбошигъю лул-пиён бире, оффоре хисиренүйт. Э буйругъи эн духдергІэмлеревоз, чуыл инчэгъузьгъо вокурденүйт парталгъой эн чуыл хъэрэмбошигъоре, бесденүйт ерэгъ энугъоре, бурраныт сергъой энугъоре. ДухдергІэмле сер эн е гырхъэрэмбошире нисе бурра, парталгъой энуре вокурде, вини не гуш энуре бурра, гъей сохдени гемишуре пушово. Геми энугъю оморе ведироморени э е гъумлугъ. Угъю е ченд верс рэхъ рафде, оморе расд оморенүйт э е шегъер. Хэлгъ шегъер э мейду кура биребу. И пушогъо падшогъ эни шегъер мурдебу. Э угъю ижире ГЭдот бу: падшогъ мурденге, хэлгъ медиromo э мейду, мешенд гъуше э гъово, э сер энки гъуш минушдгэ, у вихде оморенбу падшогъ эни шегъер. Гъуш оморе нувьшдени э сер эн духдергІэмле. Э гъечиревоз духдергІэмле бирени падшогъ эни шегъер, чуыл инчэгъузьгъю—ённушигъой энү. Оммо одомигъой эни шегъер гъечувь дануьсденүйт падшогъ ишу не тозе еннушигъю—жовоне кукгъою.

ДухдергІэмле гъетте падшогъ бире, себэхьимуын гъишдени огол зере э хъёт хувьшде шекульчире, эри шекуыл кешире. У э пэхъники парталгъой мердуней хувьшдере векенде, вокурдени парталгъой ГЭрүсьвори хувьшдере, оморени поисдени э пушой вокурде пенжере. Сиротчи шекуыл эн гүзеле кеширен. Эз е ченд рузиге бэгъдо у овурдени эри падшогъ чор шекуыл эн гүзеле. Падшогъ-духдергІэмле гъишдени и чор шекуыле вещенде э дивор эн чор гъопуй шегъер. Генеш у буйругъ дорени: э ён эн гъер гъопу вокуну нун туку. Гъер гъэрибе одомире, юлчире э гъовои эз туку нун дорени, оммо коми эзи гъэрибе, юлчие одомигъю э сирот эн гүзел денишире, ох кешиге, уре гье усэглэт гирде овурдени э кин падшогъ, дульсдогъ сохдени.

ДухдергІэмлере эри гешде оффоренүйт э рэхъ падшогъ, кук-ГІэмле, гемичи, кук падшогъ, келей хъэрэмигъю—гырхъэрэмбоши. Падшогъ те ебо э сирогъ духодер рафде, куьшдени бебей энугъоре, жендекюре тике-тике сохде, э пушой сеггъо дешенден.

Гъемей энугъю, оморе расигенге э и шегъер, сирот эн гүзеле-духдергІэмлере э сер гъопу дире, е лугъонде ох кеширен. Угъоре дульсдогъ сохде овурденүйт э кин падшогъ.

Бэгъдовой эн ченд рузиге, гъемей энугъю дульсдогъ сохде оморенге, падшогъ буйругъ дорени эри кура сохде хэлгъ шегъере, гъушуне э мейду, суд сохде угъоре э пушой хэлгъ. Падшогъ талаб сохдени эзугъю гъер мерд, гычиш пэхъни несохде, гую: эйчуу сурот эн духодере дире угъю ох кеширебируктгэ. Гъемей энугъю ихдилот сохденүйт эри падшогъ гъози-гъэдэр ишуре, комиреки иму дануьсденим эз овосуне.

ДухдергІэмле-падшогъ буйругъ дорени э жоллодгъой хувьшде эри бурра сер эн падшогъе, юре хосдебугъоре, жендекюре тике-тике сохде, дешенде гушд энуре э пушой сеггъо, чуьтам сохдебуге у эн бебей ду-

дере. Гье э ижире тегъер кульде оморени гемичиши. Кук падшогье у э хубиревоз рэхьо дорени. Келей хээрэмбошигьоре бэхширенэ э у игъролевоз, эгенер у дие гъэчэгти несохдгэ, э дуурьусдиревоз кор сохде зингисдгэ. Хэлгээ омбар хээз оморе эзи хулькм эн падшогь. Песде падшогь-духдергээмле тоже ээ сер хульде вегирдени, буйругь дорени э чуль ённушигьоре хульдеш килэхъюшуре эри вегирде. Гьеме э майду кура бирегоргьо сувфде дануьсдүйт, ки падшогь не чуль ённушигьоре энү — духдергьоот гуфдире. Духдергээмле шенден хульдере э гъэл эн севгили хульдере—эн кукгээмле.

Ижире кутэхьэ жире мэгээной эни гэлемете, расде жире гүнжунде оморе овосуне, гүнжунде оморигьо гүйгэ э гъосутевоз эри тэгэрифлүү сохде зене, рачи энуре, бовринлууи ве гынорлууи энуре, ихдиёри энуре эри рафде э у одоми, дуул энү воисденигьо, хосденигьоре. Гьеме чуль гирошденигэ э и овосуне шогьоди доренүйт э товун эни кор.

Оммо ээлойгэ гьеме идеей эни овосуне э и коревоз нисе верасде. Э и бинелууе идеевоз эеки, э овосуне нушу доре оморенүйт гъемчун ужире овхьолетгьоши, комигъохи вожиблууньт. Оммо иму ээ товун эн гъемей энугтю нигуим, мугуим энжэгь ээ товун энү овхьолетгьо, ологъолуу гындсдүтгээ э бирмунденревоз чигрет эн зече э овосуней тати. Э назар вегирде гереки, ки духдергээмле — хосдехунд эн кукгээмлей хульде неки дануьсд эри небире не зен, не ошней эн падшогь, эн гемичи, эн кук падшогь, эн гырхъэрэмбоши, у гъемчун дануьсд дошде поки эн духдери хульдере. Эгенер гъечи нийсдоге—не овосунеш нийсдо, увэхди овосуне вир мисохд томошлууи ве мэгээной хульдере, чуники э гээдэгтэй эн востокиревоз духдер, вир сохдигьо поки хульдере, хынсаб бирени локолуу, мурдал бире. Э кульгээ гээдэг татиревоз эгенер духдер-гээрүс э шуявер оморски бирмунде нидануьсдгэ нишон духдери хульдере, уре миёсдэ венуьшунде э кул эн хэр, э «ошгуновое» гъовол-зурновевоз фирсоре э хунай бебе-дедей ю. Ужире духдере е бебе, енебуге бирор ю миёсдэ кульде э лэгээ гъопуй хульде эри шушдэ э хун энуревоз у биёбурире, комики овурди у э сер эн кифлет, гъумолет хульде. Эгенер духдере согъ мигышдгеш, у миёсдэ зигыисдэ э хунай бебе чуны духдер энү нэгт, чуны гъэревош, тэхсиркор, сие руй. Лап беде нифри эри духдер хуне бу: «Ошгуновое гъовол куфде биёво эрить!»

Унегуьре, духдергээмле-падшогь э силис сохдеки нубо-нубо гьеме дусдогъгоре, гыншдебу шовгээ доре угьоре, э духдери энү э дес энугтю оффоребугьо гүзел екиш гъэсд сохде недануьсд гуфдире. Энжэгь увэгээдийн очмиш сохд хульдере э кукгээмле ве э пушой эн хэлгэ.

Гене гынсди е коригеш, ологъолуу гындсигьо э овхьолет зеневоз э у девргьо, э комики иму ниданим фикир недоре.

Духдергээмле бирмунд хульдере чуны эгъуьлменде, дананменде рэхьберчи, ээ комики хэлгэ хуб разини. Оммо неденишире э и кор, суд верасденге, у ю зени гуфдире, вегирдени тоже ээ сер хульде, дунмиш бирени ээ тэхд. Хэлгээ э и кор энү рази бирени. Рази бирени, чуники э гъонунгьо ве гээдэгтэй эн Востокевоз падшогь, рэхьбер эн вилеет бире мидануу энжэгь мерд, оммо зен, ченгъэдэр у эгъуьлменд, дуз ве жуургээтлүү небисдогеш, эри зен падшогь, рэхьберчи бире гэмел ниёв. Э и иму диреним бинуьши эн зиндегуни девре, гээдэгтэй, дивэгээгьо ве гъэршигьой энуре.

Э е мэгІлумлууе овосунейгей тати «Бежон ве Менежон», сюжет эн комики лап күнди э сюжет романтически поэмай эн бузуурге ирано-таджикси шогъир Фирдоусиревоз «Бежан ве Мениже», духдер падшогъ Менежон кеширен омбаре четинигъо, сэгІэргъо ве гилгулигъо э товун севгили хүшдс. Бебей энугъо ведекуурдени уре эз хуне, нэгІлет-лув сохдени. У кеширен гисней, хиники, сер гирдени эри вечи-вечии сохде, оммо мундени боворинлуу э кин шувер хүшдэ, комиреки бирэхье падшогъ э хогынниревоз дешендебу э лугъонде чол. Гьемин ижире келе мутьбет эну, тоб ве жуургІэтн эну эхир-эхириш кумеки сохд эри хилос сохде Бежоне эз чол, эз ульум, эри расириен угъо гене э метлебишүү, эри тембихъ дорс бирэхъмигъо ве шефдигъой эн падшогъ ве синуушигъой энуре.

Лап эз гъэдимне девргъо сер гирде кор эн довгІои, игиди, данульден женг берде э дульшменевоз э довгІо хосиетлүү бу энжэгъ эри мерд. Мердгъо гъуллугъ, сохденбируйт э лешгер, биренбируйт э жергей гъушунгъо, рафденбируйт э поход, бесденбируйт ерэгъ. Унегууре чигърет эн гъовхочи, эн джигит э фикир иму ологъолуун гьемише э чигърет эн мердевоз. Оммо, неденишире э и кор, э кими овосунегъо, легендагъо, гъемчун эн татиши, иму диреним зен-джигигите, гъовхочире, ерэгъ э дес дери женг берденигъо, гъэлхэнд дошденигъо хори, жэгімэт, мемзуул хүшдере эз дес оморе тапалашмишчигъо, эз ерэгълувье нулькергъой хон. И зенгъо кимвэгІдо бирмундендүнт э женг ужире игидигъо, комигъоки эз дес эн гъер мерд ниворов. КимвэгІдо гьемин гье игидигъой эни зенгъо эжиге овурде бесгъунире, минкин доре эри дербедогъун, пиш сохде дульшмене, э сер хэлгъ, жэгІмет оморигъоре.

Гъэгынгъетиши, э у күгъыне торихэлувье овхьолетгъо, кейки зен э гъульети дебу, четини, гъелбет эри веровурд сохде зене чуын гынорменде гъовхочи, сэгъмсуузэ джигит. Оммо э и фантазией эн хэлгъиш офди бинууши хүшдере кими э зиндегуни биригъо коргъо. Меселен, сер ебо э сер хэлгъий Догъисту оморе тапалашмишчигъой эн де ви-леетгъойгэ эри э гъилинж не гээтошевоз муди сохде угъоре э хүшдэ, талан сохде хоригъой энугъоре, э мердгъо-догълугъоревоз эеки, э шуввергъо, бироргъо, кукгъашуревоз эеки, ерэгъ э дес дери женг бердет э гъэршай эн дульшмен гъемчун зенгъой эн улкей эн догъ. Э овозегъой эн хэлгъи, э мэгІнигъо мунди чигърет эн гынорменде зен догъи Парту-Патима, комики серберэхъи сохди гъовхочигъой догълуйгъоре э гъэршай эн эз де ви-леетгъойгэ оморе тапалашмишчигъо.

Чигърет эн духдер-джигит, гъилинж э дес дери, э кул туынде гэсб вери, женг сохденигъо э гъэршай эн ерэгълувье десдэгъой эн хон, комигъоки оморебируйт эри э гужевоз берде угъоре дуборе э есири-бигори эн хон, юрс жайле сохде эз севгилию эри дешенде э хъэрэм эн хон, нушу доре омори э мэгІлумлууе легендай эн хэлгъ тати «Везир эн хон Табасару». Гереки эри гуфдире, ки э биней эни легенда дери эз расдиш бире гъозие. И легендаре гысади географиес, нумгъой эн гъэгыгъэте одомигъо.

И легенда хъэсүүл омори э гъэд могълугъ эн дигъ Нюгди, комики те революция бу еки эз лап келе дигъгъой тати ве ологъолуун э яратмиш биреи эни дигъевоз. Э гуфдирей эни легендаревоз эзи ченд сад салгъо пушоте бебегъо-келебебегъой эн мушгуригъо-нуыгднигъо төөбөй.

инжо оморе мескен зере, зигынсдет э е дигь эн Табасару, э табасарани-гъоревоз эки. Легенда э келе мутьбет ве дульхашревоз гуфдире э товун рачигьо, хушманзари, берекетлуыи хоригьо, дерегьой эн Табасару. Угьоре хуно гъечу рак, фирегьу гынсдүт дульгьой эн одомигьо, зигынсденутгьо инжо, эн гъуногъсевене, жофодусде, гынорменде хэлгъ. Оммо жэгэмье душмэн эн зигынсдегоргьо, жэгэммет эни дигь—эн татгьо, ве табасаранигьо, э гъэд ченд садсалгьо э дусдиревоз зигынсденутгьо дуль экиревоз гынси—бирэхье ве зуное хон, нишон эн феодальни мурсы.

Хон талаб сохдени ээ ённуши хувьшде — везир Довид у гувзеле духдер хувьшде Шушене, эри комики биё и пушогьо гэрьуси бу э одохлуй юревоз—Джуымшувдевоз, сүйфдеи шев фирмсү э ки эну. И кор ээ мунде жигеш вэхизундени гъэгър, нэхогьи жэгэммет эни дигье э гъэршүй эн зулумигьои эн хон. Одомигьои эни дигь э серберэхий Довидевоз, комики ю хувьшдению эзи дигь бу, э шев торики, куч-кучмол ишуре вэгирде, вирихденут ээ тупрогь эн хон, фураморенут ээ догъгьо э зофруе вишелуье хоригьо. Инжо э гэрэй вишигьо, чогъэ хоригьо мескен зеренут эришу. Е сал гирошде бэгъдо э дигь нушунде оморени гэрьуси эри одохлуюгьо Джуымшуд не Шушен. Ээ елойге у бу миганд эн одомигьои эни дигь е сал ээ зир зулум эн хон хилос бирен. Оммо гье э гъизгъин эн гэрьуси э сер жэгэммет эни дигь ээ некумишире оморени и келе ерэгъльуье десдэй нүйкергьои эн хон. Эри дуборе неофдоре э зулум эн хон, гъеме дигьбонигьо ээ келе те чуь克莱 женг берденут э нүйкергьои хоневоз. Э и гъэзоблуу жеңг хэйли дигьбонигьо пуч биренут. Ээ дес нүйкергьои хон э гъизгъини жеңг мурдени Джуымшудиш. Гъемин гье у вэхд, кейки нүйкергьои хон лап эдембу сигъмиш сохде дигьбонигьоре, бирден э пушой энугьо ведиромо е духдер сие парталгьо э тен ю вери, э кул сие гэсб вери, сие муйгьою ю лов э сер душгью, «сифет ю рак, оммо гэтош гирдере хуно», гъилинж э дес дери пеленге хуно рафд э сер эн нүйкергьои хон, бууруж-хъэрой сохде-сохде. Нүйкергьои хон уре дире, сэгьмусдуут. Эри энугьо гъечи омо, ки у духдер инсон тайфеси нисди, у белки гээроили э чигьрет эну оморигьо ээ гъово эри доре жозешуре. Ээ чигьрет не бууруж эну, чуьтам у э сер энугьо шишире рафденигээ гъилинжевоз, нүйкергьои хон терсире, хъелжигер бире, вирихденут.

Э эхир эн легенда бирмунде оморенигеш мурдени эн соймишигьо—эн Шушен нен Джуымшуд (Шушен ээ дерд ве хъэйф эн одохлуй хувьшде чарусьдени э сенгъ э сер гъоврей эну), оммо дигьбонигьо мундүт азадлув, дуборе э мурсы хон неофдоруут, дануьсдуут обур инсоньтишуре сэхд гирде. Э вэхд эн жеңг хэребе сохде, сухунде оморебугьо дигь хувьшдере гыишде, угъо оморуут э е жигейге, зеруут мескен, бинешуре гъемин гье э и жиге, эжеки гъейсэгэт гынси дигь Нујди¹. (Мульшгүр).

Гъер легенда ологъолууни э мульшгүржувзевоз. Э и легендаш «Везир эн хон Табасару» гуфдире оморени, ки гүйгэ гъейсэгэтиси кими вэгидогьо э биренгъине шевгьо пушой себэхьгьо мибу дире духдере э сие парталгьо э тен ю вери, э сер эн сие гэсб вери, сие муйгьою ю лов гынси, бирэхье гъилинж э дес дери, зуыгбере хуно черх зере э иловлей

¹ Нум дигь Нујди гэмел оморет ээ дуль гоффгьо тати «нүүгэ дигь».

эн вечаруьсде хунегъой дигь, эже гирошдебуге гъэзоблувье жент э гІэ-
рей эз зулум хон вирихде дигьбонигъо нен десдей ерэгълувье нулькергъой
хон, эеки пуч биребу э и женг хэйли дигьбонигъой эну ве одохлуй эну,
нум комиреки ў э буружевоз гирдени.

Э и легенда гъемчун нушу доре оморени гъэдимие дусди эн хэлгъ-
иму э узгэ хэлгътойгэй Догъистуревоз, еклүв биреи торихлувье гъис-
мет зиндегуни энугъо, э товун эн комики нульвусдебу ведилувье гІилмчи
догъистун проф. Р. Магомедов э статьей хульше «Э товун пурсыш
татгъо»¹.

Огъюети сохденбируйтгъо классгъо ве сарф энугъоре гирденбугъо
меневиет диндогъоти хъэрекет сохденбируют эри венгесде э гъэнежкъи
хэлгъи, ки зен гловункори, бейбофи, хосиетсузи, хогъини э дивэгІ эну
дери, унегуьре э у не ихьдигорини, не уре гъимиш сохде гереки, не э
у рэхъм берде гереки.

Оммо овосуней тати «Тэхсирсузы эн зенгъо» гүйге э гъосутевоз
гүнжунде омори эри вегирдэн ижире шефте тэхсирире, хъэшоре эз сер
эн зенгъо. Мотив эни овосуне омбар ухшеши э у гъозиеревоз, комики
межбур сохд духдер эн везир падшогъ Шахрияре—Шахерзадере эри
э гъэд гъозор ек шев хунде эри эну гІэлемете ихдилотгъо хульшдере,
песде гүнжунде оморебугъо э келе десдон овосунегъой гІэреби «Гъо-
зори ек шев» (Ульиф лейла)².

Э и овосуней хэлгъи е гиле Шогъ Аббас, парталгъой севдегери во-
курде э тен хульше ведиромеребу шев эри гешде э шегъер. Одомигъой
шегъер эз зуревоз хисиребирант. Энжэгъ э ежиге э е хуне эз пенжере
товуш веди бу. Шогъ Аббас оморени поисдени э куынди пенжере. Ми-
вини э дорун хуне нульши е раге духдер не е раге кук. Угъо эдете э
лэгІэй дульеки гъэйси-хилмов деноре, дуль эз еки ширине гоффю гуфдире.
Эз гоффью энугъо падшогъ вераси, ки угъо гъеми духдергІэмле не кук-
гІэмлеют, гъемиге зен-шуввер.

Эз е гъэдер вэхд бэгъдо, гъетте жовоне кук хисире, духдер зури-
зури медиоров эз хуне. Э ён эн хуне дуль гІэсб егъерлувгъо бесде оморе-
бу. Духдер э е гІэсб венуьшде, гъирмож зере эзу, мурав. Шогъ Абба-
сиш дир несохде, менульш э кул хэвлет бугъо гІэсб, мурав э пэхъники
э пессой духдер. У миёв э гъирогъ шегъер э мескен хъэрэмбошигъо.
Гъетте инжо оморе, духдер мирав минульш э гъужогъ эн келей гъир-
хъэрэмбошигъо. У духдере э гъэгъревоз эз ки хульше пиш мисоху, у и
дес дир омори гуфдире э ки эну, мугую: «Мере түв герек нисди, бура
э кин эн кукгІэмлейтув!».

Духдер гье усэгІэт могорду э хуне, мибиру сер эн хисиребугъо кук-
гІэмлей хульшдере, э туморе доноре уре, миёру мишену э пушой пой-
гъой эн ошней хульшде—эн келей гъирхъэрэмбошигъо.

Себэхьимуын Шогъ Аббас мифурысь жоллодгъой хульшдере, дуль-
согъ сохде, миёру духдере, мигылув сер юре бура. У э везир не жол-
лодгъой хульшде гъэдэгъэ мизенуу: ю эдее эри чуыл рузи э ов рафде, те
ю оморе гъемме зенгъой шегъер кульше биёв гуфдире.

¹ Р. Магомедов . «Эри пурсыш э товун татгъо». Э сб.: Имуре е Ватани — Союз Совети. Махачкала. 1981 с., в. 11—13.

² Гъзори ек шев. Вихде оморе овосунегъо. М. 1977, в. 13—19.

Куыгъне везир эн бебей Шогъ Аббас бугъо, э товун эни бирэхъме буйругъ эн Шогъ Аббас шиновусде, мугую эз везир не желлодгъо эжиге неёрут гуфдире и беде буйругъэ, падшогъ эз ов вогошденге, ю мидуль гуфдире жугъоб эни коре.

Шогъ Аббас бэгъдовой чувь руз эз ов вогошденге, диренге, ки буйругъ ю эжиге овурде неомори, огол мизену миёру куыгъне вэзире. Везир эжигей жугъоб доре уре, мисоху эри эну ижирие ихдилот. Е вэгидо бебей Шогъ Аббас падшогъ бугъо вэгидо, ю везир эну, гъер шев еки эз пегъливонгъой эн падшогъ куышде оморенбу. Ки куышденбууге угъоре екиш нисе дануьсденбу. Песде мэглумын бисдо, ки и пегъливонгъой падшогъе еки-еки куышдегор духодер бу гуфдире, парталгъой пегъливони, жобе-жовшэн э тен, гъилинж э кишд вери. У куышденбу пегъливонгъой эн падшогъе эзу товуне, угъо куышдебирьут севгили энуре. Хун эн одохлуй хуышдере эзугъо ведешендэнгэ, духодер оморени э сер гъоврэй эну, нульвуьсдени унжо е когъоз, песде э шумшуьлевоз сула сохде дуль хуышдере, оффдоре мурдени э сер гъоврэй эну. Э и когъоз духодер-пегъливон руй бире э ки мурдре одохлуй хуышде, нульвуьсдебу: «Севгили-ме! Мэ куышдем гъеме дульменгъойтууре. Тульсуз мере и Гульлом нисе ьонсдэ...»

Везир гуфдирени э Шогъ Аббас, ки ю хуышдению дири у духодере, хунди у нульвуьсдебу угъо когъозе.

Шогъ Аббас омбар мэхътел мимуну и гъозиере шиновусдки э товун мугъгуьзэ игиди, боворини ве дусди эни духодер э кин одохлуй хуышде. У гье усэгид буйругъ мидуль зенгъо куышде неев гуфдире.

Эз елойге иму э и овосуне диреним куыгъне Гэдоте, комики дебу э зиндегуни эн догълугъо, гъемчун эн татгъойму—эз хунки енебуге эз е куынде одоми эну хун эн ю куышде одомире эри восдоре. Э куыгъне Гэдот татиревоз, эгенер е куынде одоми эн күшде оморигъоре некуышдеге е у хуышдени эн хунризе енебуге е мердэ эз куынде гъовумгъой эну, хун эн мурдегор гүйгэ гъуль мизену, нешумой эну гье оворе, бил-бул мибу те у тэхсиркор куышде неёв.

Э кими овосунегъой тати зен фегъмлуюте, эгъульмендте ведироморе эз шуввер хуышде («Кутум»), жовоне духодер очмиш сохдени ижире килитлемегъоре, жугъоб дорени э ижирие четине пульсушгъо, э комигъоки жугъоб доре нисе дануьсде не падшогъ виleeт, не данандее везир эну.

Гъечи, меселен, э еки эз овосунегъой тати «Кини дульз?» ихдилот сохде оморени э товун эн се бироргъо. Еки энугъо эз пэхъники эну дуль бирориге, вегуьрди эри хуышде бесдуй эн суврхэ, комиреки бебей энугъо э зиндеки пэхъни сохдебу. Эзугъо се бирор бэгъэй екиш нисе дануьсденбу э же пэхъни сохде омориге и бесдуй суврх. Эри э пульгуль ведировунде, коминиге эзугъо дульз, се бироргъо вэхуышде рафденуут э кин падшогъ. Оммо не падшогъ не везир эну и коре очмиш сохде нисе дануьсде. Увэхди падшогъ огол зерени жовоне духодер эн везир хуышдере, комики ченд багъо э ижирие четине овхъолетгъо э угъо кумеки сохдебу. Духодер эри се бирор ихдилот сохдени ижирие гъозиере.

Е падшогъе е духодер бири. У лап сэхд ошугъ бирени э кук эн энэхирчи. Кук энэхирчи духодер падшогъе эз жун хуышде зиёд хосдэ. Оммо бебей духодер э гужевоз дорени уре э шуввер э кук эн е хон. Дух-

дер э ки кук хон гээрүс бире оморенге, у ведешендени хэнжэле эз зир парталгьой гээрүсвori хувьшде, гуфдирени эз кук хон, эгенер у э ю дес зеге, кук хонеш микушув, хувьшдереш. Песде духдер падшогъ э кук хон минет сохдени юре рэхъю дуль гуфдире, чуынки ю кук нэхирчир хосдэ. Кук хон рази бирени. Оморени духдер падшогъ э ки кук нэхирчи. Оммо кук нэхирчи гуфдирени эзу вогорду гуфдире э ки кук эн хон, чуынки духдер э уревоз мэгър сохде омори э гээдэлт-гъонуневоз. Духдер падшогъ э ки кук хон нисе вогошде, оворе бире рафдени. Шев э рэхъ уре гирдени е десдэ гээчэгъгьо. Келей эн гээчэгъгьо дебердени уре э ки хувьшде, гуфдирени: туль овмени, мере гъерчув воисд э тууревоз ми-сохум. Духдер ведешендени эз зир парталгьой хувьшде хэнжеле, гуфдирени эз келей гээчэгъгьо: эгенер у юре рэхъс недоге, дес зеге э ю, у келей гээчэгъгьореш микушу э и хэнжелевоз, хувьшдереш.

— Имогъой гуит гъери! — руй бире э кин се бирор, — пульсирени духдер везир эзүгъо, — э хьисобиревоз э ки миё расув духдер?

— Э кук эн хон! — гуфдирени келей бирор. — У э гээдэлт гъонуневоз эри кук эн хон хосдэ омори, э уревоз мэгър сохде омори.

— Э кук эн нэхирчи! — гуфдирени минжийн бирор. — У не духдер падшогъ лап хосденуут дуль екире. Муыгьбет эз гъеме зевери!

— Нэг! — гуфдирени эзүгъо чуыклен бирор. Духдер падшогъ э ов, э тур эн келей гээчэгъгьо офори. У бэхш эн келей гээчэгъгьо.

Духдер везир гье усэгээт э энгүвшевоз бирмундени э чуыклен бирор, гуфдирени:

— Дульзд ини!

Чуыклен бирор терсире, э герде вегирдени, эз расдиш юни гуфдире дульзд.

Еки эз бинелууце себебгьо зене хуурд, элчэгъ, ихдиёрсууз сохдени э обществой эксплуататори бу экономически бендлуун зен эз мерд. Зен дур сохде оморебу эз производственни жофо — мэгэдэл зиндегуни эн общество. Зен мухшул бу энжэгъ э кор хунеи. Унегууре жофой эн мерд хьисоб биренбу гъеми зевер, гъемиге хуурметлув эз жофой зенуне. И овхьолет гэмел овурдебу фикиргьо, гүйгэ зен не э эгъуль, не э гуж гъувот хувьшдеревоз е вэгэдэш кор мердире сохде, эз сер берде нидануу.

Гээчэгъяа социалистиму бирмунди э практика дургу бирен эни фикиргьоре э товун зен. Э вилеет иму нимэй эн корсохгьой эн производство, э корхонегьо, колхозгьо, совхозгьо, идорегьо, э гээдэл, э искусство гысдүйт зенгьо — тенихдиёрлуве граждангьой Ватан социалистиму. Угъо э кор эз мердгьо нисе домунденуут. Э гээд зенгьою совети деруут Игидгьой Союз Совети, Игидгьой Жофой социалисти, Гээдэлчилгьо, агрономгьо, инженергьо, конструкторгьо, писательгьо, шогынгьо ведиеш.

Гьеэлээ э сүүфдэй салгьою советиш омбаре мердгьо рази нисе бирен-бируут эри зенгьоре той сохде э хувьшдеревоз э производственни зиндегуни, кор сохде э угъоревоз э е коллектив, э е хозяйство. Эз биографией эн Игид Жофой Социалисти Гээдэлчилгьо Давыдова иму дануусденим э товун энжирие томошее гъозие. Э дигь Хошмемзил э 1928 сал колхоз гүйнжунде оморенге, мердгьою эн дигь рази небисдорут Гулыгьоюре ве де зенгьойгэ-батрачкальгайгэй дигье э колхоз эри вегирде, егэни, угъо зенгьоуут, э ишуревоз тенбетен кор сохде нидануут Увэхди Гээдэлчилгьо энжом сохдени колхоз зенуне «Гээдэлчилгьо батрачке». Мерд-

гъой хошмемзили диренге, ки зенгъой эн колхоз «Гъирмизине батрачка» коргъой чули-мэхьсулыре э хоригъой колхоз ишу эзугъо усолте негировундет, увэхди угъо ишу хувшденишу теклиф дорут э зенгъо гуьрд бошут гуфдире э колхоз ишуревоз эеки.¹

Э овосуней тати «Кор эн ки четини?» мерд не зен хувьжет сохднуут эри эни товуне дуль э екиревоз. Мерд е руз домундени э хуне, корзенире эй сохде, зен рафдени э чул, кор мерд хувшдере эй сохде. Зен гъеме кор чули эн шуввер хувшдере хуб гировунде э шориревоз вогошдени э хуне, оммо мерд кор зени-хунеире ээ сер берде нисе дануьсьде, руьхшени мунде э пушой зен хувьшде.

Гъелбет, гуфдире нибу, ки э сад, гъзорсалгъоревоз гуфдире оморетгъо эз тараф эксплуататорски классгъо, гъуллугъичгъой эн дингоготи э товун усоли ве элчэгъи эн зенгъо, хъэшолув сохдеи угъоре сирогъусуз гирошдет. Э фольклор имуш деруть эн де хэлгъгъойгере хуно кими овосунегъо, нушу доренуьтгъо зенгъоре энжэгъ эз уsole тараф, меселен, «Беде зен», «Се весиетгъо» ведиеш. Оммо омбардеки овосунегъойму эн де хэлгъгъойгере хуно бирмунденуьт зенгъоре лап эз хубе тараф, коми-гъоки лоигъульнуьт э хубе нум, э хубе тэггрифи, э келе хуьрмет ве хосдэй.

Эз уруси тержуьме сохди

Н. Гилядов

¹ Гозит «Дагестанская правда» 3 июль 1976 с.

КУТУМ

Бири небири, е мерд не е зен бири. Мерде нум бу Бедел, зен юре Гъульзуль. Бедел не Гъульзуль имгойй е ченд салгъо бируйт эеки зигьисденбируйт, оммо э гъэд эни ченд салгъо Бедел э у не е хубе руз бирмундебу, не е хубе гоф гуфдиребу. Бедел зен хувшдере эри гъэгъ-негъогъ куфденбу, гъэгъри сохденбу, серкуш зеренбу: зен беге одомини, эгъуль зен э—пошней пой ю дери, эгъуль мерд гъич зене нибу, беле-филон.

Гъемей эни гоффго, серкушигъой эн Бедел телуль-тиконере хуно демундебу э дуыл косибе Гъульзуль. У э дуыл хувшде гирдебу: е гилеме семе гъэгър эни э ю веноре гужгъо, сэхде серкушигъоре эри ведешенде эз шуввер хувшде.

Е гилеме Бедел э хъэёт хувшде картушке кошдебу. Картушке гъемин оморе расиребу, пушой уре векенде бу. Е руз шохъонгум пушой хисире, Бедел эз зен хувшде мугу:

— Мере себэхь зуте хэбер сох, ведарам картушкагъоре векенуым.

Гъульзуль те ебо себэхь бегьем очмиш бире, мегириу туморере, миёв э ки жэгъчи Нисим гуфдиренигъо, э куынди деръёй э ён слapatке зигьисденигъо. Гъульзуль мосдону эзу е дэгъ доне тозе кутум, зуризури монгорду э хуне. Те ебо у шуввер хувшдере хэбер сохде эз хов, э ченд жиге, э зир тохгъой эн картушке, э гъэд эн хок и кутумгъоре у пэхъни мисоху, пэсде гене миёв мидегешдү э жигей хувшде.

Себэхь хуб очмиш биренге, Гъульзуль хэбер мисоху шуввер хувшдере, мугую:

— Эй мерд, туй вэхиз ведаре картушке эри векенде, те туй коре верасде эритуй хурек себэхъмундение хъозур сохум.

Бедел туморе не лапаткере вэгүрдэ, медиоров э хъэёт. Е тохэ мекенүү, дуль тохэ мекенүү, сесере мекенүү, э чоримуун тохэ э векендеки, мивинуу эз зир тох омо сер эн кутум веди бисдо. Бедел сүйфде пертгъогъ мибу мимуну э жигей хувшде, пэсде гене сер мигириу эри векенде, мивинуу гене э зир эн е тохигеш тозе кутум дери. Гъечи у эз е ченд жигейгеш картушкагъоре э векендеки дэгъ доне кутум миофу. У кутумгъоре э е жиге кура сохде, шори-шори хъэрой мисоху э лой хуне:

— Ой зен! Э сер иму мозол омори! Тохгъойму дуль бегьеэр дори. Э зир тохгъо э картушкаревоз эеки дэгъ тозе кутум векендем.

Гъульзуль хувшдере э недани веноре, эз хуне хъэрой мисоху, мугую:

— Эй мерд, туй жингир бирей! Хъэёт иму беге деръёгъи? Э бисду-богъче беге кутум вероморе? Весси хэрэ гоффгойтууре.

Беделе гъэгър миёв эзи гоффой зен хувьшде. У зури-зури мидиров э хуне, э сер зен хъэрой сохде, мугую:

— Хэр туш гъисди, бебе-дедайтуш, духдер филонфестер! Эдее гуфдиренум э түү: ме ээз зир тохгъо дэгь тозе кутумгъо векснедем. Уни унжо сер-сереки дечирэм. Ме бурам е кем гешдум э куче, э чойхоне чой хурум, түү төөвөгдөх, кутумгъоре дировун, е чэнд кутуме жарит сох, е хубе глош дунеиш сох э кутумевоз, е кузе шоробиш ни эриме э сер сүйфре.

Гъетте Бедел э куче ведарафде, Гъульзуль миёру пэхьни мисоху кутумгъоре. Бедел ээз куче, ээз чойхоне вогошденгэ, мивинуу: э жигей глош не жарит сохде кутумгъо э сер эн сүйфре тие шилово вери. Мипуурсуу ээз зен:

— Эй духдер нелоигъ, эжи э сер сүйфре ме э түү гъэдэгъэ зерем-бириумгъо глош кутуми, жарит сохде кутум?

Гъульзуль хувьшдере э недире, недануусдэ веноре, мугую;

— Ме унжо кутум ич чи недирэм. Эриме оморени ёо, мерд, түү сакч чешмиш бирей, небуге түү ижире гоффьоре нигуни.

Бедел гье усэгтээ хувьшлув бире, мегируг гъили дере, гъов кенде мирав шилолире хуно э сер Гъульзуль. Гъульзуль хъэрой, божжэх зерезе, мивирухуу медарав э куче. Бедел э гъилиревоз — э песой энуу. Видов Бедел, видов Гъульзуль. Э хъэрой Гъульзуль не сес Бедел хэлгъ э куче кура мибу, медабуррут иловлей энугьоре, мипуурсуут: чуьни, чуь бири ишмуре, эйчуй оффордайт дүү эеки?..

— Эй хэлгъ-хэлоигъ, гъэдошмуре вегиром,—гирисле-гирисле мугую Гъульзуль ээз кура бирегоре одомигъо—Е гиile ишму эзи ализе мердме пурсыт, чуь воисдэ уре ээз ме, эйчуй гъили эн дере вегуурде у э песой-ме видовусдениге мере эри куфде?

Бедел гуфдирени э угъо, чуьтам у имбууз себэхьмунде дэгь доңе кутуме ээз зир тохгъо картушке векендиге э хъэйт хувьшде, тапшуур-миш сохдиге э зен хувьшде эрию эзи кутумгъо төөвөгдөх, ээз куче вогошде жарит соху, гъемиге е хубе глош дунеиш соху э кутумевоз, оммо зен эдее хъэшо зере, гуфдире, ме дургунум, э ме норемгъо жиге у кутум-не чи недири.

Кура бире оморегоргъо э томошай энугьо ээз расдиш гъечув мидануут, Бедел ээз эгъуль гъэриш бири. Угъо гъилире ээз дес энуу векенде, десгъой энуре сэхд гуурде, миёрт уре э хуне, дэгтээ, гъелебул мидуут. Ээз Гъульзуль мугуут: эгнене у гене сер гуурдгэ эри гуфдире э товун кутумгъо, дан ки мерд ишму ёгъин лап гъэриш бири, уре эри хос сохде э делуухоне дешенде гереки.

Шохонгум сер шев биренгэ, Гъульзуль овурд е пураленгери глош дунеире, но э пушой шувер хувьшде. Бедел нувшдебу э күнж хуне, э хувьшде демунде, эденбу фикир сохде: «Ме и кутумгъоре э хов дирэм, небуге э эвреи? Белки ме ээз расдиш зенме, хэлгъ гуфдирер хуно чешмиш бирэм, э хувьшде недерум?..»

Бедел лэгъэрэ вегуурде, недувьл-недувьл сер гуурдки эри глош хурде, бирден ээз зир глош миёв гене сер кутум веди мибу. Чумгъой энуу мичаруут. У гье усэгтээ, эбрэгъ гезирер хуно, э пой вэхувьшде, сере чөрх доре-доре, вор хундере хуно, мугую гье е гофе: «Кутум! Кутум! Кутум!..»

Гъульзуль мивинуу шуввер ю ээз расдиш эдее чешмиш бире, уре э у езугъ оморе, хоши-менехъэфи гүрде уре, минишуну э сер сүйфре, их-дилот мисоху эри эну ээз же омориге и кутумгъо.

Бедел екем хомуш бире, э жигей хувьше нувьшденге, пульси ээз Гульзуль.

— Эйчуй сохдей түй и коре, мере гъечи э пушой эни хэлгъ-жэгэмет хэр, руухшени, биёбур сохдей?

— Эйчуй? Туй эзимбэгъдо э ме руухшенд несохи, негуи ме ээз түй хэруйм, элчэгъульм, эгъуль эн мерд зене нибу, гъечи-гъечиниге... гуфдире...

И овосуне нувьусде омори э шегъер Дербэнд э мэгь февраль 1979 сал. Ээз гоффтой овосунечи Рафаил Рафаилов нувьусди Александр Рафаилов.

БЕДЕ ЗЕН

Хэбер ээз ки дүйм ишмуре, ээз е ранжбер. У ээз себэхь зу-сери тэгэргын шохьонгум э чул, э зими, бисду кор мисохд, гыч э хэпер юшниомо, оммо гьетте у э хуне оморе дүйл эну омбар гъэрболовгъ мибисдэ. Зен эну ээз небире жигеш е кор вэхизунде, хъэрой-хувьшуль мисохд, сер мерде дорд мидо, визор-гизор энтуре миберд. Лэгээз зен эну эн кун керг гъультире хуно гыч гүрде небу. Чорей фэгъирие ранжбер мибисдоге, оворе мибисдо мивирихд ээз дес эн зен хувьшде.

Е руз себэхьунде зен э сер чол э рафдеки эри Глов, мерд эну мугу эзу юш эдее оморе э уревоз эри кумеки сохде. Зен рази бисдо.

Зен гъоб Гловире э расөрөвөз э чол фушендеки, мерд уре ээз песой кемер гъуль додоре венгесд э гъэд чол. «Эхириш хилос бисдорум ээз дес эни беде зен!»—шори сохде, мугу э дүйл хувьшде ранжбер. Руз оморе пишней биренгэ, гене э дүйл эн мерд рэхъм оморе, мугу эри хувьшде: «Чувьш бисдоге и зэмнени, ченд салгай худои ме э уревоз зени-шуввери сохдем, гъери бурам сер кешуым, белки у немуьрди, эгенер согъиге векошум ведировунум».

Мерд оморени э ён чол, дешендени расере э гъоб Гловиревоз, эйлонмиш сохдени расере, вокоширени. Мивинуу—расе гурунди, мугую э дүйл хувьшде: ведини, зуындеи. Хэйли расере вокошире, мерд сере гъуз мигируг, миденуьшув э чол, мивини зен веди нисди, оммо э жигей эну е келе мар бурмиш бире, нувьши э сер гъоб Глови. Мерд маре диренгэ, мидомууну э хувьшде: вокошугу уре небуге невокошуге. Мар диренгэ, мерд э хувьшде домунди, хъэрой сохде мугую:

— Эй мерд, ме миром эйтуй, э хувьшде медомун, зубош векош мере, ведебер ээз чол, хилос сох мере ээз дес эни беде зен. У эри е ниме руз э киме биреи, жунмере ведешенди, визор-гузормере берди э гоффьольэгъэгъигий хувьшдеревоз, э ме хъол, гъолок невемунди.

Мерд э гоффьой эн мар бовор сохд, оммо ээз мар терсире, у гене демунд э хувьшде. Мар вераси э дүйл эну чувь дериге, шовгю сохд, у э мерд е локош, е заралиш низенүү, уре сэхьиб-пул-девлет мисоху гуфдире.

Мерд ведешендени маре эз чол. У омбар согъбоши гуфдирени эз мерд.

— Имогьой гуш вени, —мугую мар эз ранжбер.—Ме мурам мипучум э жендек эн е теке духдер падшогъ ишму. Ченд жире фендчигъо, жэрэхъгъо миёвт мере эз духдер эри жайле сохде, оммо еки энугъош мере эзу жайле сохде ниданув. Чорей падшогъ нибу, у келе бэхшгъо имид мидуу у одомире, комики хилос мисоху духдер юре эз дес мар. Түү увэгдой биё духдер падшогъ эри хилос сохде. Ме гьетте түрье дире, жайле мибошум эз духдер падшогъ, түү эзу келе бэхшгъо мегири. Оммо дануьсде бош: эгенер егилейге шинириге ижире гъзиер, небу биёй э песойме-гъо!

Мерд мугую:

— Башгу!

Мар рафденгэ, мерд э ён чол поисде, фикир мисоху эри хувьшде: мар э мари хувьшдеревоз е нимерузиш э ки эни беде зенме тоб недори, ме чуьтам эзимбэгъдойгэ уре э рай овурденув. Бигыл домунугу буравгу гье э гъэд эни чол.

Е ченд руз гирошде бэгъдо э гуш мерд хэбер мидарав: э духдер падшогъ ишу мар пицири, екиш уре эз духдер жайле сохде нисе дануьсде. Падшогъ келе бэхшгъо имид сохди эри доре у одомире, комики дануьсд хилос сохде духдер энуре эз дес эн мар.

Мерд мэхизүү миёв э ки падшогъ. Падшогъ мугую эз ранжбер:

— Эгенер түү духдермэре хилос сохдиге эз дес эн мар, ме түрье хубе бэхш, хубе девлет мидуум, эгенер сохде недануьсдиге түрье э дор дуллу мисохум.

Мерд рази мибу, энжэгъ мугую эз падшогъ екиш недиров гуфдире э уревоз э утогъ эн духдер ю, чуьники, мар омбаре одомире диренгэ, гъэгърю диеш гужлув бире.

Мар и ченд рузгъ э гузет эн мерд бу, у кей миёвгэ. Эхириш у мердэ диренгэ, чуьтам гоф доребуге мердэ, эз жендек духдер жайле бире, фураморени, эз Гэрий дергъо ведарафде, гъишдэе рафдени рэхь хувьшдере.

Падшогъ диренгэ духдерю хилос бири, шориюре гъэдер небу, келе бэхшгъо, суврхгъо, эршэфигъо доре ранжбере, э рэхь мидекунув.

Э пулгъо, бэхшгъой эн падшогъевоз мерд е хубе хуне мокуну эри хувьшде, генеш е гъэдер пул-девлет мимину эрию.

Е ченд мэгь гирошде бэгъдо хэбер лов мибу: э духдер Чиме-Чим падшогъ мар пицири. Ранжбер вераси эри хувьшде, ки у гъемин гье ю эз чол ведешендигъо мари. Уре воисд эз Чиме-Чим падшогъиш эри хувьшде эри бэхш вэгъурдэ.

Мерд э кул Гэсб венуьшде, омо раси э вилеет эн Чиме-Чим падшогъ.

— Чиме-чим падшогъ мугую эз мерд:

— Эгенер түү духдермэре хилос сохдиге эз дес мар ме түрье э гурундитув суврх мидуум, эгенер хилос несохдиге, түрье э гъэноре асмиш мисохум.

Мерд э утогъ духдер падшогъ дироморенгэ, мар миденуьшув мивинув, и мерд юре эз чол ведешендигъои. У зугъу вокурде, мугую:

— Эй мерд, ме ээз туть негуфдиребиуын дие э песойме мей? Дие и дес оморей, десиге небу бийгьо!

Мар и гоффьоре гуфдире, жайле бисдо ээз духдер Чиме-Чим падшогъ. Ранжбер е гъейбенре суврх пур сохде, монголду эх хуне.

Е хэйли вэгидо гирошде бэгъдо гене э гүшэн мэрд сес мидарав: эжендэк духдер Яшар падшогъ мар пишири. Мерд мугую эри хувьшде: е фенд оффум, бурам духдер падшогъе хилос сохум, е гъейбенре суврхиши биёрум эриме.

Мерд миёв мирадасуу э ки Яшар падшогъ. Яшар падшогъиш мугую эзү:

— Эгненер туть духдермере ээз дес эн мар хилос сохди, ме тувре е гъейбен суврх мидуын ээз хэзинейме, несоходиге—сертууре ээз гердентуй мибурум.

Мерд мугую:

— Башгү, дефуурсит мере тэхьно э утогъ духдер.

Гээтэе мерд э утогъ дироморе, мар шинохд уре, хувьшлемиш бире, мугу эзү:

— Эдэ, ме ээз туть негуфдиребуын дие э песойме мей?! Ме имогъой ээз духдер падшогъ жайле небисдориге,—мугую мерд.—Ме э хотур пулбэхш вэгүүрдээ ээз падшогъ неоморем, ме э хотур туть оморем. Мере дердтуу гүрдий, эн мэ нэгл.

— Чуялам эхи?—мэхъял мунде, мипуурсуу мар.

Мерд мугую:

— У зен ээз чол ведиромори, эдее тувре гешде. Э у хэбер расири туту инжон, ээз духдер Яшар падшогъ пишири. У гъейсэгээт э сирогтутуу Чиме-Чим падшогъи, имбуурз-себэх миёв мирадасуу инжо э китуу.

Мар и гоффьой мерде шиновусденге, зэхъялай ю мурав, ээз духдер гье усэгээт жайле бире, мивирихуу. Мерд э гъейбенре суврхэвээз могошду шори-шори э хуней хувьшде...

Нульвуди ээз гоффьой 80 сале Серьё Юшбаева э май 1975 сал Семен Садыков.

К Е Ч Е Л

Хэбер ээз ки дуым ишмуре, хэбер ээз е косибе зен. И зен гъечи косиб бу—ээз косибгьош косиб. Рузине лугъэй нун ю э гуж-болгэсвээз мибисдо. Мирафд фэгъир э базар, русмугъо мивосдо, журууб мибофд. Ээз журуубгэй бире гъэзэнжлеревээз лугъэ нун косиби хувьшдере михурд.

И косибе зен—бие зен бу. Шуявер энү ээз зуревээз мурдебу. Уре энжэгт е гээил бу—гъеждэг сале кечеле кук. Буй-балай эни кечел чэнд е филиш буге, гъувот ю—ээз е пегъливон, оммо у лап келе тембел бу. Вегириу е чире эзило э уло нүү гуффиренигтээ одоми небу.

Рузгэй е рузгэй зен омо сэхд нечогъ бисдо, оффод э кун хъэлов. Мигириусуу зен, минет мисоху э кук хувьшде, мугую:

— Эй хэлефме, те гьони эри шуыгъэм тув нун, эй жендектүү партал ме гъэзенмиш сохдем. Эдее диренүм, дие ээз десме кор ниверов. Э и мульде рузмеш э мэхътели, дульесди худо домундем ээз дес тульчины тембеле кук. Вэхиз бура е кор гешд офф эрнитүү, чорей сертууре виниш.

Кечел медиоров ээз хуне. Хэйли кучегьоре мигешдуу, ээз с базар э е базар миёв, рузе шохьонгум мисоху, оммо уре екиш э кор вегирдегор нибу. Э шегъер дануысденбу у чуьжире бидэглэтие тембелите. Кечел мугую э дуль хульшид: «Гэе ме эриме кор неофум ме э хуне нивогордум».

Гъечи рэхэй рафде-рафде кечел миёв медиоров э гъирогъ шегъер, э е гъэргъэ више. Мивинуу инжо е келе кумеи, эзунжо эдее товуш ведироморе. «Гъерчуй бисдо биренини,—мугую кечел э дуль хульшид,—мидарам мивинуум чуынгэ унжо».

Мидиров кечел э куме, мивинуу инжо чуыл гъирхъэрэмбошигъобигъбуренгьо кура бирет, эдете пулгъо, молгъо бэхш сохденуут. Угью гъетте дире кечеле, мэхизуут ээз жигешу, гъов миленуут миравт э сер эну, уре эри кульшид. Оммо келей гъирхъэрэмбошигъо мипоюону угъоре. У кечеле огол мизенуу э ки хульшид, мугую:

— Гу чуынгэ сениглэт ту?

— Кечел ихдилот мисоху эри эну, книгэ ю, чуытам у эри хульшид е кор э гешдеки, омори инжо ведироморингэ, расд омориге э угъо.

Келей гъирхъэрэмбошигъо мугую ээз:

— Эй кечел, ме түрэе кор мидуум. Эгенер тув у коре бэгъем сохде дануысдиге, ме түрэе расди гъулме мисохум.

— Башгу!—мугую кечел.—Ме ээз десме вероморере гъемере мисохум.

Келей гъирхъэрэмбошигъо мегирыу е кечукеш е михэш, мугую ээз кечел:

— Э гъирогъ шегъер е вечаруысде хъомуми. Те себэхь бире мурай. Унже и михэ мизени э дивор эну вечаруысде хъомум.

— Гье ини кортуу?—мэхътэл бире, мипуурсуу кечел.

Гъирхъэрэмбошигъо михэндүйт келей-келе э гоф эну. Кечел михэне кечуке вегирдэ, медиоров ээз ки энугъо. Кечеле ээз гъер руз ээз хунс нульшид поисдей хульшид хэбер небу, ки ченд игидгъо э ки эну дивор вечаруысде хъомум шегъер энугъо кульнд оморогоргьо, гъеме пуч бирет гуфдире.

Кечел фит зере-зере, е луынгэ вешенде, е луынгэ фушенде, миёв мирасуу э ён хъомум. Мегирыу михэ, сер мигирыу э дивор эри зере. Е кечук зереки ээз дивор гье усэглэт сес медиоров:

— Эй кечел, те сертуу гъеле согъ гъисдигъо вир бош эзинжо!

Кечел сүүфде митерсуу и сесе шиновусденге. Несде э ило, э уло чаруысде мивинуу, екиш нисди. У гене мэглэни хундэ-хундэ, мизенуу кечуке. Гене сес хъэрой, гъелебуле медиоров ээз дивор:

— Эй кечел, ме э тув негуфдирум те сертуу согъ гъисдигъо эзинжо вир-сур бош гуфдире?!

Кечеле лап гъэгър миёв, мугую:

— Вир-сур тув хульшидентуу бош. Эгенер тув гъечи игидиге, ээз песой дивор эйчүү хъэрой сохде? Ведиро инжо мерде хуно, гоф сохим э еки.

Ебийге кечел мивинуу э пушой ю омо е раче жовон ведиромо, парталгъой пегъливони-жебожовшон вери э тен ю. У шимшил хувьшдере ээгъоб ведешенде, хуурш сохде миёв э сер кечел, герден кечеле эй зере. Э кечелевоз ерэгъ небу. Кечел мугую эзу:

— Э шимшилевоз игидиетитүре э ме мебурмун. Эгенер туль холисе игидиге, нисе терсиреге, ни шимшилтүре э гъирогъ, э кишиди диро э мэрэвөз!

Жовоне пегъливон рази мибу. У шимшиле э хори минуу, сер мигируу э уревоз эрии вепичире. Угъю зурбо мепульчут дуль э еки. СэгIэт ээс сэгIэт мирав женг энгүү ниверасуу. Гогь жовон мизенуу кечеле э хори, гогь кечел мизенуу уре. Е гиле кечел жовоне пегъливоне э хори зереки, ээс сер энуу бирден мофдону килэх буурунжи энуу. Гье-усэгIэт дуль бенд муй дураз бирени ээз песой кемер энуу. Кечел омбар мэхътел мимуну, диренге, ки и э юревоз вепичиребугъо жовоне пегъливон дуухдер биребей. Кечел сэхд гиругу гуфдире уре, дуухдер хъэрекет мисоху эри вирихдэ. У э вирихдеки, кечел мигируу сэхд ээз пой энуу. Дуухдер э гужевоз медешенуу пой хувьшдере ээз дес кечел, мивириууху. Оммо е той журууб эн дуухдер мидомууну э дес кечел.

Кечел мегириу кечукеш, михэш, михэ мизенуу э дивор. Песде мегириу той журуубе, хуб фегъм мисоху уре. Журууб е русмуй ю суврх, е русмуй ю нуыгъреи, эдее товуш доре. Кечел мугую э дуль хувьшде: «МэгъейсэгIэт егилие серсебэх бурам э базар, фурухум и журуубе, хурдение чи восдонум беруум эри дедейму, песде бурам э ки келей гъирхъэрэмбошигъо».

Миёв кечел э базар, мидарав э тукуй эн е тохир, мугую:

— Эй тохир, веги и той журуубе, е кем пул ди мере.

Тохир миденуушу мивинуу: уьсд эни журуубе доре нибу. У э дуль хувьшде фикир мисоху: «Биё э сер эни кук е хъэшо вешенуум, гуюм: и журуубе у ээз хунайме дуьздиди».

Гъечи тохир э лэгIэй дер тукуй хувьшде поисде, сер гуьрд эри хъэрой сохде:

— Эй хэлгъ-хэлоингъ, и кук э хунайме э дуьздид дерафди, и журуубе дуьздудыри, уьсделуге дуьздиде журуубе овурди э ме эри фирихдэ.

Э сес тохир хэлгъ кура мибу миёв. Ченгъэде кечел нигую: у журуубе у ээз пой эн е дуухдер-пегъливон векенди эри э вечерарьсде дивор эн куьгъне хъомум э мих зереки, екиш э у бовор нисоху: гъеме дануьсденбу, е доне одоми гъэсд сохдегор унжо эри мих зере согъ ние мунденбу.

Эхирки, кечеле миберуут эри дивун сохде э ки падшогъ, тохир не кечел э пушо, хэлгъ ээз песо.

Э ки падшогъ оморенге, тохир диёш хъэшо вешенде э сер кечел, мугую ээз падшогъ, ки и кук чуыл эзини журубгъой энуре дуьздиди.

Падшогьиш э гуфдире гоффой кечел бовор нисоху, мейл эн тохире мигириу, мугую ээз кечел:

— Эгенер туль чуыл журууб эн тохире невогордундиге, себэх э гъэноре кешире миёй.

Э буйругъ падшогъевоз кечеле дуьсдогъ сохде, миберуут мидешенуут э гъэзemet.

Игъо инжо мунугу, хэбер дуым ишмуре ээз келей гъирхъэрэмбошигъо.

Эз шовуне ксайф-хъэз у себэхьмунде хэбер бире, э хувьшде дироморен-гэ, э ёр овурд кечеле. Ү мугую эз хъэрмэхьгэй хувьшде:

— Кечел веди нисди. Гъери кешит бурайм виним, чуй биригэ кечеле!

Угъю медировт эз више, миёвт э гъирогъ шегъер э ён вечаруьсде хъомум, миденуьшут мивинуыт: э дивор хъомум мих зере омори, оммо кечел веди нисди.

— Валлаг,—мугую келей гъирхъэрэмбошигъо,— мере эзи кечел хъэз омори. Гъери кешит э гъэд шегъер гешдим, белки оффдим уре.

Миёвт угъю э гъэд шегъер, мивинуыт, э пушой мейду хэлгъ кура бири, кечеле эдее э дор дуллу сохде. Падшогьиш омори э томошэ.

Келей гъирхъэрэмбошигъо куынд миёв эз падшогъ, сер мизенуь, мипуурсуь, эйчуй кечеле э гъэноре асмиш сохдегэ. Падшогъ мугую, кечел дуьзди сохди, эз хуней эн е тожир чуыл жуьфд журуб е русму ю сүрхи, е русмуй ю нуьгъреи дуьздиги. Кечел ведиромо э пушо, ихдилот сохд, чуьтам и журуб э дес эну оффориге, тожир э сер эну хъэшо вешендиге.

Гъирхъэрэмбоши гене э падшогъ сер зере, мугую эзу:

— Огъойме падшогъ, эри расди гоф энуре дануьсде, фуурс одоми-гъойтуре э гъирогъ шегъер, винуыт: э дивор вечаруьсде хъомум мих зере омориге небуге нэгI.

Падшогъ мифуурсуь гъуллугъчигъо хувьшдере. Угъю унжо миравт, миёвт, мугуют эз падшогъ: э дивор хъомум мих зере омори.

— Гъечу буге,—мугую падшогъ,—эдем кечеле не тожире чуыл руз вэхд доре: гъерки эзугъо ижире чуыл жуьфд журуб овурд—у дуз медиров. Энжэгъ э игъролевоз, эгенер э жигей кечел чуыл одоми э гиров поисдге.

Гъирхъэрэмбошигъо э герде мегиругт эри гиров поисде. Падшогъ, гъелбет, нисе дануьсденбу угъю гъирхъэрэмбошигъо гуфдире. Гъеммей энугъо тожиргъо-базургендгьоре хуно геймиш-гүйдермиш бируть, эзи бэхдевере одомигъоре хуно веди биренбируть. Эхирки, кечеле рэхьо сохдуть.

Кечел могошду э хуне, эри дедешу ихдилот мисоху э сер ю оморе гъозие-гъэдере, песде, гъэл гуурда дедешуре, моффону э рэхь.

Кечел хэйли рэхь, мемзуль рафденге, миёв медиров э чоррэхьи. Мивинуь эз е рэхь е керву эдее гирошде. У куынд миёв эз сэхьиб керву, эз е тожир, мугую:

— Эй тожир, мере э хувьшдеревоз веги, ме гъемме гъуллугътуре меровунум.

Тожир мугую:

— Ме тууре пул нидум, энжэгъ нун хурдентуре мидум. Э гъечи разиниге—биё.

Кечел э герде мегируг, моффону э угъоревоз э рэхь. Хэйли рэхь микешуь керву, песде миёв мирасуь э гъирогъ е дерьеёгь. Э е келе геми игъю юкгъо, молгъошуре менуыт, моффонуыт э рэхь. Угъю хэйли рэхь рафденге, э миглей дерьеёгь оморе расиренгэ, гемичи е келе хъэрой мисоху, ченд е шивен, огол мизенуь тожире, мибурмуун э е келе жэгI, ченд е гъеждогъо. Гемичи мугую эз тожир:

— Ме дануьсденум хосиет эни келе жэгI. У гъеисэгIэт мичаруну

гемимуре. Эгенер иму эри эну е одомире бэхш нешендумге, гьемеймуучим.

Тожир огол мизенув кечеле, мугую эзу:

— Э и деръёгь е келе жэгI дери. Эри эну е одоми эз геми биёшненде биёв. Деше хувшдере э гъэд глов, диро э у жэгIэвээз э кишди, ме тууре ченгъэде воисд пул, мол мидумь.

Кечел мугую э дуль хувшдэе: «Ме мурденге мере пул, мол эйчуви». У эй тожир ихдилот мисоху эз жеиге у, э жеиге хунай ю, пэсдэ мугую эзу:

— Э ме расиренигью пулгьо, молгьоре мифуурси э филон жиге-эри дедайму.

Тожир рази мибу э игърол эну. Кечел мидешенув хувшдере э деръёгь. Миёв кечел э жэгIэвээз эри кишди гирде. ЖэгI-гъеждогьо гье у сэгIэт лэгIэрэе нара мисоху кечеле эри фуберде. Э вини эни гъеждогьо жэгI гушвор дебу. Кечел гье у тутын мигируү эз гушвор эн жэгI, э зарбевоз мицешу. Гушвор мидомону э дес кечел, жэгI мивирукху. Хъэрой мисоху кечел юре вокошу гуфдире. Гемичи не тожир шори мисохут кечеле диренгэ—рэх энүгью имогьой саламати. Оммо кечел пул хувшдере эз тожир хосденгэ тожир хуврламиш бире, мугую:

— Туй э худойтуу шулькур сох, зинде мундей гуфдире. Весси ме тууре эдее э гьовои э хувшдеревоз берденум, нунтууре доренум.

Кечел гофф нисоху.

Геми э гъирогъ эн е хэребе шегьеэр оморе расиренгэ, тожир мугую эз кечел:

— Весси ме тууре э хувшдеревоз бердемгьо, хъээс сохдайгьо эри туй. Имогьой фура эз геми, бура тууре э гъержой воисд.

Мифурав кечел эз геми. Геми рэхь хувшдере мирав. Мидиров кечел э гъэд шегьеэр, миденүшүү мивинуу: шегьеэр гъеме хэребеи, вечаруусде хунегьо, вечаруусде диворгьои, иловле гъеме сенгъи.

Мигердүү кечел гъэд шегьеэр, е доне одоми нинофу. Е гъэдер вэхд гирошде бэгъдо, мивинуу э сер эн сенгъ е раге жовон нульши. Жован уре диренгэ мэхъялтэл мибу, мугую:

— Эй кечел, туй э же и жигегь эз же? Э и хоригьо эз терсме гъуш гъэнэт нисе зере, деве дирногъ! Те сертуу согъ гъисдигьо, вир бош эзинжо! Небуге түш одомигьой эни шегьеэр хуно э сенгъ мичари.

Кечел эри хувшдэе вераси, ки и э куче гъисдигьо сенгъгьо пушоте гъеме одоми биребебэй. И жовоне куки угъоре э сенгъ чарундигьо. Кечел омбар хъэйфбери мисоху э дуль хувшдэе эри эни э сенгъ чарундэ оморе одомигьой эни шегьеэр. У мугую эз кук:

— Эгенер туй мердиге вэхиз эз жигейтүү, дироим э кишибенд!

Кук гье усэгIэт мэхизүү эз жигей хувшдэе, мепичуут игъо э еки. Кечел миденишүү мивинуу, жовон эз ю гужлуни, э у ниворов. Оммо синей жовон, синей дуухдере хуно гъульдури. Кечел мугую э дуль хувшдэе: «Белки и жовониш дуухдери у э дивор вечаруусде хъомум шегьеэр ишу дебуучо жовоне погъливоне хуно?»

Кечел дес мицешу э сер синей жовон мивинуу: у эз расдиш дуухдери. Мигируү у э зарбевоз эз синей эну мизенув уре э хори. Дуухдер мэхизүү эри вирихдэе, кечел мигируү эз дес эну. Дуухдер э гужевоз мэдешенув дес хувшдере эз дес эну, мивирукху. Оммо дуухдер э вирихдеки,

энгүвшдери эну мидомуну э дес кечел. Кечел миденуь энгүвшдериш э ки гушвор.

Е кем рэхъэти вегирде, кечел сер мигириуь эри гешде э гъэд эни хэрбее шегъер. Ё хэйли рэхь рафденге, мивинуь инжо е симбогъини. Э гъэд симбогъ е келе гъэлчэе дери. Рачи эни гъэлчере гъэдер-хъисоб нисди. Мидиров у э симбогъ, песье э гъэд хъэёт гъэлчэе, миденишувь мивинуь э зир эн е келе серине дор, э сер савзеги и хуб-рач веравунде сүфреи.

Кечеле лап гисне бугеш, э сер сүфре вебугью чигъо дес незе, мугу э дуыл хувьшде: «Ме э и чигъо дес низенуьм, гьери винуьм э иш чувь сур дериге».

Кечел э е далде, э е кулелугъ пэхьни мибу. Е ченд дэгъдэгъэ ги-рошде бэгъдо эз гъэлчэе медировт се жогыле духдер. Угью дуь эз еки рачи. Угью ингъэде рагьисдүйт, рачи энугью эдее э менг не асдараре-воз бэхьс берде. Угью миёвт минувьшут э сер сүфре. Еки энугью му-гую:

— Эй хэгьеरгьо, ченд салгью иму дуь екире недирейм, гьерки э е вилеет, э е дуре жиге бирейм. Биё тэ ебо чимуре хурде, ихдилот сохим дуь эри еки чувь жире гъозие-гъэдер э сер эн ки омориге.

Сер мигириу келei хэгьеर.

— Э е вилеет, э гъирогъ эн е шегъер,—мугую у,—ме э дувор ве-чаруьсде хьомум дерафдебируьм. Мере воисдембу е чувьн тойме игид эри оффде. Эзу товуне гьерки э ки эну бору куьнд миомо, сер мигирд э дивор вечаруьсде хьомум эри мих зере, ме медиромурум, женг ми-гирдуьм э у одомиревоз, мизеруьм уре э хори. Еки энугьюш э ме не вероморебу, не эз десме хилосиш небиребириу. Э Гэрэй эну одомигъо ченд жире пегъливонгьо, ченд жире игидгьо дебириут. Оммо е гиile эз жеиге омо ведиромо е кечел. У э диворме михиш зе, мере э хориш зе. Ме эз дес эну э вирихдеки, той журубмеш э дес эну демунд. У игид гъейсэгээт инжо мибисдоге, ме э у э шульвер мирафдумь.

Кечеле воисд ведарав хувьшдере бирмуну э духдер, оммо сабур сохд, мунд э жигей хувьшде эри гуш веноре у дуь хэгьеригे чувь ми-гютоге.

Миглеи хэгьеर мугую:

— Ме чаруьсдебируьм э е келе жэгI, деръёгье сейл зере эриме эзи сер э у сер. Оморе гемигьоре мидсцендум э кун деръёгь, е игид, е чувьн тойме э ме расд миёв гуфдире. Е гиile е геми гирошдеки, оморум пушой рэхь энуре гирдуьм. Гемире эз десме эри хилос сохде, е кечел дешенд хувьшдере э деръёгь, вепичи э мереевоз. Ме лэгIэ пара сохдум уре эри фуберде, кечел э е зарбевоз гуьрд эз гушворме, э виниме де-бугью. Ме хувьшдере эз дес эну э вирихундеки, гушворме демунд э дес эну. Эгенер у игид инжо мибисдоге, меш мирафдумь э у э шульвер.

Чуклеи хэгьеर е келе ох кешире, мугу:

— Эй хэгьеरгьо, э сер ишму оморе гъози-гъэдер э сермеш омори. Гъемин гье и кечел ишму гуфдиренитгьо э меш расд омори. Э мереевоз э кишшибенд оффдоре, мере у э хори зери. Ме хувьшдере эз дес эну э вирихундеки, энгүвшдерииме демунди э дес эну. Эгенер у игид инжиге мибисдоге, меш мирафдумь э у э шульвер.

Кечел и гоффьюй энугьоре шиновусде, мугую э дуыл хувьшде: «Имогъюй вэгIдо омори, ведиром бирмунум хувьшдере».

Кечел шори-шори медиоров э ки энугьо, мугую:

— Инуым! Ме инжигею!

Хэгьеरгьош лап шор мибошут кечеле диренге, гъэл мигируйт уре. Угъо мидеберуыт кечеле э хъомуум, хуб сер-тен энуре мишурут, хъомуум-хъомуумлемиш мисохут, раге бугъолууе парталгъой зари-зари мокунут э тен эну, минишунут уре э сер сувьфре, хъэз-кейф мисохут дуу э екиревоз. Гье э вэхд эн кейф-хъэз бирден э ёр кечел миёв ки дедей ю э хуне гисне нечогъ дери, чуль гъирхъэрэмбошигъо э жигей эну гиров мунди э ки падшогъ. Эгенер те чуль руз томом бире у неовурдге чуль жуьфд журууб е русмуй ю сувьхи, е русмуй ю нульгъреи, падшогъ угъоре э жигей эну э дор микешүү. Песде хурде чигъо э жун эну хъэлол нибу, эз дуыл эну шори нигирору, эгенер одомигъой эни шегъере гье-чи э сенгъ чаруысде гьишде рафдге эзинжо.

Духдергъо миденуышт мивинуыт кечел э фикир демунди, могъбуле хунои.

— Туль э фикир-хэёл демундей эхи? Негуи э иму фикиртууре?—. мугуут хэгьеरгъо, гъэл гүрдэе кечеле.

Кечел ихдилот мисоху эри энугьо гъеме гъозие-гъэдэр хувьшдере, э сер ю чуль омориге, чуль воисдеге уре.

— Гье ини фикиртуу? Эриму гъемей эни метлебгъойтууре бегьем соходи е чини е глов хурдеш.

И се хэгьеер неки лап раге духдергъо бируыт, гъемчун келе мине-жибгъо, тилисимчигъо бируыт. Чульклей хэгьеер мигириу е жом глове, чиг эну глове шенде-шенде э сер эн сенгъгъой эни шегьеер, э зир зугъун хувьшде чульиге гуфдире-гуфдире, мигердуу гъечи э гъемей шегьеер. Гъетте чиг эн глов эну расире э сенгъгъо, угъо гье у туьтэм зинде бире, э пушотеине чигърет ишу мичаруысдуут. Э гъечиревоз чульклей хэгьеер гъсмей одомигъой шегъере зинде соход, шегъере эз вечаруысдеи оводу соход, муурде шегъер зинде бисдо.

Песде келei хэгьеер мичаруну кечеле э е сувьмерле, ю не хэгьеरгъою мичаруут э гъушгъо. Миденуу келei хэгьеер сувьмере э дундугъ хувьшде, пар мизенуут э гъово. Угъо гъетте оморе расире э шегъер кечел, келei хэгьеер мичаруну сувьмере э кечел, ишуш гене мичаруут э се хыриу гъуызгъо. Мидировт угъо э хуней кечел. Кечел миденуышт мивинуу, дедешу гъолок муурдэе. Омбар мигириисүү кечел, дедешуре гъечи диренге, гъэл мигириу, синесов мибу э уревоз. Духдергъо диренге хъол кечеле, мидуут дедей энугьоре ужире дерму, эз комики келе зен гье усэгIэт хуб мибу, э пой мэхизүү. Минжий хэгьеер э тилисимовоз огол мизенуу омбаре гъулгъо-гъэрэвошгъоре, буйругъ мидуут э угъо э жигей хуней кечел эгъэд е шев е келе гъэлече эри вокурде.

Себэхъунде угъо гъемееки нульдебириут э сер сувьфре э гъэлече эри чи себэхъундэире хурде, эз пенжере миденуышт мивинуут, хэлгъ э видов-видови. Кечел пенжерере вокурде, мипульсүү:

— Эй хэлгъ, и чуль видов-видови?

— Беге туль нешиновусдей?—мэхътеле хуно мугуут эзү.—Имбууз падшогъ э майдуй шегъер эдее чуль гъирхъэрэмбошире, э гиров бируытгъоре, э гъэнэро кешире.

Кечел гье усэгIэт мугую эз келен зен хувьшде:

— Зубош, эзу ме э ён вечаруульсде хьомум эз пойтуу гекендеби-
румгъю журуб е русмуй ю суврхи, е русмуй ю нувьгъреи хъозур сох.

Келен хэгъериш сгол мизенуу гъулгъю-гъэрэвешгъой хувьшдере,
буйругъ мидуль э угъю э гъэд е сэгIэт чуль жуульфд ужире журубгъю
хъозур сохут эрию.

Е сэгIэтигэе гирошде бэгъдо, кечел чуль жуульфд журуубе вегирде,
видов-видов миёв миравасуу э майдуу. Гъемин жоллодгъю сер гирдебириут
сувфде эри дуллу сохде келей хъэрэмбошигъоре. Падшогыиш нувьши
э сер тэхд хувьшде э пушой майдуу.

Кечел эз дурине хъэрой мидешенуу, мугую:

— Ой жоллодгъю, поит е дэгъдэгъэ, мекешит уре э гъэноре!

Жоллодгъю мицоют. Кечел миёв, сер мизенуу э падшогъ, минуль чуль
жуульфд журуубе э пушой энуу, мугую:

— Тожириш биёргуу бирмуунугу журубгъой хувьшдере.

Тожир гъемин гье инжиге бу. Тожир диренге кечеле э журубгъоре-
воз, сер мигириу эз пэхъники эри хувьшдере далде доре эри вирихде.
Кечел видов-видов миёв мигириу уре, миёру э ки падшогъ. Дургунн эн
тожир очмиш мибу. Падшогъ буйругъ мидуль э жигей э гиров бирукт-
гъю гъирхъэрэмбошигъю тожире эри дуллу сохде э гъэноре. Хэлгъ ше-
гъере омбар хъээз миёв эзижире шэгIр, эз дуули энүгъю мибу и хъэшо-
коре, темэхъкоре тожире э дор кеширеи.

Падшогъ мугую эз кечел:

Эзи журубгъойтуу е дуль жуульфд журууб мере ди.

— Тууре воютго журубгъю, огъойме падшогъ,—мугую кечел. —Ме
тууре неки журубгъю, де бэхшгъойгеш мидум. Энжэгъ и чуль жуульфд
журуубе мере воисдени чуль дусдгъю-хъэрэмхгъоймере, э жигейме э ги-
ров мундебириутгъоре, гъеркишуре е жуульфд бэхшум.

У бэхш мидуль и чуль журууб гъирхъэрэмбошигъоре, гъэл мигириу
угъоре, мугую:

— Ишмуре гъер вэхд чуль воисдгэ биёт хогьит эз ме. Ме гъер
гъуллугъ, метлеб ишмуре миверовунум. Оммо э сер эн е доне косиб,
бичоре дес мевегирит, ченгъэде эз дес ишму веромо э угъю кумеки, ни-
ки сохит.

Гъирхъэрэмбошигъю омбар «согъбоши» гуфдире эзу, гъеме э е лэгIэ
жукъоб мидумт:

— Омбар эз дуулимуну и гоффгъойтуу. Имуш тууре герек бисдо-
римгэ, гъемише хъозурим э гъуллугътуу.

Хэлгъ э шори, хэндеревоз лов мибу эз майдуу.

Э чуль беде руз расиге тожир гъеме душшмэгъошуу расо, э чуль жирс
шори, бэхдевери расиге кечел—гъеме дусдгъошуу расо.

И овосуне нувьшиде омори эз гоффгъой
Мине Ханукаева, э шегъер Дербенд, э май
1983 сал. Нувьшиди кук эну — **Борис
Ханукаев**.

ГҮҮЗЕЛ ЭН ГҮҮЛИСТОН БОГЬИ

Хэбер эз ки дүм ишмуре, хэбер эз е падшогь. Рузгью е рузгью падшогь синемиш мисоху мивинуу, чумгьюю эдее тор бире, юш эдее эз хъол оффоре. Омбар падшогь дуыл песо мибу эзи кор. У огол мизенуу векилгъю, везиргъой хульшдере, жэрэхгъю, табибгъю, дананмендгъоре, мильтарсун эзугю чуь чореиге эзи Гээзор эну.

Э пушо медиров е лап пири мерд, сер мизенуу э падшогь, мугую:

— Огъоме падшогь, туй согъ гердош! Гысади эри эни Гээзортуу дерму! Эгенер эз Гулистойн богъ гулистойн епрогтире овурдегор бисдоге, уре душунде, мелхъэм соходе э чумгьютуб веноге, чумгьютуб ш хос мибу, Гээзортуу мигирору. Оммо эжеиге у Гулистойн богъи, э коми сер Гулыломиге у, гъеле екиш нисе дануусде.

Падшогье се оморе расире кукгъю бу. Угъю гъеле екиш эвлениши небиребиругут. Дуу келей кукгъю эгъульмэндгъю, кордангъю биругут, оммо чуьклей кук эз сер-сифет, буй-бала рач бугеш, е небуд, шулух, феремез бу. Уре екиш хысоб нисе гуьрденбү.

Себэхимуун келей кук падшогь мегируу гъейбере, менушуу э кул Гэсб, мурав эри гешде эжеиге Гулистойн богъи. У се руз, се шев рэхь мурав, се догъэ, се дереире, се нулькерере мигирору, э чоримуун руз мивинуу э Гэрэй эн дуу догъи е богъ дери, чуь жире майво-емиш э Гуьлом гъисдиге, гъеме э и богъ вери. Кук падшогь омбар шори мисоху и богъэ диренки, гъечув мидануу гъемин и гысаду Гулистойн богъи. Зури-зури мичинуу эз велгъю, емишгъой эни богъ пур мисоху гъейбей хульшдере, мофону э рэхь.

Келей кук падшогь овурде велгъоре мидушунут мивенуут э чумгью падшогь, оммо чумгью эну эжигей хуб бире, диеш тор мибу. Увэхди гъеме э сер оффорут, ки и велгъю эз Гулистойн богъи нисди.

Дуимуун кук падшогьиш вегуьрде гъейбере, венушде э кул эн юргъээ Гэсб, мирав эри гешде Гулистойн богъэ. У хьофд руз, хьофд шев мирав, хьофд догъэ, хьофд дерере, хьофд нулькерере мигирору, э хъэшдимуун руз мивинуу э сер келлэй эн е гъульдууре догъ, иловлейю гъеме верф-жилид гуьрде, е раче богъи, э гуль, велгевоз вераисди, эдее товуш доре. У омбар шори мисоху и богъэ диренге, гъечув мидануу гъемин и богъи Гулистойн богъ. Мичинуу эз велгъю, гуьлгъой эну, дуу сер гъейбенре пур мисоху, менушуу э кул Гэсб хульшде, могорду э шегъер бебешу. Оммо эзи дуимуун кук овурдебугъю велгъюш эри падшогь е чоре небисдо.

Чорей падшогь небисдо имидсууз, недуул-недуул фуьрсо чуьклей кук хульшдере эри оффе Гулистойн богъэ. Чуьклей кук падшогь шев-руз недануусде, не э хульшде, не э Гэсб хульшде гъимиш несоходе омбаре рэхь рафд: дерени дере димеди, тепени тепе димеди, гежени-геже билмеди, гъульдуз-гъульдуз билмеди, гуль юхуе вермеди, бош есту-гъэ гъуймеди, чух гитти, оз гитти, гелиб бир мемзулье чихди, мивинуу э зир эн е гъульдууре гъэе, гъугъ ю е сер э асму, расиренигъю, э ён эн е келе серине чинор дор, э иловлей ю е раче чеменлугъ е келе чешмей билогъи. Кук фурамо эз Гэсб, рэхь до уре э чеменлугъ, ю омо э ён билогъ, дес-руй хульшдере шушд, нульшд эри чи хурде. Гье и вэхд эз пушой эну е гъульдере келе мерд, рушгъюо верфе хуню сип-сипи, э сифет

ю шевгъ вери, э десдечуревоз эдембу гирошде. Кук падшогъ гьетте келе мерде дире, вэхуьшд э сер пой, дуль десе э сер сине веноре, руз эхэйбу до уре, теклиф сохд э юревоз нульшув е лугъэ нун хуру гуфдире.

Келе мерде омбар хош омо эзи кор эн кук. У омо нульшд э ки эну, пульсий э чуль гъуллугъ-метлебевоз у омори ведиромориге э и хоригъо. Кук падшогъ гьемере ихдилот мисоху эри эну.

— Эй хэлэфме,—мугую келе мерд,—Рэхъ э Гульистон богъи омбар четнини, терси. Гьеlee екиш э унжо рафдегор эзунжо невогошди. Хъэйтуйни, пуч-гыч мибоши, те сер түү согъ гысдигъо, вогорд бура э хуней бейбайту.

Кук падшогъ мугую:

— НэгI леле, ульмэгъ вор, думнэгъ ёх: е мимирум э и рэхъ, енебуге эри чумгъой бебеймуре хос сохде гульистон епрогъире миёрум.

Увэхди келе мерд мугую ээз кук:

— Гьечу буге э ме хуб гуш вени. И э пушойтуу деригъо рэхъэ мирай дим-дуз, э елош нечаруьсде. Э рэхътуу мохуру Гъэри-Нене, жендээк эну э келей е фили. Э лэгIэй ю е пуд сэгъуьз дери. У нульши э минжи рэхъ, е неней хульшдере э сер расди душ вешенди, е ненейгэй хульшдере—э сер чепи душ. Э и рэхъ, э и тараф эн Гульистон богъ ээз Гъэри-Нене ихдиёрсувз, буйругъсуузын екиш гирошде нисе дануьсде: «ис мүргъ, не хъэйву, не инсон. Ижире хъулькм, гуж уре гысди. У тууре диге, данки түү чучи, ээз жунтуу дес веги. Түү э пэхъники, э чорченги евошлэй-евошлэй күннд бош э ки эну ээз песой кемер ю, гье усэгIэт ги ээз бешгэй неней эну, дени э лэгIэйтуй, ху шир энуре. Оммо небу неней энуре рэхъо ди ээз лэгIэйтуй, те у шовгю несоху: у неки э жунтуу гъэсд нисоху, тууре эй хульшде ферзэнд хыисоб мисоху, э түү кумекиш мисоху метлебтууре эри веровунде. Имогъой бура рэхъ ник!

И гоффьоре келе мерд э кук гуфдире мунде, те кук чуме-чару сохде, мерд бирден ээз пушой чум вир мибу.

Кук падшогъ, келе мерд э ю гуфдире хуно, э пэхъники оморени гульдени ээз песой кемер неней Гъэри-Ненер, сер гульдени э зарбевоз эри жульмусде, шир энуре хурде. Гъэри-Нене сувьфде гьечуу мидануу мужакгъо енебуге бэгIэвчечьои уре инжимиш сохденигъо. Е шох мегириу угъоре эри лиш сохде. Песде у дануьсдки и мужак, бэгIэвчче нисди, инсони, сер гульд уре эри терс, гьеелебуле доре. Оммо диренге и ненейюре гульдигъо, э терсгъо, гьеелебулагъою гуш нисе веноре, эдее ненейюре туур-туур сохде, увэхди у шовгю сохд э гъоврехуней бебедедей хульшде, э жун эну гъэсд нисоху, уре балай хульшдере хуно хыисоб мисоху, войге-метлеб юре бегъем мисоху, эгенер у неней энуре рэхъо доге.

Кук падшогъ рэхъо мидуу пуштун Гъэри-Ненер, мугую эри эну э чуль войге-метлебевоз у инжо оморе ведиромориге. Гъэри-Ненеш мугую эзу:

— Эй хэлэфме, и рэхъ унжо гиден-гелмэзи. Мурай пуч-гыч мибоши, вогорд бура э ватантуу.

Кук падшогъ э герде нивегириу, мугую:

— Жон Нене, е мимирум э и рэхъ, енебуге эри чумгъой бебеймуре хос сохде гульистон епрогъире миёрум.

— Гъечуниге, хэлефме, э ме хуб гуш вени,—мугую Гъэри-Нене.—
Мурай гье э и рэхь. Э туту мохуру е дев. Гъеле те э дев оморе расире,
э рэхьтуу мохуру е гъэнов. Эзу эжигей глов эдее хун не рим риходе. У
дев дегешди э минжи рэхь. Э пой эну верафди телуль ченд е лульгей дор.
Пой эну vemасири, эзу эдее эз лиловуре хуно хун не рим риходе. Дев
эз зэхьмет пой хувьшде эдее ох-ноле зере. Туту э пэхьники, хувьшдере
небирмунде, куынд бие э ки эну, э е зарбевоз ведеше телульре эз пой
эну, песьде гье у сэглэт пэхьни бош э е куле-далде. Телульре эз пой эну
ведешендеки, уре диеш дорд мидув, увэхди у эз гъэгър, зэхьмет жун
хувьшде гъер э зир дес ю оффорегоре пар-парче мисоху. Е кем вэхд
гирошде бэгъдо, хун не рим пой эну поисде, темиз биренге, у рэхьэт
мибу, мэхизув шори-шори, шовгю мисоху э гъурхоней бебе-дедей хувьш-
де, ки уре эзи зэхьмет хилос сохдиге, эрию бирор мибу. У неки уре
никуюшув, эз дес ю вероморе кумекире э ю мисоху. Увэхди туту метерс,
ведиро э пушой эну, гу э у войге-метлебтууре.

Гъэри-Нене менүй пенжей хульдере э кемер кук, мугую:

— Имогъой бура рэхь ник. Данки эзимбэгъдо э түү гъувот эн хьофд дөгъ дерি.

Эхирки, узун сувзуын гъисгъэсүү, кук падшогъ мисоху гъе гъечу, чүткам э ю гүфдиребүгэ Гъэри-Нене. Девиши э у омбар мугую мера гүфдире э и соконеэ рэхь, оммо кук э герде нивегириу. Увэхди дэв мугую ээзү:

— Имогъой тут гуш вени, бирор, э ме, ме чуб гуфдиренумгэ. Тебо тут э Гульистон богъ расире, э рэхтуту мохурт се гъэлече. Суффдэй гъэлече эн се сере деви, дуымуын —эн пенж сере деви, сеимуын —эн хьофд сере дев. Э суффден гъэлече келей духдер эн Чуме-Чин падшогъ есир дери, э дуымуын гъэлече—дуымуын духдер эну, э сеимуын—чуклеи духдер эн Чуме-Чин падшогъ. Эгенер э кумеки эн духдергъой Чуме-Чин падшогъевоз тут эз се сере, пенж сере не хьофд сере девъю хилос бисдориге, мурай гене рэхтутурие пушово. Э дуй лойрэхъ, э куындигъой эн Гульистон богъ э елой рэхъ э зенжилевоз э биней дор е гээб бесде омори, э е тарафигей рэхъ—е келе сег. Хурекгъой энугъо дегиш сохде омори: э пушой эн сег е гъембиз гиёви, э пушой эн гээб хэйли остигъую. Гээб остигъуре хурде нисе дануусде, сег—гиёве. Угъо эз гисней, эз гъэгър жун ишу хьозурут эри пара-пара сохде гъерки э пушой энугъо э и рэхъ омо ведиромо. Оммо тут метерс. Гьетте эзугъо куынд оморе, гьеусэгээт дегиш сох хурекгъой энугъоре: остигъоре эз пушой гээб вегуурде, э пушой сег ни, гиёве эз пушой сег вегуурде—э пушой эн гээб. Угъо хомуш бире, э хъэрой хурдешу биреки, тут зе гирор эз гээрэй энугъо. Эзунжо омбар некешире, миий миаси э ки Гульистон богъи. Э гъэд Гульистон богъ биёэ эз гъопу дарай. Чор киной богъ гъеме э гъуындурие боругъой сенгтиревоз ведабурра Гъюпуй эну гъовуни. Небу гъопуре э десевоз вокуни. Оф эз иловле е гъову, э уревоз гъуыл деди гъопуре, гъопу гъе усэгээт эз хувьде вокурде миёв. Гьетте эз гъопу пой норе тут мивини жуярбежурие доргъо э жуярбежурие мейвогъоревоз вариандет, гъэд эн богъ гульгүлье холире хуно э гульевоз безенмиши. Те ебо тут э гъэд богъ дерафде, пойту э гульгъо расире, тут пойгъотурие э гиевевоз пучун, бесд, пеcде дара э гъэд богъ. Емуышъоре енебуге велгъоре э десевоз мечи.

Веги е чубугъэ, пара сох бешгейюре, чи угьоре э чубугъэвоз. Метлеб-туре бельем сохде бэгъдо могорди песево гье эзу тув омрейгъю рэхъ. Э тув дие екиш нивохуру. Оммо ме э гузет тув мипоюм. Небу эз гуфдире гоффгойме ведерайгъю!..

Пушой куке рэхъ сохде, дев медешенуу эз сен хувьшде е мую, мидуль э у, мугую:

— Э сертуу е кор омоге, енебуге түре е четини бисдоге, и мую сухун, ме миём мирасуум кумек эритуу.

Кук падшогъ хэйли рэхъ кеши, омбаре чулгъю, вишегъю, пелессэгъоре гирошд, омо раси эхириш э сүүфдэй гъэлечэй эн се сере дев. Дев и вэхди э ов бу. Келei духодер эн Чульме-Чин падшогъ нувьшдебу э пенжерэй гъэлече, могъбул, десе э чуне веноре. Кук падшогъе у винники эз ело лап мэхътэл бисдо, эз елойге лап шор. У зури-зури ведиромо э пушой эну мугу:

— Эй живон, тув инжо чуытам оморей гыисмет бирей? Э и хоригъю эз терс гъуш гъэнэт нисе зере, деве дирногъ. Дев оморе ведиромоге түре гьеусэг!эт мифуберуу.

— Эй духодер,—мугую кук, —түү э ме кумеки сохдиге, ме девеш микушувуум, тууреш эз есири хилос мисохум.

Духодер увэхди мугую эзу, чуытам се сере деве хувьшде мибууге.

— Дениш э у э пушой гъэлече гыисдигъо келе догъ,—бирмунде э лой эн догъ, мугую духодер эн Чульме-Чин падшогъ.—Э келлэй эну догъ е хувьшгэ дор вери. Э сер эну дор э лулэй гыилогъи е хое дери. Бура таа дев эз ов вогошде, у хоере эз луле веги, хъэл-хъэлим сох. Жун эну дев э у хое дери. Гьетте тув у хоере хъэл сохде, жун дев медарав, у моффонуу мимууруу.

Кук верафд э келлэй, догъ, пеcде э гъуугъ эну хувьшгэ велгесувзэе дор. Гьетте кук падшогъ э дор верафде эз лулэй гыилогъ хоере вегуурда, се сере дев э хувьшде синемиш сохд, жун ю э секонеи дери. Се сере дев хувьшдере жумунде сэг!эт дор сэхд лерзи, гуйге уре еки эз зир эдембу шувунде. Екемлей мундебу кук эз дор неофдорени. Оммо кук лап сэхд гүрдээ эз лулыгэй дор, раси э лулэй гыилогъи, вегуурд эзунжо хоере. Дев хъэрекет сохд эри видов-видов оморе расире, хувьшде кук падшогъе. Оммо у имбууруз лап дур рафдебу э ов хувьшде. Те у оморе расире, жун хувьшдере эри хилос сохде, кук падшогъ жарунд, хъэл-хъэлим сохд хоере. Дев гьеусэг!эт оффо э хори, нешумо до.

Кук эз дор фураморенгэ, келei духодер Чульме-Чин падшогъ, омбар шори сохд, мугу эз кук:

— Имогъой мереш веги бер э хувьшдеревоз.

— Эй духодер,—мугую кук,—сабур сох, те ме вогошде, хэгъергъой-тууре хилос сохде, тув пой инжо э гъэлече, дениш э иму.

Пушой кук рафде, духодер падшогъ медешенуу е мую эз луљуу эн сие гэсб се сере дев, мидуль э кук, мугую:

— Гъергой түре е четини бисдо, и мую сухун, гу э дүүлтуу деригъю ниете, и гэсб э е дэгдэгъэ миёв мирасуум э китуу.

Кук е хэйли рэхъ рафденгэ э пушой чум эну мохуру гье ужире гъэлече эн се сере деве хуно. Дуымуун духодер Чульме-Чин падшогъ

эз сер пенжерей гъэлече мивинуу куке э сер гээсб, шори-шори медиоров э пушой эну, мугую:

— Эй кук! Туль хош оморей! Ме и ченд салгын хъэротуум руй инсоне эри дире, гоф сохде. Чуьтам келен хэгье мере хилос сохдайге, мешреш сох.

И гоф э лэгээ духодер дери, бирден гъово-хори лерзи, туф-туфон во-курд, духодер Чуьме-Чин падшогъ зэхълевежэгъ бисдо, ранг ю рафди.

— Эй кук, пенж сере дев омо раси, видов зури-зури э е жиге пэхьни бош, те туль э чум эну вохурде.

Кук мугую:

— Ме эй пэхьни бире неоморем, пенж сере деве эри кувшде омормем.

Дев те оморе расире, уре буй инсон миёв. Кук диренге, у мугу:

— Эй инсон, туль инжиге чуб сохде? Эз терсме инжо гъуш гъэнэт нисе зере, деве дирногъ. Ме гэйсэгээт тулье нашдови мисохум.

Кук падшогъ гъилинже эз гъоб хувшде ведешенде, э уткемиревоз мугу.

— Ме эри нашдовитуу неоморем, дев, эри гээжел жунтуу оморем.

Пенж сере деве хэнде мигуруу эзи гоффгой эн кук, мугую:

— Гъечу буге, ме эритуу энгүвшдмереш пури нисохум, гъечи зинде-зинде мифуберуум тулье бэгэзвечере хуно.

Деве е пух мизенуу, кук э гъово мешенуу, гье гъечу э парталгъо, ерэггэгэюревоз уре мифуберуу. Гъетте кук э шуягъэмбэй дев оффдоре, у гъилинж хувшдере э кор миёру. Эз нимсгэтигэ бэгъдо, леш дев э хори оффдоре, кук согъ-саламет миёв медиоров эз шуягъэм дев.

Дульмуун духодер Чуьме-Чин падшогынши минет мисоху, мугую эзу беруу гуфдире юре эзинжо. Кук имид мидуу уре, хьофд сере девеш кувшднгэ, чуьклэи хэгье юре хилос сохденге могорду гуфдире. Дульмуун духодер падшогынши мидуу уре э рэхъ ю муй гъирмизине гээсб пенж сере деве.

Кук эз духодер «согъбоши», духодер эз кук «рэхъ ник» гуфдире, кук падшогъ э кул гээсб хувшде венуушде, моффону гене э рэхъ. Миёв мирасуу э гъэлечей хьофд сере дев. Чуьклэи духодер Чуьме-Чин падшогынши гъетте кук эз гъэлече дире, видов-видов медиоров э пушорэхьи эну, мугую:

— Эй кук, туль чуьтам оморе ведироморей э инжо? Дев гэйсэгээт бие биёв. Те у оморе ведироморе, биё гъердүүеки вирихим эзинжо.

— Кук мугую:

— Эй раге гүзел! Ме эри вирихде неоморем, ме эри жун деве восдоре оморем. Туль эриме кумек бисдориге, ме деве микушув, тульреш хилос мисохум.

Дев э буе-буй инсон зури-зури миёв миросуу. Диренге кук не духодер э ширине меслэхьэти дери, у хувшлув бире, гъов миленуу миёв э сер кук уре эри кувшде. Кук ю суке одоми бугеш, э у имогъой гъувот эн хьофд дөгъ дебу. Те дев э ило э уло жуумысдэ-чаруусдэ, кук эз гъоб ведешенде гъилинже, бурри е сер эн деве. Е сер эн дев оффоренге, у е гъэддер эз гъувот оффдо, оммо диеш хувшлэмиш бире, шенд хувшдере э сер кук. Гье и тутым чуьклэи духодер Чуьме-Чин падшогынши

гъинлиже вегуурде, ведиромо э песой кук э кумеки. Те гъово шохьонгум бире, угъо гъеждогъоре мент сохдуть.

Кук падшогь динж-рэхъети хувшдере вегуурде, чульклен духдер падшогье имид до, э песоий ю моторду гуфдире. Чульклен духдерни дорени куке э рэхь ю муй эн гъирмизине гээсб хьофдсери деве. Кук офдорени э рэхь. Е фарсанг рэхь рафденге э у вохурдени э сер э зэнжил бесде гээсб не сег. Э елой рэхь э пушой гээсб остигүгъо бу, э е лойгей рэхь э пушой сег гъембиз эн гиёв. Гъердуй энгүгъо эз гисней эдембирүйт чульк-чульк сохде, делууре хуно бирүйт. Кук фурамо эз гээсб, куынд омо эзгүгъо, вегуурде эз пушой эн сег э пушой гээсб но, остигүгъоре вегуурде эз пушой эн гээсб э пушой эн сег но. Угъо гъетте хурек ишуре винире, э хъэрой хурдешу бисдорут, кук э олхогьиниревоз э кул гээсб хувшде венуушде, гирошд эз гээрэй энгүгъо. Кук зиёди унгъэде омбар рэхьиш нерафд, омо раси э Гульистон богъ. Те э ён гъопу оморе, у гешд оффд е тике гъовуре, куынд бисдо эз гъопу. Гъопу сэхд бу. У гъуыл додо дер гъопуре э гъовуревоз, гъопу гье усэглэт вокурде омо. Бирден гъопу журай дешенде, шулькеет сохд:

— Ой гульзел Гульистон богъи! Дер гъопуре вокурдутьгьо-о-о!

Гульзел Гульистон богъи эз сэхде ширине хов хувшде хэбер бире, э гужевоз чумгъоре вокурде, пульси:

— Кини гъопуй Гульистон богъмере вокурдигьо?

— Гъову!—жугъоб до гъопу.

— Гъэлэлт мебош, гъову гъопуре нивокуну, — жугъоб до гульзел Гульистон богъи.

Кук гъетте эз дер гъопу пой доноре, эз гъирогъ эн богъ чи е десде гиёв, пучунд э гиёвевоз пойгъой хувшдере, дерафд э гъэд богъ. Гъетте пойгъой кук э гульгъо расире, гульгъо журай зере, шулькеет сохдуть:

— Ой гульзел Гульистон богъи! Имуре эдее шишире, зирпой сохдэгьо!

— Кини ишмуре шишире, зирпой сохденигьо,—пульси гульзел Гульистон богъи.

— Гиев!—ээ лэглэж жугъоб дорут гульгъо.

— Гъэлэлт мебошит, гиёв ишмуре зирпой нисоху.

Гульзел эн Гульистон богъи гене э хифлет мурав. Кук миёв э ки эн е келе дор, мегириу е чубугъэ, сер юре пара мисоху, сер мигириу эз лувгэй дор эри велг чире. Лигегьой доргъо гье усэглэт, хъэрой дешенде, шулькеет мисохут:

— Эй гульзел Гульистон богъи, эз лигегьойму эдее велгъо чирегьо!

— Кини эз лигегьошму велгъо чиренигьо?—хэбер бире, мипуурсув у.

— Чубугъ!—мугуют лигегьо.

— Гъэлэлт мебошит! Чубугъ эз лиге велг ничину!

Гульистон гульзелире гене сэхде хов шишире, хисирени. Кук велг Гульистон богъире э гъултугъ чохой хувшде деноре, гешдени эй томошэ эри хувшде э иловлэй богъ. Э чум эну вохурдени е келе гъэлэч, е сенгъ суврхи, е сенгъ нуыгъреи, эз тов-тоги гүйге эдее дегесире сухде. Э дер эн гъэлэч е голгом очоргъо вери —эз чуль утогъ—чуль очор. Кук вегуурдени голгом очоргъоре, дерафдени э гъэлэч. Гъер очор эз е утогъи. Сивнууьгъ утогъэ вокурдени. Утогъго дуль эз еки ра-

чи, вераюндеи, оммо э ежигеш е доне нешумо веди нисди. Чульмуын утогъэ у вокурденге, мивинуь э сер эн тэхчай сүрхийг гүзел хисири, рачи юре гъэдэр нисди, не ху, не хис, ныш томошэ сох, дуль чум вери одомире, дуль чумигеш воисдени уре эри томошэ сохде. Рачи духдер эдес э менг не чульмеревоз бэхъс дироморе. У тоб недоре, куынд омо эз духдер, гъуз бисдо, хуш хъэлол ю, е хубе моч сохд эз гъутинею, пэсдэ эз энгүвшд духдер векенде энгүвшдериюре э энгүвшд хувьшдэ дено, эз энгүвшд хувьшдэ векенде энгүвшдерире, э энгүвшд духдер дено. Э ён бонилей духдер е сини глош бу. У эз глоши э кем хурд, ведиромо эз гъэлече. Э песой гъопу э кул гээсб гьеийбэй хувьшдере веноре, венувьшдэ э кул эн гээсб омо сүйфдэ э ки чульклей духдер Чульме-Чин падшогъ, пэсдэ э ки эн минжийн, пэсдэ э ки келеи. Гъерсей эн духдергъой Чульме-Чин падшогъ гуриндире норе сукире вегирде, венувьшдүйт э кул эн гээсбгъо, оффорут э кук падшогъевоз э рэхъ.

Песой эни овосунере хунит э салигэ
ведировгъо альманах.

Овосунере нувьульди **Семен Садыков** э
шегъер Дербенд э декабрь 1986 сал эз
гофгъой эн **Лиза Юсуфова**.

CEPHOME

ПОЭЗИЯ

Гамзат Цадаса	
Ленин	7
Шолуми ээ довгло гужлуунি	8
Дүүзд боришиш сохдегор	8
Бэхш	9
Яков Ильягуев	
Шэгэмелей Октябрь	9
Александр Семендуев	
Солдат эн революция	11
Тешнөом эйтүү	12
Беньямин Сафанов	
Пойсувзэ сэглэтич (баллада)	12
Мэнг не чүшмэ (легендай хэлгээ тати)	14
Зоя Семендуева	
Эри холибоффю	14
Вэхд жовони	15
Борис Гаврилов	
Гъэзийй Гэвгийд гъуншиме	15
Яшар Машияхов	
Духдер Урснэт	18
Борис Ханукаев	
Эри хэлгэме	18
Каламбургью	19
Сульфдеи руз апрель	20
Шимшуун Сафанов	
Э кин метлеб	20
Эри ишму	20
Михаил Гаврилов	
Э рагч имид бире	21
Имид	21
Чорриз	22
Лазарь Амиров	
Инсон гъэнетлууни	22
Мэгнин эн догъгьо	22
Дүй каскагьой солдати	23
Пар зеренуум ме э китүү	23
Писэхү Мишиев	
Кейки тууре диренуум	23
Дербендмэ	24
ИХДИЛОТГЬО, ОЧЕРКГЬО, СТАТЬЕГЬО	
Феликс Бахшиев	
Рэхь сохдсан	25
Гъемеймуре е дерди	28
Дузыдире гүэрүүс	31
Нисон Гилядов	
Ветеран завод	34
Хъэнуух Анисимов	
Гъемише э жергэй гъюхочигьо	39
Дебарье Шоулов	
Хъэсуул омореи ве классови мэгнэнай иудаизм	41
Наида Авшалумова	
Концепцией эн хосиетгэй зени э овсунгэй тати	49
ФОЛЬКЛОР	
Кутум	61
Беде зэн	63
Кечел	65
Гүзэл эн Гулистан багын	73

СОВЕТСКАЯ РОДИНА
Сборник татских писателей

На татском языке

Рецензент **Н. Гилядов**
Младший редактор **Ж. Алиева**
Составитель **Б. Сафанов**
Редактор **Х. Авшалумов**
Художественный редактор **М. Левченко**
Технический редактор **С. Амирханова**
Корректор **А. Симандуев**

ИБ 1733

Сдано в набор 31. 03. 87. Подписано в печать 25.05.87. Формат 70×90^{1/16}. Бумага тип. № 2. Гарнитура «Литературная». Печать высокая. Усл. печ. л. 5,85. Усл. кр. от. 6,14. Уч.-изд. л. 5,9. Тираж 500. Заказ 786. Цена 40 коп.

Дагестанское книжное издательство Государственного комитета Дагестанской АССР по делам издательств, полиграфии и книжной торговли.

367025, Махачкала, ул. Маркова, 55.

Типография им. С. М. Кирова Государственного комитета Дагестанской АССР по делам издательств, полиграфии и книжной торговли.

367025, Махачкала, ул. Маркова, 51.

40 коп.

СОВЕТСКАЯ РОДИНА

Сборник татских писателей

На татском языке